

純德彙編

四明張氏約園開雕

序

昔柳柳州以交州多南金珠璣玳瑁象犀其產皆奇怪
至於草木亦殊異而罕鍾於人夫豈其然耶壽鑄當浮
錢江而東於郡曰嚴州於江曰曹娥嚴之名州以子陵
高其節也娥之名江以上虞曹盱之女旌其孝也而闕
其始實肇於漢和帝時董孝子焉孝子諱黯字叔達其
故居在縣西南百餘步今爲純德廟又稱董孝子廟壽
鑄幼時過其地以爲孝子慈人也於縣曰慈谿於鄉曰
董孝吾鄞烏得而有之及後攷鄉志謂卽其故居立廟

純德集編序

一四明叢書

約園刊本

孝子本鄞人鄞故鄞地虞仲翔以爲句章人據其徙居
慈谿言之也漢之句章在慈谿城小渡之東與隋時廢
鄞鄞二縣兼餘姚之地而曰句章在今縣南小溪它山
之左者異矣況董母之墓在郡城長春門外二里許吾
鄞烏得而不有之慈與鄞地相接其繫屬不必爭攷其
實而已孝子爲江都六世孫慈之三七市有董氏繁露
祠唐時董孝子碣銘今移置於祠中碣銘爲崔殷作也
其言曰白刀可蹈仁鮮能存黃金可鑠德無閒言道喪
於季賢生復古知禮近夷變風於魯豈曰無衣寒燠以

寧豈曰無魚泉流在庭黃鳥哀音下感棘心哭無常聲
灑血盈襟江水湯湯東注窮越夫子德音與之不絕鳴
呼盡之矣徐氏浩之碑樓氏鑰之記皆未能逾此他何
足論哉壽鏞又攷鄞藝文志附錄中於宋時有無名氏
黃孝子純德錄一卷見黃氏千頃堂書目實爲純德彙
編所祖惜是書未見今所傳純德彙編七卷爲清董華
鈞輯續一卷爲清董景沛輯皆孝子裔也孝子之名震
於天下後世不藉文字以存而仁人君子長言詠歎所
以勵末俗而飭人紀者文之工拙則又不足較焉後嗣

純德彙編 序

二 四明叢書

約園刊本

子孫不忘明德慎終追遠一一述之實亦世之所罕也
然則柳州所謂罕鍾乎人者今旣鍾乎人者如此而所
謂世之所罕者又於董氏之子孫見之壽鏞取而重刊
焉其於芬葩瓌麗見貴於恆人者固知在此而不在也
也因書而序之民國二十七年十月後學張壽鏞序

序

古來至孝之行獨行其是以京乎此心之安心安理等而綱常名教之繫自有互古今而不磨者此不待讚美而始見也然生膺徵辟歿敕立祠上下千百年間不知幾經兵燹朝市之變至不可勝數而孝子獨世世崇祀弗衰後之謁其祠拜其墓者輒相率爲文章以致其不容自己之衷卽孝子不因是加重而精彩長留宇宙之間唐碑宋額過客流連寧子孫而弗知寶貴也者此先從父平一公純德彙編所由輯也夫彙編何自昉乎先

純德彙編序

一四明叢書

約園刊本

世提舉公歸田後彙錄純德徵君事蹟以昭法守嗣後編輯者永樂則華峯公萬曆則海望諸公崇禎則二醇公順治則肇昌諸公然魯魚亥豕疑實頗多末學淺識不深維其始末而遽集矢於前賢遂使數百年相傳之簡冊幾若無一可徵信者公乃徧購遺書釐訛訂繆揚祖烈以闢異說俾後來得所據依而彙編之爲實蹟始昭若日星蓋自弱冠迄七旬易彙者三至目不能書尙口授靜齋先生爲注於旁其勤且慎也如是然公之心力盡彙編而彙編之傳不傳則未可知也其前明編輯

者固無一存國初去公未百年亦止餘手錄一部公既
集其成欲付梓而艱於費齋志以及邇來二十有七年
矣中遭回祿獨彙編以魏甥基持去得免苟不及今付
梓一旦簡殘編斷微特公一生苦志泯焉不彰將漢詔
唐封墓田廟址且淆亂於羣言而莫之正也此非後人
之責而誰責乎辛酉歲族叔鏡湖先生命小子參修宗
譜既登彙編若干首今小子復刊刻全書以廣其傳嗟
乎後賢讀是編者以提舉公之心爲心則孝弟油然而
生其繼平一公也不難矣嘉慶七年壬戌春正月望後

紀德業編序

二四明叢書
約園刊本

三日六十一世孫景沛謹序

純德彙編總目

卷首

序文 家傳 凡例

卷一

詔敕 圖像

卷二

本傳 志乘 附

卷三

祠廟 糧料 附

純德彙編總目

卷四

祀典 文移 附

卷五

古蹟

卷六

記序

卷七

題詠 聯匾 補

卷八

四明叢書
約園刊本

世系 按支派繁衍具詳宗譜今未付梓景沛藏

純德堂編總目

一四明叢書
約園刊本

純德彙編目次

卷首

新序

新刊純德彙編序

董景沛

原序

純德錄原序

劉憲寵

純德錄序

董兆科

重訂純德彙編序

董 瑋

董孝子純德彙編序

張嘉震

純德彙編目次

四明叢書
約園刊本

董孝子純德彙編序

保兆炳

重訂純德彙編序

董華鈞

家傳

董平一先生家傳

柯振嶽

凡例

卷一

詔敕

漢

徵孝子董黯擢議郎詔

爲孝子董黯立祠詔

唐

賜漢孝子董黯廟額敕

宋

錫漢孝子董黯號純德徵君敕

圖像

孝祖遺像

孝祖廟像

孝祖墓圖

純德集 目次

慈母墓圖

邑廟圖

郡廟圖

卷二

本傳

六世祖純德徵君傳

董華鈞

志乘 附

南宋乾道四明圖經

寶慶四明志敘人

四明叢書
約圖刊本

延祐四明志人物

成化寧波志孝行傳

正德慈谿志孝行傳

康熙鄞縣志孝義傳

雍正慈谿志孝友傳

董氏宗譜家傳

董宗原

明天順一統志

補

乾隆浙江通志

補

董孝子純德徵君傳

補

桂彥良

純德彙編

目錄

三四明叢書

約圖刊本

卷三

祠廟

邑廟沿革

郡廟沿革

附

別廟宗祠

乾道圖經祠墓疆域

寶慶志祠宇山川

至正續志疆域祠墓

成化府志壇廟

嘉靖府志秩祀壇廟第宅冢墓

天啓慈谿縣志祀典

雍正寧波府志壇廟冢墓

糧料

附

東沙郡志

何司理詳案

慈邑賦役全書

卷四

純德彙編 目次

四四明叢書

約園刊本

祀典

邑廟典禮 祭文二道

郡廟典禮 祭文二道

附

宗祠家祭 祭文一道

黃楊奧墓祭 祭文一道

祖關墓祭 祭文一道

代朱邑宰祭董孝子文

楊簡

重新董孝子廟告成祭文

烏馬兒

重舉董孝子祀事祭告文

胡瓊

邑崇孝祠迎神送神曲

張鈇

祭告董孝子文

范洙

修董孝子廟告成文

何士晉

創設董孝子父母祀典祭告文

何士晉

祭董孝子文

張星耀

郡南郊徵君廟迎神送神曲

董宥

祭董孝子文

黃震

文移

附

純德集編 目次

五四明樓書

約園刊本

徵君父母特祀案

設置孝廟祀田案

春秋兩祭詳入賦役全書案

黃楊興孝墓構訟始末

卷五

古蹟

孝子故宅

慈母墓

孝子墓

慈溪

大隱溪

汲水潭

慈溪巷

孝子井

望母洞

滴淚潭

純孝坊

純德坊

純德彙編 目次

慈孝坊

三孝鄉坊

純德世家坊

純德橋

慈溪橋

董孝廟橋

卷六上

記序

重修董孝子廟碑記

崔殷

六四明叢書

約園刊本

慈溪縣董孝子廟記

樓 鑰

與楊慈湖先生簡書

趙崇遂

張孝子配祀董孝子廟記

張 慮

重修董張二孝子廟序

高衡孫

書董張二孝子廟碑陰

黃 震

重修漢董孝子廟記

陳敬宗

修甬東徵君行祠記

張 琦

董徵君復讎論

葉允昌

漢董孝子祠敘并贊

沈 愷

純德堂編目次

十四明叢書
續園刊本

先徵君古蹟辨

董宗原

重修慈母墓記

董宗原

卷六下

記序

徵君遺像記

董 樾

先徵君復讎贊書畫像後

董大晟

董孝子廟新修記

沈一貫

張司理修董孝廟記

屠 隆

書董孝子傳後

陳宗元

董孝子祠父母追祀碑記

余寅

董孝子祠父母追祀碑記

全天敘

董孝子廟志小序

何士晉

董孝子祠志序

屠隆

董孝子述

秦應鸞

董孝子復讎說兼論廟祀

姜應麟

董孝子廟祀議

劉憲寵

城南新建董孝子廟記

楊守勤

讀董孝子廟碑文

韓孫愛

純德彙編 目次

八四明叢書
約圖刊本

募修董孝子廟疏

林夢官

郡城董孝子廟碑記

周容

聞性道鄞縣志孝子耐葬母墓辨

董正國

書張東沙墓靖寧波府志董孝子傳及廟宅後

俞聲金

臨先徵君遺像記

董華鈞

董孝子墓柱記

全祖望

新修孝子廟志序辨說四條

董秉純

論族抑儒新廟志序辨說四條

董華鈞

辨全祖望東京雙詔說

董華鈞

晉虞豫會稽典錄

摘錄問士對

虞翻

晉書孝友傳序

摘錄附

房玄齡

請旌孝子許孜疏

摘錄附

張虞

四明七觀

摘錄附

王應麟

純德彙編徵言啓

董華鈞

卷七上

題詠

董孝子黯復讎

賀知章

純德彙編 目次

九四明叢書 約園刊本

過董孝君祠

杜醇

和馬粹老四明雜詩十首之一

舒亶

純孝墓

鄒浩

慈湖

楊簡

過黃楊輿孝子董公墓

葉澄

過董叔達故居

王休

董孝子墓

應懋

慈井

方山京

謁董孝祠追和杜石臺先生韻

黃震

董孝子墓

謝翱

逃暑崇法寺

謝翱

遊董孝子故宅隨拜瞻新祠有作用杜黃二先生

韻

孫庚

與董懷倫避兵過伊族弟均祥家遂偕謁董孝子

墓

烏本良

縣治風景

孫子良

由慈溪歷普濟寺感董孝子作

桂彥良

董孝子慈人也自祀典移郡後邑遂無廟偶闕遺

純德彙編目次

十四明敝書

約園刊本

傳不禁慨然故作

顧異

出郡南郊過董母賢淑夫人墓

陸珪

董孝子

楊江

祭董孝子廟因賦

張瓚

董孝子母墓古松爲暴風雨盡壞枝柯賦歎

魏侑

感董徵君遺廟

周大昌

邑無董孝子廟久矣歲乙亥令君胡公具詳監司於學宮隙地建崇孝祠奉之予以歸省得與落

成賦頌

孫懋

頌董孝郎中

秦金

慈溪懷董孝子

袁載

出北郊過董孝祠遺址

姚涑

秋日過闕峯董徵君荒祠

袁焯

過董徵君崇孝祠

姚梧

董徵君祠自嘉靖中廢後羣議建復未果賦此以

示邦人兼柬邑大夫

張大器

感賦董孝子

劉伯淵

純德彙編 目次

十二 四明叢書

約園刊本

馮董孝子祠兼贈何司理

邵城

詠董徵君

桂茂枝

董孝子讀六章章六句

姚孟昭

謁董徵君廟

馮日望

司理何公修董孝子廟徵詩

林祖述

司理何公修董孝子廟徵詩

徐時進

司理何公修董孝子廟徵詩

袁時選

謁董徵君墓

葉維榮

頌董孝子爲何司理作

莊學

展禮董孝子墓

王大任

頌董徵君爲司理何公作

王嗣爽

詠董孝子爲司理何公作

仇成德

賦得董孝郎中寄二醇兄弟

張九德

董徵君頌

李振玉

慈母頌

葉星

董孝子廟助祭

徐應乾

董孝子行

錢光繡

題董孝子祠

張肇元

純德齋編目次

十二四明叢書
約畧刊本

董孝子徵君祠

馮元仲

董孝子井

馮元仲

出南郭至董孝子廟旁有慈母墓

周容

董孝子贊

屠粹忠

董惠泉姑夫述其遠祖純德公遺事感賦

葉振甲

董母墓

李裕

同董平一過漢徵君故宅和韻

張嘉震

偕董平一丈出北郭賦慈溪

馮鵬飛

賦孝母墓老松

李昌昱

董徵君歌呈老友平一

向體元

古松歌應董三抑儒

范永祺

卷七中

題詠

洪武二年釐正祀典每歲六月六日祭先徵君祠

許子姓與祭恭賦

董季聖

祖德詠

董琳

孝祖廟觀社

董鎬

純德齋編 目次

十三 四明叢書
約園刊本

黃楊輿埽墓寄果庵弟

董霖

過孝母墓話孝祖斬寄報怨事

董鍾

答有問慈溪故蹟者應之以詩

董閻

讀濟之叔父祖德詩爲申其意

董瀚

過慈溪縣懷古

董瀛

滴淚潭

董沐

詠六世祖辭徵

董廷武

萬曆丁亥仲冬給假南還陪祭孝祖廟敬賦

董樹

孝祖斬逆寄自囚以告有司其斯謂大勇與敬賦

董樞

邑令胡公爲先徵君建崇孝祠恭賦

董淮

詠孝祖辭徵

董瑩

祥烏

董璞

諭先徵士復仇事

董國俊

房太尉改句章曰慈溪以先孝祖也敬賦之

董儀

續德錄編目次

十四四明叢書
約園刊本

拜先徵君南郊祠下感而有作

董可觀

嘉靖癸卯陳邑侯修學宮遷崇孝祠神主於鄉賢

祠議別建廟以奉祀事乃工未竟而陳行且遭

倭變成焦土焉賦此志感

董宗炳

讀家傳書孝祖事實後

春日同公朗大兄自浮碧山過慈湖尋先徵君遺

蹟用杜石臺先生韻

閱家譜孝祖斬仇告墓事

董崇威

詠孝祖殺王寄祭母事

董劭

詠孝祖辭徵

董應期

述孝祖事

董守正

婦孝母墓因謁徵君廟示子姪輩

董應延

過慈溪尋孝祖故宅

董逢春

詠孝祖舍旁泝泉事

董德彰

讀孝祖傳有感

董伯麟

分賦孝祖故事得辭徵

董培醇

分賦孝祖故事得請罪

董正道

分賦孝祖故事得汲溪

董一鶚

純德彙編目次

五十四明叢書
約刊本

賦得孝祖斬仇告墓

董德偈

過孝祖祠有感

董德欽

先孝子諱鏞

五君詠之一

董劔鏞

慈溪

董兆科

祖德頌十二章章四句

董允升

邑故有崇孝祠嘉靖中爲倭燹所燬萬曆壬子伯

兄允升領鄉薦請於巡撫使者復之謹拜手稽

首而爲之頌

董允茂

讀謝皋羽董孝子墓詩知其以母訛予以廟訛墓

也卽用其韻正之

董正國

烏雛篇

董勇

徵君城南廟下社祠竹枝詞十首

董勇

述祖德詩五排十韻

董允霖

論六世祖復仇事

董允霖

萬曆壬子新建孝祖祠於南門內予忝與祭賦此

志喜

董昌祥

慈溪之名肇自六世祖漢徵君天啓甲子春予同

豸章叔讀書祠右酌水知淵人廟思敬爰歌涯

純德齋編目次

十六四明叢書

約園刊本

略以志事道

董日烱

祭慈母墓有感

董昌周

謁純德徵君廟示子姓

董又嘉

詠孝祖林集祥烏

董宥

拜南郊孝祖祠

董敏

祖德詩

董爾宏

孝溪歌

董經權

謁孝廟追次族祖名溪先生韻

董文成

讀司理何公孝廟志所述神夢敬賦

董 璠

同人訪先徵君舊宅和平一韻

董懋震

同燕及興國二族祖暨族父穎先二王泛舟謁賢

淑夫人墓

董華鈞

懷先徵君往事感賦

董有恆

過慈溪先徵君故宅感賦

董桂芳

卷七下

題詠

遺事倡和題解

董華鈞

純德彙編 目次

七十四明故書 約園刊本

恭賦孝祖遺事詩三十首

董秉純

和族祖抑儒孝祖遺事詩三十首

董華鈞

和遺事詩二首

李昌泉

和遺事詩一首

盧 鎬

和遺事詩一首

厲 荃

和遺事詩一首

仇啓昆

和遺事詩二首

桂廷嗣

和遺事詩一首

顧 桐

和遺事詩一首

李聲金

和遺事詩一首

屠可播

和遺事詩一首

倪承天

和遺事詩一首

仇國垣

和遺事詩一首

范用炳

和遺事詩一首

項茂禮

和遺事詩六首

魏基

和遺事詩一首

董凌霄

和遺事詩一首

董任

和遺事詩一首

董秉紹

純德集編目次

大 四明叢書

約四刊本

和遺事詩一首

董秉鼎

和遺事詩一首

董懋煌

和遺事詩一首

董澄川

和遺事詩一首

董澄淵

和遺事詩一首

董懋瀾

和遺事詩一首

董懋震

和遺事詩一首

董步瀛

和遺事詩一首

董有恆

和遺事詩一首

董華桂

和遺事詩一首

董桂芳

和遺事詩一首

董華鏞

和遺事詩一首

董明倫

和遺事詩一首

董肇銘

和遺事詩一首

董肇登

區聯補

純德彙編 目次

十九 四明叢書
約圖刊本

純德彙編卷之首

六十世孫華鈞重訂

原序

純德錄原序

讀董孝子傳而歎孝道通於神明信夫子嘗入大隱山其汲水沙渚僅容旋武迄今猶存山人言大浸稽天陵谷相易獨其渚歷千餘年無恙此豈人力哉則斷土埒而甘泉涌廬母墓而祥烏集必非誕漫不足信者迨細審其報讎始末不在激烈於一劍之任而在從容於惡

純德彙編卷首

原序

一四明叢書

約園刊本

少將母之時不在快心於吾母必雪之冤而在曲體夫彼母無依之苦孝子不置永錫爾類又與封人逕庭矣當其時挾匕首提讎寄頭詣有司伏辜已不有其身乃弓旌及門召拜耶嘗母死之謂何而因以爲利固知孝子之辭辟實有隱痛其中非鑿环踰垣者流也惟是漢世徵辟選舉之科西京爲盛東都以還漸以陵夷雕龍充位白駒鳴谷翹翹車乘幾絕迹於高士之庭矣不意和帝之遇孝子能破拘攣之吏議流拔擢之殊恩上輕爵祿以廣孝下重倫紀以移風所以終漢之世尙有王

哀徐庶數輩砥柱末造方今聖明在宥純孝猷聞公之
潛德必有搜遺典舉廢祀者豈淳龐之世顧讓於赤劉
之季哉小子寵華胄甥也茲重刊純德錄成而問序於
予因附識以俟觀風者萬曆辛亥上元日賜進士第奉
政大夫光祿寺少卿前禮部儀制清吏司郎中里人劉
憲寵頓首書

純德錄序

六世祖純德徵君稟扶輿之正氣完人世之綱常汲隱
涌甘泉之瑞璣懋宏錫類之仁廬墓集烏鳥之祥被召

純德彙編卷首

原序

二四明叢書
約園刊本

高逃封之節故生爲人傑死爲天神歷代揚靈天朝顯
灼至今郡城鄉邑用罔不貌而宮尸而祝以旃蠻我祖
我祖亦惟是有叩必應有禱必享以赫厥靈而不少忒
嗚呼矯矯芳蹤越今猶古稟稟英魄雖死猶生特是徵
文徵獻識大識小備掌故而廣表揚者後世子孫之責
也而蟲穿蠹蝕煙空水寒向有純德彙編今已留存無
幾閒有學士大夫銜命按節思欲表章孝德而考核未
詳猶同杞宋之就衰卽氏族咸載難免許常之侵越在
末裔固觸目未安想吾祖亦愀然不樂是用循舊製以

撫搨采新篇而詳究其微實也雖閭閻之微吟尋常之
緒論在所必收其傳訛也卽柱國之清裁金馬之雄文
亦所弗錄其閒縉紳縫掖墨客騷人篇章雖博甄別務
精則振葉可以尋根索源得於觀水非吾宗一盛舉哉
而惠邀名公椽筆其爲贊頌尤吾子孫奉爲天球璜璧
以章奕世者敬彙成書授之劔劔維時主持爲先祖諱
崇敬綜查爲族父伯深伯文纂修爲族父伯鸞正道一
鸞厥功俱偉而校閱繕寫則不肖兆科亦有微勞焉其
告竣在萬曆辛亥季春之朔其經費蓋舊宅堰頭居十
之五六東宅東莊坊隅居十之三四云崇禎十有六年
癸未仲春之吉裔孫兆科謹識

重訂純德彙編序

古稱孝爲百行之原明人生莫重於孝也詩曰民之秉
彝好是懿德明人多好德而美斯愛愛斯傳也我六世
祖純德徵君天性至孝就養而誠感泉流復仇而義全
國憲是以虞翻吳之名臣其答王景興問士也舉徵君
爲會稽稱首張虞晉之循吏其請許季義旌典也舉徵
君與蔡順同尊猗歟休哉斯不足見徵君之立于極而

彝好在人自有興起百世者乎先是徵君遺事子姓哀輯自漢唐以來統人家乘至宋末德祐乙亥我提舉府君歸隱金川始另爲一卷名曰純德彙編明永樂中先肇峯府君旣畢譜事還稽往帙附以所聞爲新舊二編擬付剞劂未果而手書四通以遺族之工儒術者迨萬曆辛亥先正海望敬偉明巖寅軒諸公廣集詩文請問卿劉行素給諫姜泰符兩先生釐正焉而授之梓名純德錄於是有刊本矣嗣是崇禎閒淮安郡守二醇公以投贈日多爲增刊十餘頁我朝順治初得成肇昌諸君

純德彙編卷前

原序

四四明叢書

約園刊本

以明季亂離板有散蝕復補刊十餘頁凡此無非永播我徵君之孝也彝好也自順治迄今蓋百有十年矣以溯萬曆辛亥則遙遙百五十年不特舊板無存而舊本亦少惟予與族子西林各存一編而西林所存之本旋被邑侯戴君椿攜去儻予所存者再或有失咎將誰歸用是低回者嗟不能已歲丁卯長男華鈞請從事予曰甚善固非異人任也初鈞兒童時卽酷嗜此書比長較閱覺其中多謬誤且少倫次思爲修輯者久矣至是承族尊委訂家乘旣竣遂窮搜舊志廣閱成編凡親友齋

頭詩文有涉徵君者輒鈔存篋衍且逐項駁正附論本條三易稿始成全帙仍名純德彙編從提舉府君之舊也既思發刊以垂永久捐金爲之倡得季子華鎮族子繩載爾英等各相扶助觀成有日夫乃歎秉彝之好惟子孫於祖宗爲尤篤也而先徵君之純孝於是乎益彰矣嗟嗟任事之難如此成事之難又如此後之覽者尙其敦百行之原以嗣徽先哲予實有厚望焉抑念愚父子考覈多年鐫板不易相與珍守而增定之則繼繩繩純德不長留天地間哉乾隆十八年歲在癸酉長至

純德彙編卷首

原序

五四明叢書

約園刊本

前三日五十九世孫瑋敬序時年七十有八

董孝子純德彙編序

寶峯漾采遙同珠斗之華碧巘騰輝永萃人文之傑炳諸史冊均堪扶翼彝倫煥若日星洵足楷模萬禩當炎劉之再造值和帝之紹基溯芳系於江都緬純修之孝子色養承歡奉晨昏而志愜力田自贍致洗腆以情怡遷居大隱之溪遂痊母病漢涌甘泉之水違格天心迺逆子之逞狂竟孝母之被毆惟復讎之苦志寧稍忍於片時然而仁心篤切固痛極於我之無親義氣旁通且

感深於彼之有母灑鵲花而血冷雲埋三載之冤拂劍
鏑以神驚風壯千秋之烈戮讎告墓對天地已無疚衷
解網原情在朝廷自有優典況夫茆茆束帛屢頒鳳闕
之書抑且奕奕諫垣更速遺廬之駕諒延安在方捧檄
以悽悲繡隴可耕因考繁而歌嘯想其隱念非遠慕夫
隨光景迺高風亦邇殊乎潛義錫徵君而號純德輝映
明山改句章而曰慈溪澤延潮水巍巍廟貌赤堊猶新
馥馥泉臺黃楊共式維秉彝之同好代有詩篇猗懋德
之可欽人多讚頌洵乎珂鄉烜彩譜牒增光者矣顧以

純德堂編卷首

原序

六四明叢書

約園刊本

新編之集創自肇峯增錄之刊成於海望綜縹緲於百
葉繡帙香馥羅珠玉於九天瑤樞星近素以甲子屢周
遂至遺忘疊見亥豕垂蹤疇探全文於禹碣靈魚果腹
同嗟斷簡於尚詩爰賴孝孫篤生平一行齊圭璧期繩
前武於麟宗廟富瓊瑤未擷秋英於蟾窟迺席珍之有
待爲椽筆之頻抒宗乘一新錦暉之函貯美彙編復舊
牙籤之籍留馨補殘頁於無痕恍借媧皇片石集鴻章
以有斐聿裁織女七襄始覺孝子芳型互河山而並麗
廣川賢肖借雲日以蜚英乾隆丙戌歲秋八月望前一

日邑後學張嘉震拜序

董孝子純德彙編序

今皇帝以孝治天下敕所司修各省通志或編醇德或書孝義其有內行純至者表章不遺餘力以故吳越山川代有偉人而董孝子黯在慈溪爲尤著孝子爲江都相六世孫其事親色養及報仇始末具載寧波慈谿二志不煩縷述矣特是孝合乎道非但至性過人方其母病臥牀何惜剗刃以衝讎人之胸而復仇之中不忘錫類義正氣平緩急有度蓋推恩以仁告慕以義仁至義

純德彙編卷首

原序

七

四明叢書
約園刊本

盡而宥亦可生全歸爲幸徵卒不起抱恨無窮余恐世徒震於廟中靈蹟猥與祝釐禳疹者同類而共稱之也大造未隱不獨親聞風而慕百世興起讀純德彙編載列朝聖書及宣德諸名人題詠自提舉創始海望諸君子刊錄而平一復廣搜博採其佳篇林立不能盡付梓人謹擇其尤者期鐫刻以垂永久於此歎至性之不沒於人心而孝子之後之大有人在也夫祖宗遺一二彝器子孫能世守之即可謂賢況光顯前徽馨聞世德使孝子至今如生謂非繩武之尤大者乎吾鄉夏孝子

執藝扶親周孝子終身孝服雖有祠祭而後起寥落絕少表揚若純德彙編者卽謂董孝子之金鏡可也予門人明倫白華純潔以是編請序於予予謂孝子之後必有達人如是編者當與虞翻之贊崔殷之銘壽厥千秋不獨繁露一書當留天地閒矣乾隆丙戌秋日賜進士出身文林郎知縣羅源縣事崇川保兆炳拜序

重訂純德彙編序

純德彙編於癸酉歲成稿先君子樸畦先生實敘之念鈞之網羅散失考訂傳訛以成此也已歷有年所第自

純德彙編卷首

原序

入四明叢書

約園刊本

慙譴劣思得就正且經費未充故未遽付刊越十年甲申郵邑仰儒族祖以續修廟志徵詩文出是稿授之旋與共校越二年書成於是拜手稽首而爲之序曰徵君之孝前賢論之詳矣惟是天經地義昭如日星而漢唐宋明之詔敕慈溪鄞縣之祀典歷代志乘之廟墓古蹟世遠失考傳聞異辭自一二人創於前後世遂仍訛踵謬而不可破此雖名公巨卿博學鴻儒猶莫知改正況渺渺無知者乎夫不知其非而沿襲者誤也心知其非而不亟爲訂正者亦子孫之咎也先世提舉公而後迄

順治初四經編輯或失之兵革或燬於祝融不百餘年
輒皆散失其僅存者獨順治間一部而疑賢未塞無所
折衷至使異說反得乘吾隙以肆其誣嗚呼彙編且然
又何怪乎志乘之紛紛也哉鈞用是上邇詔敕下附世
系爲八卷其是非同異處皆列論說於後雖不能文要
皆信而有徵苟鑒其網羅考訂之苦心於以揚祖德而
起孝思也則所望於後之覽是編者乾隆丙戌歲秋九
月朔旦六十世孫華鈞謹撰

純德堂稿卷首

原序

九四明叢書

約園刊本

董平一先生家傳

里人 柯振嶽 訥齋

先生諱華鈞字平一別號梅坡采彬公冢子漢董孝子六十世孫也幼有至性自二親上至祖母特器重之讀書負兼人質采彬公故邑名士淵源有素經史外旁及諸子下筆輒灑灑數千言學使者異其才拔入邑庠時年尙未冠謂功名可力學致遇省試必赴卽有疾亦然所以爲顯揚計者甚切久之無所遇乃喟然曰士不能樹勳業爲天下重卽當統宗收族爲祖宗不可少之人二者無一何事讀書世亦何賴讀書人哉於是謀讀之

純德堂編卷首

家傳

十四明讀書

約圖刊本

暇惟宗譜爲事事宗譜當康熙己未續修上距前明修譜已九十年雖有就緒未克告成又曠六十八年而至先生支愈繁世愈遠老成徂謝傳聞異詞其不紊列而失墜者如一髮引千鈞先生乃參互考訂鱗次櫛比秩然不亂維時漢醇泮生二君嘗與其襄厥事然漢醇君客寓吳門泮生君爲貧入幕雖皆有志宗譜而家居之日少勢不得不專屬先生先生亦不得不獨肩其瘁也且先生持論有過人者讀史漢至始祖董子傳惜其歷官久近生卒子嗣無考則爲之述讀班氏傳贊則是劉

向謂欲附新莽顛倒聖經翼爲莽明德侯賜姓王氏班
掾不當稱篤論君子皆特識也而其闢揚祖烈抉摘幽
微竭半生之心力以正前人所未正者尤見之純德彙
編初東京雙詔永樂譜有考功郎諫議郎敕封孝子等
字後世相仍未求其義甬上全謝山以考功郎諫議郎
非兩漢官孝子非爵言封斥爲屢作先生據元世世德
錄與歸曰詔云考工令議郎敕爲孝子立祠故居彰彰
可考且歷代志乘先後是非具在柰何以後來繕寫之
誤誣我先人又延光三年詔末云其母黃氏可贈賢淑

純德彙編卷首

家傳

十一四明叢書

約園刊本

夫人永樂譜失載後世遂多疑私謚公據世德錄補之
凡此皆三百年來未解之癥結卽有心知其非而搜羅
未至卒亦莫之能解得先生而論乃定也暮年目眩猶
口授族弟靜齋且隨訂隨改務使無一字游移乃止特
彙編成於譜告竣後未及追改後辛酉董氏修譜本先
生遺說以正之焉母顧孺人之卽世也先生年四十有
三哀毀逾於孺慕族黨以爲難後采彬公享有壽壽元
生須眉皓白與弟華弒華鎮侍養怡怡聞有所得父子
間輒自相歎賞迨采彬公壽終七十九而先生已六旬

有奇矣天倫之樂人多羨之卒年七十有一

柯振嶽曰予觀純德彙編蠅頭細字刪改再三至有不可驟別者士不能爲天下樹勳業卽當爲祖宗不可少之人有味哉有味哉其從子汝霖謂先生心血盡是特手錄付梓以垂不朽是亦有心人也先生其可以自慰矣

凡例

一徵君之孝上格九重漢和帝旣行特召安帝復敦專祠恩良渥矣唐宋及明代有哀恤天章璀璨純德彌光恭錄詔敕誥命以冠卷端

一是編以表孝也先徵君孝德純懿閱者無不想見其爲人故敬列遺像次廟像而墓圖邑廟郡廟又次之圖孝墓而并圖慈母墓者仰體孝思且志耐葬之訛也

一范氏東漢書不立徵君傳疏略殊甚猶幸有晉人會

絕德彙編卷首 凡例

十三四明叢書
續圖刊本

稽典錄得考見故實迨宋乾道作圖經明州始有地志頗及徵君事繼此若寶慶若元延祐若至正若明成化嘉靖暨本朝雍正諸郡志無不傳我徵君者至慈邑之志創自正德而天啓迄雍正繼之鄞邑則康熙中國性道始爲志兩志亦各有傳但事多舛誤故備列諸志於本傳後而附以辨說云

一祠廟粵始延光累經賢有司葺理兼有名筆爲之表彰則紀載不可或缺也故詳列建於何所暨歷來沿革首邑廟次郡廟次別廟次家廟并雜辦錢糧而兼

採宋元諸志祠廟條以資考索

一崇祀甚盛典也郡邑之對越維虔豈家廟之儀文弗備故謹列祀典兼載祭章而繼以誕辰家祭及掃墓之舉爲一卷

一徵君之祀興隆矣祀徵君而上祀所生且置圭田以圖久遠此賢司理何公爲不可忘也乃若邑祀重光於萬曆二醇豸章兩族祖之功誠偉第文移絕不可考而我從祖金壇公之請入全書則案牘猶存故列上祀卷置田卷全書卷而墓田構訟始末附焉

純德彙編卷九

凡例

十四四明叢書

續編本

一譜載故宅墓田確矣卽他書亦有可證爲載筆者乃訛大隱溪爲慈溪且訛爲鄞籍爲前母何歟故列序古蹟前附以辨說他若滴淚潭望母洞及坊巷橋梁有闕祖德者亦附於次

一碑版如唐崔刺史宋樓參政鴻篇尙已入明有陳文定沈蛟門屠赤水等廟記又有秦少府劉岡鄉等議述皆大手筆故彙諸記序成卷論贊雜著各以次列但文定蛟門諸公尙沿舊志之訛是不可不辨今悉據實改正閱者幸毋以竄易舊文曲就已見見責

一唐宋來賀祕監杜石臺鄒志完黃東發孫雪磯諸先生皆有詩詞以揚盛美嗣此名作未易更僕數而我鄧慈兩處宗支祖德詠亦多大雅可觀故採集諸篇編列題詠而名賢居前宗英次之顧鄒孫二公作尚不沿舊志之誤若舒懶堂謝晞髮全謝山三君或落筆偶誤或故翻成案世人以其才高望重奉如信史而莫覺其非所繫良非淺鮮爰錄其詩而詳辨焉其他閒有瑕瑜莫掩者爲僭易一二字不欲以玷全璧也閱者諒之

純德彙編卷首

凡例

五十四明叢書

約園刊本

一鄧族抑儒氏作遺事詩三十首名章巨篇和者林立鈞亦竊步其韻皆表揚孝祖之意也集爲一帙附於題詠之末

一徵君之支系其在鄧邑西廂者自四十七世伯莊公始由慈徙居地近族繁聞人代出今自明以來鄧慈兩派錄其有德有位有文名諸公以列卷末蓋表先澤之源流兼以獎勵後賢也若有功徵君及爲記文贊詠者雖名德不甚著亦附之

純德彙編卷一

六十世孫華鈞重訂

從子景沛校刊

詔敕

徵孝子董黯擢議郎詔

奉

天承運

皇帝詔曰法者所以禁暴衛善故牧民而導之以善者吏也既不能導又以不正之法論之則緣法以爲暴甚非難犯易避之意句章董黯孝養厥母

純德彙編卷一

詔敕

一四明叢書
續園刊本

仁以復王奇之仇攜首請罪於吏疑不敢決具奏以聞夫舉孝與廢勸善刑暴五帝三王所繇昌也董黯至行卓然可嘉朕嘗聞之孝者所以事君也遺考工令邱霖釋專殺罪擢爲議郎使居言責以匡朕之不逮永元八年二月十五日

爲孝子董黯立祠詔

奉

天承運

皇帝詔曰導民以孝則天下順此治道之隆也夫

母子之情天性也句章董黯承顏順志蒙難不渝
誠孝子仁人之用心爲人所不能爲豈不休哉先
帝擢拜議郎累徵不就壽終牖下朕甚悼焉今特
敕爲孝子立祠故居崇表異倫之士宇內庶幾成
風布告吏民使知朕意其母黃氏可贈賢淑夫人
延光三年六月六日

賜漢孝子董黯廟敕

奉

天承運

純德堂編卷一

詔敕

二四明叢書

約園刊本

皇帝敕曰國家旌孝喪賢所以勸齊民而厚風俗
也據明州刺史崔殷奏漢孝子董黯派自廣川徙
居東海繼儒林之舊業菽水承歡重天性之至親
從容報復念若母卽吾母枕戈推錫類之仁慨吾
生不共生斬首雪終天之恨就囹圄以待罪謝微
辟而辭榮孝兼達德義熟春秋誠斯世之儀表也
允所奏賜廟額爲董孝郎中廟歲時致祭以勸齊
民爾其欽承之故敕大曆十年二月二十五日
賜漢孝子董黯號純德徵君敕

奉

天承運

皇帝敕曰虞舜篤百行之原典謨休美齊襄報九世之惡春秋大之故逆情忤旨之輩懼重罪於五刑而順天養志之賢流芳名於千載爾漢孝子董黯身居東海之濱志操清白之行夙昔英明孝思彌篤丁不共戴天之讎而枕戈不發守彼母在生之念而至死方誅從容禮法恩怨皎然仁以全人義以雪恥不特感化愚頑抑且培持風教朕嘗三

純德真編卷一

詔敕

三四研叢書

約園刊本

復遺編深用歎慕雖歷朝加禮贈之崇然未盡憲章之善茲逢禋祀載錫嘉名可加號爲純德徵君祀之父母之邦祭以大夫之禮豈踵故式特表孝思爾靈不替福我邦民大中祥符元年十一月七日

孝祖遺像



純德彙編卷一

圖像

四四明叢書

鈔國刊本

鈞按孝祖遺像故有二幀一正容一側相子姓世寶之
柰宋建炎四年金人擾明州宗族避禍狼奔遂失側像
一幀而正容像以元末災於火此載之永樂舊譜者也
迨明萬曆丁亥鄞族韋吾公懋由檢討轉秩修撰予告
歸省有捧像求售者上列宋贈純德徵君璽敕下有宋
裔孫應文重鑄唐刺史崔殷碑文其面偏左若竚立狀
且展閱之閒其人卽不可蹤跡眾咸詫異謂非徵君之
靈不致此韋吾公因有得像記後予每隨祭拜瞻輒擬
圖歸奉之未果至乾隆壬戌始克如願作臨像記見記

序

純德彙編卷一

圖像

五

四明叢書

約園刊本

孝祖廟像



純德彙編卷一 圖像

六四明叢書
約圖刊本

孝祖偏左遺像爲今家廟所供者旣失復得詳見得像
臨像二記而此則廟像也正容端坐蓋刻於舊純德錄
與側相遺像不相遠千年神采歷劫彌新可謂盛矣且
純德錄刻自明代而創于宋季正像以元末被災在宋
季固無恙也則此像殆從古圖摹揚者歟因深幸正像
雖災揚本猶存而側像失于建炎兵燹卒能包相完好
越三百餘年至萬曆中復歸吾族是家譜所載兩像無
一逸者抑又奇矣昔宋咸淳人物面目當時遺民等之
錄鼎然則如徵君廟像暨遺像豈直希世之珍哉故雖

丹青繪畫未必盡肖而爲子孫者儻思聚祖考之精神
優乎見愾乎聞不亦儼然如或遇之乎

純德彙編卷一 圖像

七四明叢書
約圖刊本

孝祖墓圖



達蓬山

純德彙編卷一

圖像

八四明叢書

約刊本

墓在今鎮海縣靈緒鄉之黃楊奧董氏舊譜及宋人葉澄應徽元人烏本良等詩可證也墓道坐西南向東北周圍實地五畝三分限以石垣至今牆根纍纍可按因其地瀕海明末鼎革亂兵多出沒其間子孫畏不敢往至康熙初為鎮民葉爾鑑父子所據鄞慈後裔合詞訴之有司以事遠少徵僅歸穴地一方并行路一條詳具構訟始末其聞氏鄞縣志之謬族先輩南岡先生正國有辨見記序

慈母墓圖



純德彙編卷一

圖像

九四明叢書

繪圖刊本

墓在郡城南長春門外二里許其墓坐西北向東南址圍計一百一十二步東西四十步南北二十六步實地四畝三分五釐一毫墓左前有滴淚潭右後爲望母洞舊誌載墓木森秀今則童矣南有孝子廟兼祀父母按孝子父母合葬郡南城外本永樂舊譜文也但孝子以復母讎顯且乾道圖經暨諸舊誌俱云董孝子母墓卽嘉靖癸丑郡守孫公宏軾修墓亦以淑德夫人題碑故單稱爲慈母墓云孫公修墓阜土營封禁民樵牧碑石豎於墓巔碑陰鐫孝子殲讎告母文雍正閒碑仆於大

風橫斷爲三乾隆九年子姓購石重立裔孫宏書丹


殲讎告母文

人子酬德孝爲至先鞠我育我誠然信然父母之讎不
共戴天今已殺寄祭於墓前昔仇已報更無後冤

鈞按右祭文舊譜雖失載曾見於元世德錄孫公碑
陰所鐫與世德錄合則不爲無據但孝母據延光詔
書宜稱賢淑夫人而孫公題曰漢贈淑德夫人墓又
未知所本何書

邑廟圖

大清光緒十年



純德堂編卷一

圖像

二十四明叢書

約園刊本

廟在邑之南門內建於明萬曆四十年邑人楊守勤有
 記崇禎末又建啓孝祠於廟右詳邑廟沿革

純德彙編卷二

六十世孫華鈞重訂

本傳

六世祖純德徵君傳

有序

華鈞

先徵君事始見於會稽典錄其次則唐刺史崔公修廟碑文蓋唐宋以前可考見者惟此而已迨南宋乾道間始創圖經嗣是寶慶中爲四明志若元若明若國朝代各有志志各有徵君傳而鄞慈兩邑志暨本支宗譜及司理何公所纂

純德彙編卷二

本傳

一

四明叢書
約園刊本

廟志無弗輝煌典冊大書詳書顧其閒典錄最簡崔碑亦略而乾道寶慶諸家未免擇之不精致相刺謬是用彼此參考另成本傳一篇而備錄諸傳附以辨說庶使閱者展卷了然

徵君諱黯字叔達又字孝治

見樓宣獻碑記及延祐志

漢江都相諱

仲舒六世孫

見寶慶志及崔樓二碑

江都家本廣川徙茂陵

見班氏漢

至徵君曾祖遷會稽世爲句章人

見崔碑及董氏舊譜

生建武

中家貧少孤力學事母黃氏

見舊譜

盡孝採薪供養甘泉

美味奔獻於母母甚肥悅

見延祐志

比鄰王寄者富而不孝

王母見徵君母曰我衣食頗足而瘠且弱母不吾若而肥且健何也母曰吾雖貧賴黠盡孝故心常泰而健耳

見舊譜并各志

王母歸諭其子冀有感悟而寄乃懷忿伺孝子

出毆母成疾

見正德慈谿志

徵君歸負杖跪牀下曰黠不孝貽

母憂乎曰非也我失言致王寄辱耳竟不起

見成化志

徵君

哀毀負土葬之思復大慙以寄母在不忍

見成化志并舊譜

廬

於墓枕戈日夜哀號淚積成澗樹有羣鳥感其聲飛鳴

翔繞不置

見惟碑及鄞志

已而王母卒既葬徵君乃斬寄首祭

於母墓爲文告之

見元人世德錄及成化志并母墓碑

而自囚以詣有司

純德錄編卷一 本傳

二四明叢書 約圖刊本

和帝表其異行遣考工令邱霖釋專殺罪召拜議郎固

辭尋以郎中徵亦不起年八十終

見孝子紀事本末及世德錄并舊譜配

周氏子緒亦名裕

見孝子紀事本末

至宋祥符元年錫號純德

徵君

見樓記及乾道圖經寶慶志成化志

明洪武二年封爲漢孝子之神

邑故漢之句章其改慈溪也始於房太尉瑄初徵君母

寢疾思飲大隱水大隱母家也而董世居闕湖之浹相

去幾三十里徵君時奉母就養或母不能往則遠汲不

辭瘁旣舍旁泉涌成渠味如大隱里人共神徵君之孝

徵君曰是吾母之慈所感也遂名其水曰慈溪唐開元

中房公宰句章遷治於闕湖之南遂以慈溪名縣

志乘附

南宋乾道四明圖經 孝宗朝明州州將張津纂
張津以乾道三年五月由右朝散大夫直祕閣
主管沿海制置司公事駐明州作四明圖經蓋
郡志所始也

董黯字叔達句章人生後漢時家貧少孤事母盡孝甘
泉美味奔獻於母母甚肥悅比舍有王寄者富而不孝
二母各言其子寄聞而銜之伺黯出苦毆其母致死黯

純德彙編卷一

志乘

二四明叢書

約圖刊本

飲痛不言母既葬斬寄首以祭公墓自囚告於有司和
帝釋其罪召為郎不就以壽終初黯母寢疾喜飲大隱
溪水得不以時於是築室溪傍以便日汲厥疾用瘳

鈞按圖經古舊極矣此傳破損模糊幾半為摘樓宣
獻記所述行略補之然觀字眼分明處與樓文絕不
爽可知宣獻所述的是圖經原文也又宣獻所述尙
有屋側泉涌數語而圖經於此處頗清楚且樓記有
傳記圖經參考之句則此數語或採之傳記中故不
敢增入若圖經純孝廟董母墓及慈縣等條更難識

認李孝謙四明文獻錄全載之得錄置後卷 李
孝謙鄞人明洪武時以行誼博學著

宋寶慶四明志敘人 理宗朝慶元判府事胡榘

纂

胡榘以兵部尙書兼沿海制置使知慶元府寶
慶三年輯四明志二十一卷命錄事參軍廬陵
羅璿取圖經訂成之

董黯字叔達仲舒六世孫也事母孝母疾嗜句章溪水
違不能常致黯遂築室溪濱板輿就養厥疾乃痊比鄰

純德彙編卷一

志乘

四四明叢書
約圖刊本

王寄之母以風寄寄忌之伺黯出辱其母黯恨入骨母
死慟深切枕戈不言一日斬寄首以祭母自白於官奏
聞和帝召釋其罪且旌異行召拜郎官不就由是以慈
名溪以董孝名鄉吳虞翻稱之云盡心色養喪致其哀
單身林野鳥獸歸懷怨親之辱白日報仇海內聞名昭
然光著今子城東南有廟舊志謂卽其故居則黯本鄞
人也虞翻謂爲句章人據其徙居慈溪言之

鈞按吾郡於漢爲鄞卽句章三縣本秦置也漢之鄞
今爲奉化鄞卽鄞邑句章則慈溪也虞翻謂句章董

黯其言最確漢詔故居立祠蓋在慈地此乃云子城東南有廟卽故居則黯本鄞人虞翻謂句章據徙居言之豈知子城東南當別是一廟舊志云廟卽故居乃指慈廟言而謂徵君鄞人誤矣且遷就其說而謂虞翻以徙居言抑又舛矣或曰子城東南之廟卽今靈橋門外七塔寺卽補西之廟蓋靈橋門實處鄞縣東南其說頗合然終非故居也

元延祐四明志人物 仁宗朝侍講學士鄞人袁

栢

純德彙編卷二

志乘

五四明叢書

約園刊本

袁栢字伯長號清容居士用薦入國史院歷直學士凡三十年乃歸翰墨極海內卒贈江浙行中書參知政事護軍爵陳郡公諡文清

董黯字叔達一字孝治會稽句章人生後漢時家貧少孤事母盡孝採薪供養甘果美味奔獻於母母甚肥悅比舍有王寄者富而不孝二母各言其子寄聞而銜之伺黯出苦辱其母黯恐貽母憂默而不言母旣葬斬寄首以祭母墓自囚以告有司和帝釋其罪召爲郎中不就以壽終句章今之鄞縣也黯母嘗寢疾喜飲大隱溪

水不以時得於是築室溪傍以便日汲厥疾用瘳溪在縣南一舍故以慈名溪以溪名縣母反葬於鄞

鈞按此以徵君爲會稽句章人是已而曰句章今之鄞縣則誤甚蓋慈溪於漢爲句章地其治向在城山據漢書地志云句章渠水東入海宋志亦云句章面江爲邑俱與城山形勢最台今縣志載城山渡之東有句章城址本越王句踐所築卽漢治所也若圖經云句章城在鄞縣南六十里小溪者緣東晉安帝末海賊孫恩入寇句章城爲所殘始改築於小溪鎮宋

純德彙編卷一

志乘

六十四明叢書

約園刊本

齊梁陳皆因之至隋開皇中台鄞鄞句章兼餘姚爲一邑曰句章仍治小溪迨唐武德初析句章還餘姚舊地置姚州以句章鄞地爲鄞州遷治三江口卽今府城尋復改鄞縣後建立明州復移治於此故今鄞之小溪名句章鄉亦有句章城乃晉隋來治所豈得謂漢之句章哉且寶慶志雖誤徵君鄞人猶以鄞爲鄞句章爲慈不相混也此顧混淆爲一而直指小溪卽漢句章不徒滋一番刺謬乎善乎聞氏鄞志曰縣南小溪他山之左乃隋句章城若漢城址在慈溪

城山渡東語最分明雍正府志與前成化嘉靖暨明
初黃潤玉簡要志並同則袁清容之疏彰彰矣又此
志言其母反葬於鄞云反葬者亦誤認鄞人之故耳
其以大隱爲慈溪益誤說見後卷 後總管王元恭
於至正二年輯四明續志與延祐志並刻其續志中
孝子傳與此不相遠故不錄

明成化寧波府志孝行傳 憲宗時郡博士楊實

纂

楊實正統辛酉舉人授安城訓導先是郡志自

純德彙編卷二

志乘

七四明叢書

約園刊本

王元恭續修後已百有餘年成化初郡守孝感

張瓚與實纂成十卷

董黯字叔達鄞人漢江都相仲舒之六世孫家貧早失
怙事母盡孝母病嗜大隱溪水遠不能常致黯築室溪
濱板輿就養厥疾用瘳鄰王寄家甚富縱酒無行二母
相見各言其子寄聞而銜之伺黯出毆其母黯還而母
在牀黯跪而言曰黯不孝及母之憂乎曰非也是我之
失言致王寄之辱耳後竟不起黯哀毀負土旣葬廬於
墓枕戈不言俟王母卒畢葬事乃斬寄首祭母墓自囚

以告有司事聞和帝詔釋其罪且旌其異行召拜郎中
不就而卒由是以慈名溪以溪名縣吳虞翻稱之云盡
心色養喪致其哀單身林野鳥獸歸懷怨親之辱白日
報仇海內聞名昭然光著宋祥符開錫號純德徵君建
炎初邑令林叔豹立祠慶元二年令朱堂倡祀之國朝
洪武四年封爲董孝子之神命有司每歲六月六日用
剛蠶致祭今郡城南有廟卽其故居

鈞按此云鄞人蓋沿舊志之誤其林宋二公皆慈令
非鄞令也其立祠倡祀爲慈廟非在郡也其洪武加

純德蠶綱卷一

志乘

八四明叢書

約園刊本

封係二年非四年也俱誤宜正又郡城南有廟卽故
居句玩其文似指廬墓之處而推其意實指治南之
廟亦宜訂之 後鄞尙書張時徹以嘉靖三十九年
修府志爲四十二卷郡守曹秉仁於雍正九年再修
凡三十六卷其嘉靖雍正兩志孝子傳俱依此外誤
亦同雍正志但不載虞翻贊語耳又推官何士晉於
萬曆三十五年創孝子廟志所述孝子本傳一仍府
志原文皆不贅錄

明正德慈谿縣志孝行傳 武宗時參政邑人周

旋纂

周旋字克敬號半齋成化丁未進士由給事歷廣東參議慈故無志正德中與邑人陸紳築成之

董黯字叔達漢江都相仲舒之六世孫家貧早失怙事母盡孝母疾嗜大隱溪水不能常致築室溪濱板輿就養其疾乃瘞鄰王寄家甚富縱酒無行二母相見各言其子寄出而悲之伺黯出敲其母黯還而母在牀黯跪而言曰黯不孝致母之憂乎曰非也是我之失也致王

純德彙編卷一

志乘

九四明叢書

約園刊本

寄之辱耳後竟不起黯哀毀負土既葬廬於墓枕戈不言俟王母卒畢葬事乃斬寄首祭母墓自囚以告有司事聞和帝詔釋其罪且旌異行召拜郎中不就而卒宋祥符間錫號純德微君建炎初邑令林叔豹立祠慶元二年令朱堂創祀之國朝洪武四年封爲董孝子之神命祀郡中每歲六月六日用剛鬣今邑中亦建崇孝祠祀之

鈞按此惟洪武四年誤宜改正後邑人太常寺少卿姚宗文以天啓二年修縣志其孝友傳與此同但易

末句崇孝祠爲專祀故不錄

國朝康熙鄞縣志孝義傳 邑文學聞性道纂修

聞性道字燕泉府庠生初鄞事附郡志無專書

康熙二十三年鄞令汪源澤延性道纂修成書

董黯字叔達江都相仲舒六世孫家貧早失怙事母盡孝母疾嗜大隱溪水故居在鄞遠不能常致黯築室溪傍板輿就養厥疾遂瘳東鄰王寄家富其母憂寄縱酒無行二母相見各言其子王母以黯之孝歸諭其子冀有所感悟而寄乃懷忿伺黯出毆董母黯還而母在牀

純德彙編卷一 志乘

十四明叢書

約園刊本

卽跪請曰兒不孝致母憂乎曰非也我失言致王寄辱耳後竟不起黯含恨哀毀反葬母於鄞之南郊枕戈廬墓泣血淚滴成潭俟王母卒且葬輒斬寄首歸祭母墓自囚以告有司事聞和帝詔釋專殺之罪且旌其異行召拜郎中不就及卒穆帝敕封孝子立祠故居兩詔載敬仰攷董孝子廟下出是以慈名溪後卽以溪名縣宋祥符間錫號純德徵君明洪武四年封爲董孝子之神命有司歲祀吳虞翻贊云盡心色養喪致其哀單身林野鳥獸歸懷忿親之辱白日報仇海內聞名昭然光著

唐州守崔殷銘曰白刃可蹈仁鮮能存黃金可鍊德無
聞言黃鳥哀音下感棘心哭無常聲灑血盈襟明祭酒
陳敬宗贊云孝子奉母既權且安逆者犯之號泣旻天
不與其戴斬首祭墓氣奪三軍義貫千古郡守沈愷記
云仁以全人義以雪恥貞以潔己一舉而三善集君子
謂董子之孝於是全矣

鈞按此惟錯認鄧人故步步回顧鄧邑上宜正 又
范氏漢書穆宗爲和帝廟號若安帝則恭宗也此云
穆帝敕封立祠亦誤宜與洪武四年同正

純德彙編卷一

志乘

二十四明叢書

約園刊本

雍正慈谿縣志孝友傳 知縣楊正筍重修

楊正筍開化縣舉人雍正八年奉部檄修志同

修蔡雲鵬俞聲金林夢麒俱貢生

董黯字叔達漢仲舒六世孫家貧早失怙事母黃盡孝
母素嗜大隱溪水疾思飲之遠不能常致黯築其室於
溪濱板輿就養其疾始瘳鄰王寄縱酒無行寄母以黯
孝諷寄寄愧而恚之伺黯出毆其母黯歸而母臥在牀
黯跪請曰黯不孝及母之憂乎母曰我失言於寄母致
奇辱耳竟不起黯哀毀負土以葬廬於側枕戈不言俟

寄母死葬畢乃斬寄首祭母墓自囚以告有司具其事以聞詔釋之且旌其異召拜議郎不赴而卒吳虔翻稱之云盡心色養喪致其哀單身林野烏獸歸懷怨親之辱白日報仇海內聞名炳朗千秋宋祥符間錫號純德徵君建炎初邑令林叔豹立祠慶元二年令朱堂倡祀之明洪武四年封爲孝子之神命有司立祠祀於郡今邑中亦有專祠墓在鎮海縣靈緒鄉四都黃楊輿

鈞按此兼載墓道足證鄞志之訛但將虔翻贊語末句擅易以就韻殊爲非宜須與洪武四年加封同收

純德彙編卷一

志乘

十二四明叢書

約園刊本

正

董氏宗譜家傳 裔孫 宗原輯

宗原字子本號名溪萬曆間修譜採舊本爲此傳并孝廟建置亦記之

孝子諱黯字叔達東漢人江都相六世孫居闕湖之溪少孤力學事母黃氏惟謹母恙思飲故鄉大隱溪水遠莫時致築室溪濱就養疾瘳乃歸一日斲土培於居旁進以奉母泉味如大隱皆孝感所致有比鄰王寄甚富縱酒無行寄母遇董母曰我衣食頗足而瘠且弱汝不

我若而肥且健何也董母曰吾雖貧黠盡孝心常泰而健耳王母歸數誚讓其子於是奇恨董母伺孝子出拳毆成疾孝子還母病臥不知所由負杖進曰黠不孝貽母之憂乎曰非也我矢言致王寄辱耳竭力祈療竟不起哀毀負土營葬廬於墓思復大慈以寄母在未忍枕戈不言俟亦終喪殲仇告墓擣首詣官露罪有司以聞和帝嘉其異行遣考功郎邱柔齋詔釋專殺罪召拜諫議郎不就年八十終敕封孝子卽故居立祠祠在靈應廟西贈慈母爲賢淑夫人故以慈名溪溪在闕湖上

純德彙編卷一

志乘

十三四明叢書

約園所本

流時吾邑曰句章治屬大隱唐開元閒徙建浮碧山以溪署縣大曆十二年郡守崔殷訊古欽賢葺祠記碑歲久復圯立石不存幾至湮沒宋錢康憲公億訪知之請於朝敕賜純德徽君額建炎三年邑令林叔豹撤建簽判韓詰重刻碑今亦磨滅紹興三十二年郡戶曹董鄰攝邑徙建普濟寺之西慶元二年邑令朱堂增修以上已重陽日行三獻禮元至元二十三年廟爲普濟寺所燬遷像附於城隍廟元貞閒邑簿劉慶徙建縣治西南一百六十步慈孝坊內尋圯延祐元年邑長烏馬兒重

建泰定三年也先脫因增創廊廡至元五年邑長普化
建後堂奉賢淑夫人國朝洪武四年太守陸阜遷祠立
於府治南每歲六月六日祀以剛鬣正統二年知府鄭
珞修之國子祭酒陳敬宗有記嘉靖二十二年太守沈
愷謁祠撰序贊立石先是正德十年慈令胡瓊謂邑以
慈名禮宜廟享請改儒學內久廢文昌祠爲崇孝祠修
葺設位歲祭如鄉賢禮嘉靖三十五年燬於海寇遂入
鄉賢祠廢專祀禮茲悉其顛末云

鈞按此傳所云考功郎諫議郎敕封孝子及洪武四

純德彙編卷一

志乘

古四明叢書

約圖刊本

年太守爲陸阜皆誤宜正其元貞閏主簿是否劉慶
說見後卷 陸阜字景福吳縣人由進士於天順元
年知寧府不久聖誤去後洪武八十餘年意者阜以
天順三年修郡南墓旁之廟而誤屬洪武時并誤爲
郡治南之祠耳

天順一統志

總裁吏部尙書兼翰林院學士

李賢

李賢字原德河南鄧州人宣德八年進士官華

蓋殿大學士贈太師諡文達

董黯句章人董仲舒六世孫父早卒事母盡孝蒸蒸色
養母疾思大隱溪水遠不能時致舍邊卽泐水成溪
味與大隱無二比鄰王寄之母以黯能孝諷寄寄息之
伺黯出辱其母黯恨之後母死斬寄首以祭母自陳於
官和帝詔釋其罪且旌異行召拜郎中不就壽終於家
沛按此傳尙無沿談補登以備參考

敕修浙江通志

補

總裁大學士嵇曾筠

分修

拔貢沈德潛

嵇曾筠字松友江南無錫人康熙丙戌進士官

純德彙編卷一

志乘

五四明叢書

約園刊本

文華殿大學士謚文敏沈德潛字確士號歸愚
江南長洲人乾隆己未進士官禮部尙書贈太
子太師謚文愷

董黯字叔遠句章人江都相仲舒六世孫居闕湖之渚
少孤力學事母黃氏惟謹母恙思大隱溪水遠莫時致
黯築室溪濱板輿就養疾瘳乃歸後跣土埴居旁進以
奉母泉味如大隱僉謂孝感所致比鄰王寄甚富縱酒
無行其母與董母相善謂董母曰我衣食頗足而瘠且
弱汝不吾若而肥且健何也曰吾雖貧黯孝心常泰而

健耳王母歸以諭其子冀其有所悔悟而寄反懷忿伺
踏出遂毆董母踏還而母臥牀不知所爲跪而言曰踏
不孝貽母之變乎曰非也我失言致奇辱耳贈極力祈
療母竟不起哀毀負土營葬廬於墓側思復大慈以寄
母在未幾枕戈不言俟其母卒且終三年喪手刃寄首
祭於母墓自出以告有司有司以爲地義而行仁復讎
而全法事聞和帝嘉其異行遣考工令邱露齋詔釋專
殺罪召拜爲諫議大夫累徵不就年八十終敕封孝子
命卽故居立祠祠在靈應廟西贈慈母賢淑夫人由是
以慈名溪以溪署縣云

純德彙編卷一

志乘

十六四明叢書

繪圖刊本

浦按此傳所云諫議大夫及敕封孝子皆誤惟贈慈
母賢淑夫人則與舊譜及元世德錄合慈母墓碑宜
照此題曰漢贈賢淑夫人墓爲是

董孝子純德徵君傳

補

邑人桂彥良撰

桂彥良名德稱以字行元鄉貢進士爲平江路
學教授罷歸明洪武六年徵授太子正字遷晉

王府長史諡敬裕

夫世惟忠孝之人主持宇宙故有表厥宅里永諸廟貌

之典此固朝廷之所以風勵無窮也然爲臣者仗節殉
義見者髮立談之色變致足不朽而人子修於門內墨
墨隱隱非有聞達之榮惟是儔眾之所睹記性情之所
感通而後相與名之至於紀山川移里邑而當時又若
深見其苦心謂事親不忍有孝名但託之父母以傳則
孝彌摯夫數事直言人所易曉若附於善則歸親之義
使仁孝一種至性久而夷然無復可見之迹則亦非所
以明揚幽蘊矣於是識者取其奇尤卓絕而筆之於書
使他日論說原本之士求所可名以實其名則山川里

邑藉名而存而孝名之不誣亦因山川里邑之故推隱
至情有不容漫滅者今考誌乘邑故名句章有董孝子
者東漢時人諱黯字叔達董氏世以文章行誼著天下
而仲舒最盛又六世而叔達生性溫茂喜讀書見古人
篤力彝倫之跡輒掩卷留連不能已家四壁或勸之仕
曰吾少孤幸母撫鞠有今日雖菽水亦當自力奈何以
身許人國奪吾稱壽樂也遂以耕終其身母氏黃性嗜
大隱溪水大隱者母桑梓地也歸董後嘗遘宿疾思得
而飲之叔達馳汲以奉已而疾果痊此豈有神佑耶董

世家浮碧山山距大隱將一舍一日毋思故泉不置叔
達卒不及奉適廝土培傍徨躑躅忽所廝埆涌出一泉
環其舍異而酌之不辨其非大隱也爰以爲常供母藉
是愈安嗟乎世傳裸冰躍鱗號竹萌筍惻怛所極適於
神明吾於董叔達信之矣維時居民驚異競呼爲慈溪
夫水之變爲甘自孝蒸也而胡以慈名將以爲非其母
不致此乃所謂事親不言孝而有善必歸之父母者百
世之下想見此意耳然慈溪之於句章一帶支流耳而
秦漢以來官斯土者爲句章令著斯土者爲句章民不
知有慈溪邑也迨唐而但知有慈溪邑不復知句章也
慈溪之名蓋自彼東漢時已肇也邑乘秦漢時句章舊
治在城山唐開元中邑令房公瑄重建於浮碧山陰陽
中焉道里均焉屬鄉之縉紳耆老而謀所以新之曰句
章取地靈剛合鉤也章者取人文化成慈茲彰灼也地
靈人文所在都有未足能光斯邑夫數家之村十人之
聚儔不本厥父母若闢風教切人心則必以孝爲原本
昔因孝溯慈其名在溪今概諸縣邑可大可久吾舍慈
溪奚名以其實上於朝改句章爲慈溪邑故曰紀山川

移里邑孝之至也然文久而絕節奏久而歇溪之所以爲慈邑之所以爲慈溪異代老成人亦無能言之矣所存獨有誌乘耳誌乘又郡縣之書不通乎天下也竅啓寡聞見之儔且不解慈之何義遶曲折以及乎孝耶乃叔達特有恃以斷斷不磨者蓋雖孝子之心所不忍傳而其風烈如臣之于忠見者髮立談之色變升聞之朝沿流之後世故也比鄰王寄殷富而縱酒而好犯乃其母亦獨居時與董母相過從董母每言其子承顏狀母歸語寄冀或稍動不謂寄恨其形己也伺隙入毆董母踉蹌伏枕叔達還見母痛慘可掬疑有所督過於晨昏急跪請所以母泣訴云云叔達憤決再四慮駭母心飲怒且調息傷楚既即不起哭踊中淬刃佩之而卒未發若徒怨慕以終者然時則執喪甚哀有林巢祥烏之感久之寄母物故三年之喪畢叔達泫然慨然曰吾今有以告吾母於九原矣擊首而斷之酌於墓哀號幾絕然後以身歸有司請就殺人律有司詰兄弟之仇尙不反兵旣爲報仇何遲之久也叔達曰彼有母雖逆節猶依以終老如卽殺之其母何歸是與不孝之甚矣是以寧

痛心銷骨隱忍到今也有司大其復仇義其錫類而殺人者死國有常憲持兩不能決讞於朝乃詔釋而拜之官時和帝永元八年二月十五也叔遠奉詔泣且謝吾罪人也不能壽母於餘年忍階之以備服平堅志慕側八十而卒安帝延光三年詔封爲孝子封母賢淑夫人立祠致祭歲以六月六日孝子誕辰爲常宋祥符中眞宗用故節度使錢公億疏稱孝子德可配天賜號純德徵君又顏其溪曰董溪邑令盛公次仲大書董溪於碑陰高宗建炎三年令林公叔豹撤建祠於東山之陽從

純德彙編卷一

志乘

二十四明故書

約圖刊本

溪之故道也世遂稱慈溪巷我高皇帝龍飛淮甸敦篤倫典爲天下先於洪武二年秩封孝子之神命所在有司歲祭如前代云

沛從桂氏文集補錄此傳篇內闕發溪之所以名慈與邑之所以名慈溪詞義精卓足與本傳相發明封母賢淑夫人亦與浙江通志合惟封爲孝子句尙有

沿誤

純德彙編卷三

六十世孫華鈞重訂

祠廟

邑廟沿革

漢安帝延光三年初奉詔書命卽故居立祠崇祀其祠

址在於靈隱廟西

今慈湖書院東數武卽孝子故居

唐玄宗開元二十六年於句章故地置縣房瑄首爲令
度地相土建治於淨碧山上見祠知孝問溪知慈請
於朝名邑爲慈溪邑名由此始

純德彙編卷三

祠廟

一四明叢書

約園刊本

唐代宗大曆十二年郡刺史崔殷表請祠額又葺新祠
宇撰立碑碣卽世所稱徐會稽董孝子廟碑也

宋眞宗祥符元年詔賜號純德徵君初開寶中節度使
錢億廣采民風疏稱孝子德可配天請加封典不報
至是乃錫號焉又謂其溪曰董溪後元豐時邑令盛
次仲嘗書董溪事於碑陰

高宗建炎三年邑令林叔豹撤建祠宇於東山之陽世
稱爲慈溪巷簽判韓喆鐫文立碑

紹興三十二年郡戶曹董鄰孝子三十八世孫也攝

本邑篆以祠宇隘陋徙建普濟寺西爲前後二殿增祀慈母賢淑夫人

寧宗慶元二年邑令朱堂重新祠宇用上巳重陽日行三獻禮郡人樓鑰爲之記

嘉定十四年邑令趙崇遂屬鄉先生楊簡題純德廟額復附唐孝子張無擇像於座側邑人張慮撰記遂稱董張二孝子廟

理宗嘉熙二年里士桂壯孫張龍應等修祠郡人高衡孫爲之序

純德齋編卷三 祠廟

二四明叢書 約圖刊本

度宗咸淳元年邑令金昌年另建張廟於祠之東側又建宋孝子孫之翰廟於祠西而廟仍爲專祠

元世祖至元二十三年祠爲普濟寺僧所燬遷像附於城隍廟世德錄作民火延燒按祠燬於僧具詳至正續志天啓

邑志及永樂譜而世德錄獨言民火未知何據

成宗元貞元年邑主簿劉履購地建祠於縣治西南一百六十步徐家巷內尋謀拓基并建張孫二祠未遂而董祠不久亦圯劉慶一作劉虔

仁宗延祐元年邑長烏馬兒於徐家巷祠基重建以張

孫二孝子並祔世稱三孝祠

泰定帝泰定三年邑長也先脫因增創廊廡門扉續以

周垣

順帝至元五年邑長普化暨邑士劉文錫又建後堂以

奉母

至正十三年邑主簿伯顏察兒重修祠宇

明太祖洪武二年釐正祀典獨嘉興行封爲董孝子之神
著令六月六日誕辰郡守率僚屬致祭越二年太守張琪以行縣非便遷像立廟郡治南郡之有廟自

純德堂編卷三 祠廟

二四明鼓書

初圖刊本

此始而孫孝子以毀傷遺體革祀邑祠遂專奉張孝子

武宗正德十年邑令胡瓊謂邑以孝子錫名則孝子邑所發祥焉可不祀遂以儒學內廢久文昌祠基創爲崇孝祠設稟主祀之

世宗嘉靖二十二年邑令陳哀廣葺學宮議別建祠因

奉主入鄉賢祠而改崇孝祠爲敬一亭會陳去祠不

果建

一作嘉靖三十五年倭夷陷縣學宮與祠俱燼

按陳邑侯改崇孝祠爲

亭郡縣志歷載之而先人公朗府君詩尤詳大抵改

亭於前隨遭兵燹云爾

神宗萬曆四十年五十六世孫允升請於巡撫高舉復建祠邑之南門內邑人楊守勤有記每歲二月十三日致祭係諱日也崇禎末允升子又嘉復建啓孝祠於孝廟右

懷宗崇禎十五年五十六世孫允茂請於巡撫董象恆復秋祭於丁後一日舉行

國朝康熙十年五十八世孫爾宏請於藩司袁一相定歲給祭額銀兩載入賦役全書

純德齋編卷三 祠廟

四四明叢書
約園刊本

郡廟沿革

明太祖洪武二年詔封董孝子之神命每歲六月六日郡太守率僚屬致祭用剛鬣知府張琪謂行縣非便因遷其像建祠於府治南六十步并設慈母像於殿

西隅

英宗正統三年知府鄭珞見祠宇傾廢捐俸撤新之邑

人陳敬宗有記

石刻作二年

世宗嘉靖十九年太守沈愷謁祠序贊立石

三十八年知府周希哲重修

神宗萬曆十二年知府蔡貴易謂慈母處殿偏非理謀於鄧令周之墓首捐俸買鄰民地將廣其宇而推官張似渠以二十二年協成後開始正神母南面之宮并設父像郡人沈一貫屠隆並撰記乃工未竟張去二十八年推官何士晉莅任遂踵成之

萬曆三十年推官何士晉以予不先父食其父母無祀恐非孝子所安通詳當道定於六月六日知府委一教官先之然後隨班正祭又爲經久計置祀田三十畝以備修葺且纂集廟志刊刻成書俾後世可守

純德彙編卷三 廟

五十四明叢書

約園刊本

郡人余寅全天敘俱有記

懷宗崇禎十四年後閭閻燬於火祠僧宏觀等募資重建并修前廳知府林夢官爲之疏

鈞按邑廟郡廟其沿革載於舊譜及刊本者詳矣而歷來舊志無弗登記但略有異同茲特爲旁索引徵據實考定如右

附別廟宗祠

一曰甬東徵君廟在郡靈橋門外浮橋東一里鄞縣東隅四圍廟門建坊題曰敕封董孝子廟其創建不知所

始明興永樂十年鄉里募資重新之嘉靖元年士人張
炎周瑛協修東西石欄中爲複道層構崢嶸氣象聳壯
大德張琦撰記

一曰南郊孝子廟在慈母墓旁規制狹於南東大約卽
廬墓所築而增廣之蓋由來久矣宋開寶三年節度使
錢億嘗葺焉并設神母像又請於朝議加封號其事格
不行及祥符元年封岱禮畢大封神祠而孝子始用億
前議錫純德徵君之額自後屢圯屢葺元至大二年燬
於火延祐二年重建復圯於風明天順三年里人呈請
知府陸阜重建宏治初郡人蕪湖知縣張伯祥協諸祀
戶葺新之而伯祥爲之記俱每歲以六月六日爲社賽
士民供祀相錯云

純德彙編卷三

祠廟

六十四明叢書

卷之三

鈞按州廟兩所具詳舊譜錄而嘉靖雍正兩府志曷
何公所纂孝廟志亦載之惟繁簡頗異耳

寧郡董氏宗族而居者不下數十處大抵皆祖徵君惟
郡城西廂及慈母廿三都爲最盛世系亦確有可攷故
郡廟誕辰之祭例惟西廂子姓得與邑廟春秋之祭例
惟廿三都子姓得與他族莫能參也兩族各立家廟一

在郡城西北隅芳嘉橋之東康熙壬子年裔孫應遵獨力倡建并自爲記一在慈邑廿三都求賢里康熙癸丑年合族捐資建裔孫文成撰文記之

鈞按兩族舊各有宗祠郡城在烏暗橋慈邑在董婆港但規制湫隘不稱觀瞻迨康熙中兩族另有創建而規模始大

乾道岡經祠墓疆域

純孝廟東漢孝子董君祠也在縣東南五十五步唐大曆十二年立刺史崔殷爲之記徐浩書君名黯其孝行

純德集編卷三 祠廟

七四明叢書

約園刊本

之大已見於徐浩所書之碑今祠宇卽其故宅先是其母塑像在南郭外草堂中康憲錢公億因訪問而知之迺迎歸孝子廟以伸崇奉且具其事實請於朝乞加廟額於是敕封爲純德徵君之廟也徐浩所書碑蓋郡中之寶也今舊石不存獨簽判韓詰重刻石在廟中耳董孝子母墓在縣南城外

慈溪縣本會稽之地唐開元二十二年置州於鄞乃析其地爲三縣慈溪居其一焉然縣曰慈溪者因邑人董黯孝養其母而得名按唐崔殷作董孝子廟記云黯後

漢人孝行著於鄉邑和帝召拜鄆中不起厥後世爲名族故以董孝名鄉慈溪署縣

鈞按此謂廟在縣東南唐大曆年立刺史程殷爲記徐浩書又曰祠卽故宅又曰徐浩碑不存獨韓詰重刊石在廟竊疑始指稱慈廟而誤屬於鄆也如果廟在鄆縣卽故宅亦思楊文元公慈湖詩序言築室董孝君祠之西將文元築室不在慈乎又樓宣獻記言慈之祠宇卽其故居將宣獻肯妄言乎如果祠立大曆年則新廟也亦思崔刺史有環堵已蕪句其有廟

純德齋編卷三

祠廟

八四明叢書

不已久乎如果韓詰重刊石爲鄆廟亦思慈令林叔約重建祠於慈縣東南而屬韓詰爲之碑豈碑石反在鄆乎且旣云廟在縣東南卽故宅是以徵吾爲鄆人矣而於慈溪縣復言縣以邑人董某得名又謂爲慈人不更自相矛盾哉其純德徵君封號康憲錢公固嘗請之而頒敕非康憲時也此處立言亦欠分明且慈溪置縣在唐開元二十六年歷有明徵而此云二一二年又建立明州時析鄆地置鄆慈奉化翁山凡四縣而此云析鄆爲三可知圖經之疏不一而足

矣

寶慶志祠宇山川

董孝子純德君廟縣東北一里慈溪因孝子得名而舊無祠宇附祀於城隍皇朝建炎間縣令林叔豹卽靈應廟之西建祠堂遷其像而祀之有題跋刊於孝子碑陰祠宇尙卑陋紹興三十二年郡戶曹董鄒攝邑遂於普濟寺之西建廟久而圯慶元二年令朱堂增修率同僚與邑之士大夫上巳重陽行三獻之禮里士畢集祀罷飲福於普濟寺至今不替尙書樓鑰記之

純德廟編卷三

祠廟

九四明叢書

初國刊本

純德廟漢孝子董君祠也西北距子城五十五步唐大曆十二年立刺史崔殷記徐浩書君名黯其孝行已見敘人今祠宇卽其故宅先是其母塑像在南郭外草堂中康憲錢公億因訪問而知之迺迎歸孝子廟且具其事請於朝敕賜純德微君之廟徐浩所書碑石不存今碑篆判韓誥所重刻也

慈溪在縣南三十里與大隱接本曰大隱溪里有董黯生後漢時性篤孝母寢疾好飲此溪之水每思之恐不常得黯遂築室溪濱板輿就養厥疾乃痊因名溪曰慈

溪後乃以名縣

鈞按此敘邑孝廟云舊無祠宇附祀城隍夫慈廟始於漢由來久矣唐崔刺史殷葺祠記碑蓋慈廟也雖推作者之意固以崔碑不在慈前元豐間慈令盛公次仲書董溪事於碑陰見之樓宣獻記者豈亦不在慈乎則舊無祠字句其謂之何意者元豐書碑後廟或中圯而附祀城隍亦不可知然予未敢決其必然也其云建炎間林叔豹建祠誠確第敘事不詳覈如靈應廟西本漢廟卽故宅詔書故居立祠者此也唐

純德彙編卷三

廟

十四明叢書

約園刊本

大曆年重修者此也所謂碑大抵卽崔碑否則裔孫應文重鐫或韓誥所刊之石所謂碑陰題跋當是盛公所書董溪事其事皆林公以前若林公所建乃縣東南慈溪巷亦見樓記及紹興末董鄰攝邑改建普濟寺之西則復仍漢廟舊址而崇大之後朱堂遂倡祀焉楊文元公詩序所謂築室董孝君祠西者正指此蓋慈湖書院普濟寺靈應廟參差連峙俱縣東北一里孝廟其寺西院東也據雍正府志縣志俱云四景亭在闕山右峯董孝廟之後又慈溪舊景亦曰湖

北普濟寺僧房五百樓閣重重寺之東龍虎軒左文
昌宮宮後一亭宮下二亭亭東靈應廟寺之西董孝
子廟沿湖四橋橋上俱有亭董廟西爲野航橋橋西
舊有僧房頽壞慈湖先生卜居之不亦歷歷可考也
哉又此志所敘純德廟應在郡城豈南郊墓旁之廟
乎抑其在靈橋門補陀寺西者乎然傳云子城東南
此云西北距子城五十五步則皆非也儻以今郡治
南者當之亦居城之適中何云東南卽東南不妨混
稱而西北距城千餘步豈止五十五步云爾哉況郡

治南之廟始於洪武又有不容強冒者矣其云大曆
年立祠卽故居錢公請額碑石重刊諸舛錯說見前
篇又此敘慈溪而云與大隱接試思大隱只一溪非
有二也云與之接孰與接之又言本曰大隱繼言因
名曰慈則又自以爲一溪矣更何接之有慈溪現在
鬪湖上流與大隱遠隔一舍豈容混併然而語言出
入混大隱爲慈溪實自此始矣尤可異者據里有董
某句亦明謂徵君家慈也與傳之反覆指駁爲鄭人
者不自相背謬耶後延祐志祠廟山川與此略同不

再錄

至正續志祠墓疆域 總管王元恭輯

慈溪縣古稱句章地虞翻傳註句章董黯慈溪以黯得名隋併鄞鄞入句章唐初置鄞州廢爲鄞縣則慈溪之地前屬句章句章名廢則屬鄞開元二十六年析鄞置慈溪今鄞縣有句章鄉古句章城在小溪鎮豈是鄉亦句章境抑鄞鄞併人之時名之與

純德徵君廟祀董孝子黯至大二年火延祐二年重建正殿及門按今廟地卽孝子故居則黯本鄞人虞翻稱

純德徵君廟

十二四明叢書

約園刊本

句章人據其徙居慈溪言之

董孝子廟在縣西後有孝子墓

董孝子母墓在鄞縣南城門外

慈溪縣純德徵君廟舊在縣東普濟寺西至元二十三年廟爲寺僧所壞邑士告遷神像附於城隍元貞元年主簿劉慶於縣西南一里復建久而圯延祐元年邑長烏馬兒重建奉張孫二孝子共祀之至元五年邑士劉文鶚建後殿以奉母夫人像

鈞按此所敘句章鄉句章城詳見前卷其所謂純德

廟不指明何所然下接至大二年火延祐二年重建則似指母墓旁之廟卽孝子廬墓之居也下又云今廟地卽故居則黯本鄧人亦可知謂孝子籍鄧以廬墓之故而謂廟卽故居乃廬墓之所矣又可知圖經及寶慶延祐諸志之誤大約亦猶是耳其另一條董孝廟在縣西後有墓者更爲不明豈別有一孝子乎抑大興橋徵君行祠乎果爾則墓又何處闕疑可也若所敘慈邑徵君廟固詳且確但不敘漢唐建廟修廟來歷亦其疏處

附記世德錄敘南郊墓旁之廟曰祠故先孝子廬墓之所也唐宋修葺無考我聖朝至大二年爲守祠人弗戒致燬及延祐二年子姓重新之每歲祭墓則於此飲福等語按世德舊錄成於泰定元年去延祐時近甚其言信而有徵在至正續志雖未指明南郊墓旁亦不言在郡城治南也然自有續志而後之人多襲僞承訛不能校正可若何且成化嘉靖迄今雍正郡志固未免承襲其訛然於傳未俱言郡城南有廟卽故居不曰治南而曰城南是實指廬墓之處爲故

居也而人每混稱治南之廟爲故居矣又若何當以此錄正之又考宋初開寶三年節度錢公嘗葺南郊草堂又奏請封典見於永樂譜甚明而世德錄未之及亦獨何歟

成化府志壇廟

董孝子廟在府治南六十步舊名純孝廟又名純德徵君廟按舊志云東漢孝子董君黯祠也唐大曆十二年立刺史崔殷記徐浩書今祠宇卽其故宅先是其母塑像在南郭外草堂中宋康憲錢億訪知之迎歸孝子廟請於朝敕賜純德徵君之額徐浩所書碑石不存籤判韓詰重刊今亦無存元至大二年廟燬延祐二年重建大明洪武四年封爲董孝子之神每歲以六月六日祀以剛蠶歲久廟圯正統二年知府鄭珞撤而新之

嘉靖府志秩祀壇廟第宅冢墓 鄞人張時徹修

秩祀董修子廟歲以六月六日用剛蠶致祭

董孝子廟在府治南六十步祀東漢孝子董黯唐大曆十二年立刺史崔殷記先是其母像在南郊草堂中宋錢億迎歸孝子廟請於朝敕賜純德徵君之額元至大

二年殿延祐二年重建國朝洪武四年封爲董孝子之神載在祀典歲久廟圯正統二年知府鄭瑤撤新之國子祭酒陳敬宗有記嘉靖十九年知府沈愷謁廟爲之文三十八年知府周希哲重修別廟二一在縣南郭外五里董母墓所一在縣東南四里補陀寺西名徵君廟嘉靖元年里人張炎周瑛修參政張琦爲之記

董孝子故宅在縣西南百餘步孝子名黯其宅今爲純德廟舊志謂卽故居立廟以祀則黯本鄆人也鄆故鄆地虞翻謂爲句章人據其徙居慈谿言之而崔殷廟碣承其訛至祭酒陳敬宗記廟之文始表爲鄆人云董孝子母墓在縣南長春門外

鈞按成化嘉靖兩志錯訛考正見前篇并詳後記序卷 新廟志以此兩志於傳言祥符聞錫純德號謂與寶慶志矛盾又以廟條言錢億奏請錫號爲自相矛盾抑思純德封號錢公固嘗奏請而頒詔則祥符也曾何矛盾之有閱者當自得之

天啓慈谿縣志祀典 邑人姚宗文修

姚宗文字益城萬曆己未進士官戶科給事升

吏科巡視九邊同加太常寺少卿以劾經略熊
廷弼不實削籍歸纂修縣志後復起歷江西巡
撫右副都御史

董孝子純德徵君廟縣西南慈孝坊內舊在靈應廟西
宋建炎三年令林叔豹建紹興三十二年邵戶曹董鄰
攝邑徙建普濟寺之西慶元二年令宋堂增修以重陽
日行三獻禮至元二十三年廟爲普濟寺僧所燬元貞
間邑簿劉慶徙建今地後圯延祐元年邑令烏馬兒更
建奉三孝子同祀之泰定三年令也先脫因增創廊廡
門扉至元五年令普化增建後堂以奉其母洪武二年
令歲祭於郡縣廢其祀今新建祠於縣南門內仍定每
歲二月十三日致祭

純德彙編卷三 祠廟

十六 四明叢書

約圖刊本

鈞按此大略無訛但憾不及漢唐始事其自廟在縣
西南慈孝坊至延祐元年更建奉三孝子同祀一段
蓋仍延祐志原文未將廟在慈孝坊徙建今地二語
改定故與下今新建祠南門內句文氣未協又靈應
廟西乃漢祠非始建炎也若建炎所建則在慈溪巷
迨再遷普濟寺西復從漢時舊址耳說詳前篇後康

熙未刻志與此略同而序事較分明又於篇末添秋祭丁後一日舉行本朝康熙十年以春秋祭項載入全書茲不錄

雍正寧波府志壇廟冢墓 知府曹秉仁修

曹秉仁陝西富平人康熙末由歲貢爲定海知縣累遷州判同知雍正七年守寧郡奉文修志同修者鄞編修萬經

董孝子廟在府治西南六十步祀東漢孝子董黯唐大曆十二年立歲以六月六日致祭別廟二一在縣南郊

純德彙編卷三

祠廟

十七

四明叢書

約圖刊本

外董母墓所一在縣東靈橋門外四里補陀寺西

慈溪縣董孝子廟名黯宋建炎間令林叔豹建祠於普濟寺西慶元間令朱堂倡祀之元至元間祠爲普濟寺僧所燬元貞開簿劉虔徙建於徐家巷延祐初令烏馬兒奉張孫二孝子並祀之明洪武四年歲祭於郡正德十四年令胡道創崇孝祠於學宮嘉靖間遷主於鄉賢祠萬曆四十年巡撫高舉新建祠於縣南門外每歲春秋致祭國朝康熙十年載入全書

鈞按此敘郡廟甚略敘慈廟以普濟寺西爲林叔豹

建設蓋脫卻署縣董鄰一層矣元貞間主簿至正續志及天啓慈志俱作劉慶此云劉虔未知孰是創崇孝祠係正德十年此多一四字殆衍文耳高舉新建祠乃南門內此亦誤書外字俱宜校正至所敘冢墓條最誤說見後卷 又此志削去秩祀第宅兩項故無從述慈邑雍正志壇廟條誤與此同惟南門內句不誤亦不贅

糧料

附

東沙郡志

張時徹號東沙郡志乃其所修

純德彙編卷三

祠廟 糧料

大西明叢書

約園刊本

寧波府錢糧雜辦

董孝子天井銅盆金沙他山各一

祭共銀二十兩鄞縣出辦

鄞縣徭役

董孝子祠門子一名銀二兩

慈谿縣錢糧雜辦

張孝子董孝子白龍永昌各一兩

共銀一十六兩

何司理詳案

萬曆三十年

推官何士晉詳三院給祭董孝子父母定銀一兩二錢

鄞縣出辦

慈邑賦役全書

康熙十年刊定乾隆二十九年重編

存留給發本縣祭祀銀一百六十九兩四錢 董孝子

春秋二祭銀七兩

純德彙編卷三

純德彙編卷三

雜料

九

四明叢書
約園刊本

純德彙編卷四

六十世孫華鈞重訂

祀典

邑廟典禮

邑祭始於漢延光三年六月命卽故居立祠崇祀其規制不可考宋慶元二年邑令朱堂始以上巳重陽日行三獻禮及明太祖正祀典定六月六日孝子誕辰郡守設奠然不久遷像建祠于郡而邑遂廢享正德十年邑令胡瓊詳請監司并定祭銀四兩於縣費隙地建崇孝

純德彙編卷四 祀典

一四 明叢書

卷四 祀典

祠設粟主祀之嘉靖二十二年邑令陳良廣葺學宮議別建孝子廟暫奉主入鄉賢祠而改崇孝祠爲敬一亭會陳內召去祠不果建專祭亦停萬曆四十年後裔允升呈請巡撫高舉復建祠邑南門內歲以二月十三日致祭係孝子諱日也崇禎十五年允升之弟允茂呈請巡撫董象恆復秋祭於丁後一日舉行本朝康熙十年後裔爾宏呈請布政使袁一相定春秋二祭銀七兩載入慈谿縣賦役全書

孝子神前正祭官備 春祭二月十三日 秋祭八月

丁後一日

啓孝祠神父母追祀 子姓以春秋祭孝子日設奠

祭品祭儀具詳家乘

祭文

維某年八月某朔越某日慈谿縣知縣某等謹以剛鬣
柔毛之奠致祭於敕封漢孝子之神純德徵君公之
前曰惟神德隆將母誠在格天汲水奉養沈痾頓痊斬
仇辭爵經義卓然慈因孝著邑以溪傳封神廟食特典
綿延茲逢春仲敬潔几筵洋洋神爽於萬斯年尙饗

純德彙編卷四 祀典

一二四 明敕書
約圖刊本

啓孝祠祭文

維某年八月某朔越某日裔孫某等謹以庶饌之奠致
祭於五世祖懋齋府君五世祖妣黃氏敕贈賢淑夫人
之前曰猗與我祖道積厥躬友于兄弟樹孝子風維我
祖妣節與慈崇清貧足樂粹然其谷山浮草碧溪滌花
紅湖厥淵源賢淑衷封恩隆上祀家祭則同霜零露濡
俎豆闕宮洋洋在上鑒茲微衷尙饗

郡廟典禮

郡祭始於洪武二年五月詔封董孝子之神命每歲六

月六日知府率僚屬致祭用剛鬣太守張琪隨於四年
遷像改祀于郡自此定祭銀四兩并給門夫一名銀二
兩鄞縣出辦萬曆三十年推官何士晉以神父母無祀
非孝子心詳請監司又行鄞縣會議定祭銀一兩二錢
以六月六日正祭未行之先府委教官一員向後閣設
奠然後隨班正祭其孝子及父母銀具載鄞縣賦役全
書

孝子神前正祭官備 六月六日設奠

後閣神父母追祀 同日官備

純德齋編卷四 祀典

二四明叢書

約園刊本

祭品祭儀具詳廟志

祭文

維某年夏六月某朔越六日某寧波府知府某等謹以
剛鬣乘盛之奠致祭於敕封董孝子之神前曰惟神孝
本天性子職孔虔汲水養母沈疴頓痊鄰母之子誓不
其天待時斬首祀母雪冤累徵不起守志維堅錫類之
孝愈遠愈宣某等來官茲郡風化宜先恭承祀典罔敢
或愆今逢華誕敬潔几筵洋洋神爽百世弗諼尚饗

後閣先祭文

維某年夏六月某朔越六日某寧波府知府某等謹以牲醴之儀致祭於漢孝子父母董公董母之神曰維神篤啓賢孕純孝格天仁以錫類勇以雪冤光明俊偉今昔竝傳追厥所自嚴父淑媛某等叨守茲土景仰最先特揚憲道以表前賢邀神之貺永綏萬年尙饗

附宗祠家祭

神誕六月六日設奠 子姓世祀鄞族同

黃楊奧祭孝子墓 穀雨日鄞慈合祭

祖關祭孝子父母墓 三月三日子姓世祀

純德彙編卷四 祀典

四四明叢書 約園刊本

祭品祭儀具詳家乘

六月六日世祀文

維某年夏六月某朔越六日某裔孫某等謹以柔毛清酌之儀致祭於敕封漢孝子之神純德徵君六世祖之前曰疇非人子惟祖孔虔疇無孝道惟祖克傳汲溪水涌味符隱泉揆厥所自誠以格天鄰兒僂母抱恨弗諉仁以錫類勇以洩冤母靈旣慰浮生可捐欽恤命下終獲歸全蒲輪寵賁視若遺蟬閔曾媿美姜蔡比肩猗歎德不泯兮慈水清連名不朽兮豐碑滿阡懸弧有祀諭

祭崇焉凡我子姓寧敢或怠用薦牲醴裸獻几前惟祖
錫福億萬斯年尙饗

黃楊輿祭墓文

維某年某月某朔越某日某裔孫某等謹以柔毛清酌
之奠致祭於六世祖敕封漢孝子之神純德徵君六世
祖妣周氏夫人之墓前曰於惟我祖純孝孔彰熾仇辭
爵潛德彌光考終世里卜兆黃楊妣祔其右從以偕臧背
山面湖祭溪並黃碑題竚立松楸鬱蒼茲感春露追遠
寧忘翦荆拜墓祀事而皇惟祖有赫如在洋洋子孫勿
替山高水長尙饗

祖關孝子父母墓祭文

維某年三月某朔越某日某裔孫某等謹以柔毛清酌
之奠致祭於五世祖懋齋府君祖妣賢淑夫人之墓前
曰追維祖德孝啓於茲緬想宗功養終於葬榮泉漾碧
依然滴淚之潭感蔭含青猶是手栽之樹千萬年特標
古墓百六日又屆清明用列豆饗敬申拜掃伏願罔悃
罔怨庶昭麥飯之惟馨爾熾爾昌永錫瓜瓞以多福敢

告

楊慈湖先生代朱邑宰祭董孝子文

維慶元二年三月三日從政郎慈溪縣令朱堂率僚佐等謹以雞黍之儀致祭於漢董孝子敕封純德徵君而言曰夫孝人心之所同鬼神之所同徵君用此心於千載之上邑之人敬而奉之於千載之下豈惟邑之人敬而奉之一郡之人敬而奉之豈惟一郡之人敬而奉之際天所覆凡在人倫中者有所不知知則孰不敬而奉之嗚呼至矣是謂至德是謂要道是謂人心之所同惟徵君有神惠相之俾堂暨茲在位永保所自有之本心

純德集編卷四

祀典

六四明叢書

約園刊本

以對越明神以對越上帝敬告

楊簡字敬仲號慈湖邑人第乾道五年進士官富陽主簿遷樂平令內陞國子博士值趙汝愚罷相上書請留坐斥時慶元元年也自此開居十三年嘉定初復起祕書郎遷少監累工部侍郎將作監奉祠理宗登極再召不起以寶謨閣學士致仕壽八十六而終簡學宗象山非禮不動宋史所謂四弟子之一諡文元 朱堂履歷未詳縣志所載惟慶元元年修學宮并增置泮池門扉而已

烏馬忠顯重新董孝子廟告成祭文

維延祐元年正月望後一日忠顯校尉慈溪縣達魯花赤烏馬兒同縣尹等特以少牢果蔬之儀致祭於漢孝子純德徵君董公之前曰慈溪僻處海隅號稱下縣然而名賢代起歷歷有人是亦文獻之邦也考其始實惟公篤百行之原復不其之怨聿開風氣之先固祀典所宜首及者第俎豆歲設而廟貌廢弛爲壇野祭其何以肅觀瞻勸齊民耶若唐孝子張公宋孝子孫公其聞公之風而興起者乎願并不列於祀典何歟凡此皆守土者之責予自下車輒有志矣而未逮也既乃召集邦人出俸金告以重新董廟意幸邦人好義爭先樂助以底於成茲特陳牲祭告用妥公神以張公孫公侑食尙饗烏馬兒蒙古部人皇慶初由忠顯校尉蒞慈邑在任十三年政先教化勤惕民瘼尤多建置詳具袁桷所爲興造記 達魯花赤猶華言長也元制以北人領華土改府曰路設總管縣則設縣尹而郡縣俱設達魯花赤冠總管縣尹之上以節制之

鈞按烏公乃慈邑之長故正德天啓雍正邑志雖名

宦無傳而秩官表載之嘉靖府志秩官表顧入於鄆
且列世祖至元時卽前此成化志後此雍正志皆然
然烏公於皇慶二年建慈署正廳及鼓樓府志亦載
其事與邑志同又清容先生興造記言之甚詳則秩
官表殆邑志是而府志誤

胡邑侯重舉董孝子祀事祭告文

維正德十年夏閏四月廿有八日慈谿縣知縣胡瓊率
僚屬等謹以柔毛酒醴之儀敢昭告於敕封漢孝子之
神董公純德徵君曰慈谿之邑肇於唐慈谿之名本於

純德堂編卷四 祀典

八十四明樓書

約開坊本

漢蓋用公汲水涌泉故事也以勸孝也夫公本慈人孝
能格天乃緣國初遷像祀於郡而邑遂廢享致此邦之
人當爲吁嗟司民牧者能毋慨然瓊叨任茲土稽之志
乘而志乘有明徵詢之人言而人言有缺典是用特建
三楹於縣費詳請各憲題額崇孝祠涓今吉辰迎主奠
位惟公有神實式憑之其尙永歆禋祀佑啓邦人使各
惇孝道以共享太平之休尙饗

胡瓊字國華福建延平人正德六年辛未登進士越
歲宰慈谿立心公恕而斷獄明審尤以振興學校爲務

滿三載召拜監察御史嘉靖初爭大禮杖斃

張碧溪先生邑崇孝祠迎神送神曲

陳桂肴兮注蘭漿迎孝子兮登斯堂幣行兮誠將我神
兮斯享所以順德兮歸化舊鄉子無悖逆兮弟不鬪牆
修三綱兮復五常革凶德兮還淳良無忝邑名兮於神
有光永修報祀兮萬世不爽

修靈車兮備法駕送孝子兮辭厥舍香雨兮清塵祥雲
兮來迓歸侍玉皇兮典司風化昭示天刑兮用糾羣下
孰不順兮殺無赦顯威靈兮羣心訝民和俗淳兮不聞

純德堂編卷四 祀典

九四明最書

約國刊本

叱咤報祀有常兮神休永藉

張碧溪名鈇字子威邑人少爲外祖司空王來所器
長而博綜古今再試不利輒棄去著碧溪詩集此曲
自注曰邑中久無徵君廟適逢胡邑侯重建喜而有
作

范觀察祭告董孝子文

維萬曆二十八年二月朔日甲子巡視海道按察使司
休寧范洙謹以牲醴之儀致祭於敕封漢董孝子之神
曰偉哉純孝胡遵閔凶枕戈報母飲血悲風霜凝曰刃

日閣蒼穹屢徵不起孝可移忠徧爲爾德頌豆宜崇洙
觀風茲土景仰愈隆敬榜達德董正頌蒙敢告

范洙休寧人進士出身萬曆己亥爲分巡寧紹道副
使備御有方

何司理修董孝子廟告成文

維萬曆二十二年十二月丙午朔越二十六日辛未浙
江寧波府推官何士晉謹以牲醴之儀致祭於敕封漢
董孝子之神曰於昭乎徵君精貞宏遠孝之大沈毅篤
至德之純彌九竅而互九摯貫虹霓而燦星辰徵神之

純德彙編卷四 祀典

十四 明 蘇 書

約 圖 刊 本

迹者謂委曲於奇母從容於報復偃蹇於朝命也而要
非矯激而不情原神之心者謂柔孺慕之色而生事慊
薦仇人之首而鬼事慊身寬漢網寵賈重以終始事母
之衷慊也而吾知其猶蹙頰而呻吟牲醴之特進孰與
菽水之溫清庭楹之累級孰與圭竇之定省人見鴻聲
煥宇宙而自恨不忍因母死以成名人見血食垂千古
而自痛不若效涓滴於溪濱喟孝思杳然而莫釋宛露
爽豎目而露齷凡耄倪過之而怵志無遐邇不睹之而
蠶神豈徒氣消乎疵癘行使化洽於黎氓晉幸祠宮之

密邇每低回而不能禁藉明威以佑理崇報可闕焉而未伸輪奐續紛而丹堊層樓巖業而嶙峋匪侈觀美於闐闐實敬體夫純孝之幽忱陳明信於蘋藻聊以摠仰止之深心冀焘蒿其鑒在不鄙夷而降臨乃爲迎神之歌曰

雲霧銷兮豁沈寥清醑進兮簫鼓驕颺紅蕖兮搖翠旂
回風旋兮駭陰濤金鼎噴兮靈帳舒巫徒倚兮獨踟躕
儼恍惚兮違八虛神之來兮眉稜朱黃流溢兮絲管急
神之容兮壯以栗誰鞠脰兮心孔棘波臣晉兮怵且惕
日光杲兮雲以皎靈螭飛兮鶴翬翬神進爵兮懌且愉
彩雉開兮酒道雨尸歌徹兮巫蹕蹕傳神命兮竭有言
海波澄兮福祉駢比屋可封兮億萬斯年尙饗

何司理創設孝子父母祀典祭告文

維萬曆三十二年十二月丙午朔越二十六日辛未浙
江寧波府推官何士晉謹以牲醴之奠致祭於董公董
母之神曰緊東溟之渺渺挹明嶺之蒼蒼溯純孝之自
出掩千載而彌光惟賢淑同德而齊茂遂挺生英哲于
鄉邦宜竝地封于九闔今何置祀乎一方想令子愀然

而不樂卽國人奔走其傍惶憶余計偕而北首非神母
孰翩翩而降祥蝴蝶三更以入夢雲龍一簾以留香已
而濫竽於茲土戎署實錯壤於祠旁每低回以周覽殊
飲痛而感傷觀前工之未竟動夙昔之微腸爰庀材而
拓宇令綺閣其輝煌子不先乎父食豈肖祀而正三綱
叩霜臺以上請乃誓命而備蒸嘗意神靈後先於玉砌
恍戲綵逶迤於北堂仍置田以供伏臘更勒珉以杜滄
桑弔古昔以勸孝雖豐昵其亦何妨告成事以蠲潔與
天地而共久長乃爲迎神之歌曰

純德彙編卷四 祀典

十三 四明叢書

約國刊本

鱣赤鯉兮薦血菅笙鏞息兮止雲璈素鳥集兮白蜺朝
望神明兮恍虹橋疑陟降兮水之中清瀾涌兮滄魚龍
旗掩映兮聲鏗鑄靈風來兮前之東逝魚軒兮海溼南
聆靡側兮聲訂闔玉玲瓏兮採翠鈿歷層階兮珮珊珊
雙旌來兮伏道側解陸離兮趨几席羞羹兮倚桂柏
退前除兮湛清滌仙韶振兮雜午漏飛瓊唱兮雲和奏
親顏悅兮三上壽滿堂譙笑兮錫爾單厚尙饗

何士晉字象明號鵝洲宜興人萬曆戊戌進士庚子
任寧波推官崇飭禮教治獄剖斷若神越六年內陞

工科給事中會樞擊案起力爭忤旨罷歸初士晉幼時父被鄰人毆死其母忍不言戒以讀書報仇及登第付血衣令疏於朝鄰得伏法

張郡守祭董孝子文

維康熙二十八年歲次己巳六月丙寅朔越六日辛未中憲大夫知寧波府事張星耀謹以牲醴之儀致祭於敕封董孝子之神曰嘗聞古之以孝名者多矣若值乎事之變而能循理之常又推類以全仇人之親卒復其讎而不廢國法守志以終其身未有如神之所爲曲致

純德堂編卷四

祀典

十三四明叢書

約園刊本

而各當洵可法於天下可傳於後世也假令神築室大隱溪濱承歡處順無王寄之難效孟恭武姜士游之養親其孝自若也卽有王寄之難不暇審慎奮然忘身比於趙娥之刺季壽於都亭其孝自若也及事聞和帝下詔褒嘉釋罪擢議郎神或拜命若江次翁母歿赴聘而官中郎其孝自若也乃神之所爲皆不出於是則其心蓋有大不忍者而非尋常言孝之人所能及矣夫有不其之仇而不報非孝也然不待葬而遽報之自蹈刑辟是以孝而廢禮也報其子而不顧其親之生無養死無

非獨非仁也既報而不自陳於官以倖免死乃爲法而非
非勇也禮而拜會覲然不辭是以親之死爲利而尤非
所以爲孝也凡此皆孝子之所難兼者而神兼盡之漢
詔所稱至行卓然又稱蒙難不渝誠孝子仁人之用心
爲人所不能爲豈不信哉乃或者謂神以汲水之便移
居與世齊鄉非孔子里仁爲美擇不處仁之義殊不思
堯舜之世不能禁孔子之生而周之懿親而有三叔皆
非意計之所能料爲此說者烏足以知神之所爲也故
神謝世時安帝卽敕封立祠爲天下法唐宋以來歷世

純德彙編卷四

祀典

古四明叢書

約園刊本

相傳明洪武中封神載在祀典今神之子孫綿綿繁盛
通金籍乘朱輪者不可勝數天之所以報孝子者亦豈
尋常之所能及乎繼往讀史冊欽慕高風今竊祿仁孝
之里親承豆籩敬陳詞而奠饗以冀神之來格焉尙饗
張星耀字紫照直隸人由選貢爲內閣中書陞刑部
主事改戶部康熙戊辰冬出守寧波蒞事精覈在任
七年用政最遷去士民懷之

族鈍軒先生郡南郊徵君廟迎神送神曲

鼓逢逢管鳴鳴里巫跳舞社長呼崇法岡高望謝嶺迎

龍橋下睇闕湖山月燦爛聯銀燭水光霏微靄玉鑪探
白蘋兮河瀦出肥腩兮天廚擎寶幢兮鳴金鈴揚霓旌
兮燦明珠百花燈兮逐隊出穿林夾岸兮萬派殊筵前
申三祝門外焚他錄萬姓禱頌兒孫伏神胡不降渺塵
俗純德在天壤精氣懋土木靈風吹綵雲相望不敢速
依依過母墓冉冉入華屋還看墓上烏飛鳴相追逐皇
皇剡剡漢威儀斬仇英氣燄在目斬仇尙錫類格人自
垂福檀板故故敲磬篋坎坎續階前廟下各趨踰拍手
齊唱迎神曲

純德堂編卷四

祀典

五十四明叢書

約園刊本

百戲陳八音奏神靈已降邀神佑春麥熟秋禾收蓋藏
盡足人增壽黃雞白黍薦神前不是兒孫都趨走去聲已

過墓下奠霞觴再拜祠中舞綵袖巫師前致祠神靈有

所授惟神以孝成汝曹亦人後三牲五鼎列神前何如

啜菽飲水盡子道厚切神兮推恩尙及仇矧爾蚩蚩勤

俎豆盡孝福自臻神不受私祝風旂飄神旗搖神將歸

去天馬驕醴酒行三獻香煙入九霄寶鼎燄燄光燭天

亂擊鼙鼓振金鑊金鑊振處長風發門外老蠶起蒼鶩

大家高唱送神曲神歸天上下恩膏

先生名弘字樂集太學生鄞人永昌守秀之子也好吟詠工書畫此曲自注曰嘗憶先大夫城南社竹枝詞有欲作迎神送神曲幾回援筆不成聲之句勉強續尾非敢謂可用以娛神亦聊成先志云爾

黃文潔先生祭董孝子文

補

神以純孝流芳千古邑以慈名正以神故震生慈邑風仰高風切節鄉部再拜祠宮推此之孝施於有政震所至願瞻敢不敬

黃震字東發邑人寶祐四年進士歷官浙東提舉常

純德彙編卷四 祀典

十六 四明叢書

約園刊本

平司後兼王府長史不拜進侍左郎及宗正少卿皆不拜避地鄞之寶幢山宋亡日惟一食而死先是慈湖倡陸學於明州士皆翕然宗之聖門博約之教幾廢震竭力振興朱學人知向方所著有口鈔一百卷歿後門人私謚爲文潔先生

沛閱日鈔見此文註爲到任謁祭作豈在任浙東提舉常平司時耶言以人重亟登之以光簡冊

文移

附

徵君父母特祀案

萬曆三十年五月十八日寧波府推官何士晉爲請隆
祀典廣孝思以勵世風事竊照孝先百行祀重千秋履
朝咸秩無文昭代尤崇報本職莅任以來查得本府西
北隅薄於廳署有董孝子祠原奉敕建每年六月六日
孝子懸弧辰設有諭祭府縣官照例動支額編錢糧備
儀造廟行禮相承已久其母氏舊有祠在南郊外荒頽
不葺議者謂孝子不得與母同居靈似未妥該前任知
府吳安國推官張似渠知縣翁憲祥各捐俸構三楹於
孝子祠後如孟母廟制工猶未竟職量爲修繕至辛丑
年十二月二十日告成地方祀戶隨建置孝子父母像
奉香火乃祀典則未及焉職嘗隨祭欲行呈請恐無堪
勳錢糧先行鄞縣查議據該縣知縣魏成忠申稱董孝
子名黯字叔達云云此載在郡志可稽者看得董孝子
築居就養廬墓枕戈抱義而兼以行仁復讎而因之全
法至今謁其庭睹其像想見其爲人尙凜凜有生氣孝
哉公也可以風矣其母之行雖無所表見但卽其受辱
鄰兇自引失言之咎因甘溪水遂留慈邑之名當必與
斷機畫荻之流同類而齊芳者且由子可以知母由母

可以及父慈孝萃於一門風教關於百代其有功於世道豈小補哉在禮凡有功於民則祀之孝子父母應入祀典合無於祭孝子之日聽本府另委教官一員先於後祠行禮其祭品豬羊等物約用銀一兩二錢先該本縣查減桃符門神銀一兩三錢九分申詳雜用其中堪以動支備辦孝子之父之母之祭具由到職該本廳覆看得天倫之慘如孝子所遭至不幸矣想其飲血枕戈無天可戴望雲廬墓有地莫容雖斷逆子之頭莫解終天之恨不就生前之召忍留身後之名而況乎廟食無

窮也哉故祀孝子非孝子所安也祀孝子而遺其母尤非孝子所安也夫經垂不共之義律嚴擅殺之條當孝子自囚請死計惟得從母地下可以無憾於親有辭於法而不意君之我赦也君赦胡敢不生又不意後之我祀也君祀胡敢不享若孝子者其志烈其思沈其行無瑕其精英不可磨滅蓋庶幾無遺議焉願孝因爲母祭獨缺焉而不伸彼食必思親神能享焉而不吐在孝子痛己之親以及人之親猶然錫類在今日因子之祀以及親之祀何憚推恩矧建祠置像母子相依論前官之

創舉原欲使其俎豆之同歆而節浮抵數品物易辦據
該縣之條陳又不患錢糧之無處欲維風教孝慈宜極
尊崇新奉詔書祭祀並行申飭應從縣議永作成規緣
干請設祀典事理合行具由詳請蒙海道右參議王

名道

顯批因孝子而併祀其父母甚爲妥當如議照數支辦

委官先祭永作成規此繳又該本廳備由題詳帶管提
學道右布政使范

名

批據由於祀典合於孝子心安所

議設祀錢糧果否久行無礙仰府查報續經本府知府

鄒名希賢覆查前銀原係裁減抵充雜用委屬無礙轉詳

純德彙編卷四

文移

十九

高廟敬音
約園刊本

允示行縣遵照訖

設置孝廟祀田案

推官何士晉爲仰承德意崇祀育才以少裨弼教事竊
照理官祇奉三尺而明刑弼教則尙書志之似非徒法
爲斤斤者職燥髮受書今濫竽司理濫良折獄愧非其
人歛恤惟刑徒聞其語備員已閱五稔積戾何啻萬端
蓋夙夜疚心思補不逮況敢營精職外乎惟是刑罰教
化相須爲用兼以代庖邑事於諸生又有提調之責焉
爰查鄞縣學月課久廢皆因供給無資先經議裁空役

銀二十兩有奇堪充課費詳蒙兵巡海道按察使范

名殊

批據由樽節之中寓教化之意豈惟情法兩盡真能視國如家各役照議扣給存銀貯庫備激賞以端士風此繳遵行在卷未幾待試者雲集涓滴易窮作輟可慮職因搜查贖餘及以俸薪等項湊數共銀六十五兩五分置買民田二十畝六分一釐永資學課每歲仍量助有行貧生二三人以示激勸又查本職公署向無土地祠其神位卽設於客館屏門之內湫隘溷褻心甚悚然職知該縣修理費詘不敢輕動復捐俸薪等銀四十五兩

構退思堂一所而移前客館三楹特設土地專祠如府祠制乃廳署之左則漢董孝子暨其兩尊人祠也孝子純德懿行具在郡志自東漢迄我明敕封諭祭洋洋孔彰職常隨祭撫心見其廟貌漸頽前工未竟而兩尊人有像無祀恐於孝子未安隨經捐俸設處葺敞增新溯源請祀詳蒙兵巡海道右參議王名道批據申因孝子而并祀其父母甚爲妥當如議照數支辦委官先祭永作成規此繳遵行在卷續該五縣印官議置祀田永虔尸祝職復溥助合五邑所捐其銀八十二兩五錢買田

二十一畝九分六釐五毫又將三十一二年租穀易銀
一十六兩續置田七畝四分一毫六絲與前置學田各
立籍於鄞定兩縣其糧據縣申稱各查有新墾漲田稅
銀可抵免行徵納此皆職先後著事爲之者蓋以士爲
四民之首孝乃百行之原教化所先端係乎此因思古
人行得一分則盡一分之力居此一日當爲一日之謀
不敢謂傳舍遽慮可借名於省事亦不敢謂代庖越俎
恐開罪於多方大都義覺可爲總之己原無與然在今
日不過邱陵之因尙冀他年益廣餼羊之愛設葑菲不
呈於憲臺則遵行易替或城社潛生乎蠹孔則浸沒可
虞謹用條分仰求批示嗣茲以往每歲終將該學賑過
貧生考過次數與祠中增置開銷等項各具文申報如
田有盜賣有強佔租有遺負有侵漁經委員役俱不得
辭其責卽與本廳承行吏書一併究招詳奪庶紳人有
賴而教化未必無裨矣緣干崇祀育才事理本職未敢
擅便合行呈詳爲此今將學祠二項原額每年佃納收
放稽查事款據臆開列於後備由另具書冊呈乞照詳
示下永爲遵守施行右詳欽差海道按察使洪名啓批

各田之設祀賢育才種種盛心該廳業已行之據議請
款明悉歲終申報以杜侵冒如議行繳

鈞按何公所置祀田凡二十九畝三分六釐六毫六
絲詳請立案委縣主簿收租增產并修祠及住僧食
用其字號圖分土名及原額佃納貯放稽查逐一刊
入廟志又所置學田二十畝六分一釐委縣丞收給
課費及賑貧生因與祀田斥置同時憲詳同案收支
同籍故亦附載志中今學糧已歸教官經理祀田現
在廟僧主持俱不贅述

純德彙編卷四 文移

三四明披書
約圖刊本

春秋兩祭詳入賦役全書案

康熙十一年三月初六日浙江布政使司袁爲懇推慈
邑命名之由式隆孝祖異等之祀乞據舊章恩垂新典
許入全書永敦風教事據寧波府慈谿縣呈稱先蒙本
司牌行清查祀典刊定賦役全書隨據舉人董爾宏生
員董楨等呈稱竊宏六世祖諱黯孝行備載縣志其事
以汲水而涌水成溪報讎而曲全仇母格天錫類二者
兼之故以慈名溪以溪名縣房丞相改句章爲慈溪卽
一縣以光於四海明太祖賜敕封以神號爲此溪之適

於神明在漢和帝徵爲議郎漢安帝敕爲立祠卽其故居以崇祀宋真宗賜號純德元仁宗建祠邑西以張孝子而配食廟祀之隆由來久矣卽今國朝春秋祭祀近三十載典章所備百世勿諼第前朝以敕封爲重晉天共曉雖全書未入自見一代之隆恩我朝於祀典無加成例已遵惟載入全書庶昭合邑之常祀且太上立德尤在功高之上而學中四祀特先孝行之科我祖肇錫縣以嘉名實興起乎後學卽知全書所載張孝子公舊在我祖配享之位楊文元公陳文定公亦屬我祖數代以還則我祖之入全書所當首列者也茲遇藩憲行查先賢履歷凡名所未著祭所未行尙欲興廢而舉墜況歷代褒崇一縣肇蹟自合踵事以增華伏叩父師臺爲上憲成美爲合縣報功爲孝祖光歲歲之蒸嘗爲宏等垂世世之恩澤特申藩憲首入全書等情前來又據本縣儒學廩增附生員陳大呂應兆昌等公呈稱慈溪縣名肇於東漢孝子董公在呂等居慈之里固已酌水而知源爲慈之人自宜顧名而思義且董公大孝純德誌乘所載莫罄贊揚歷代以來皆有祭典至國朝遵行如

舊其每年春秋二祭官備豬羊全體焚帛果燭等儀各稱之而全書缺載羣憾疏略茲幸藩憲以全書將成行查各祠履歷恭逢師臺主持風化崇禮先賢伏叩轉詳等情據此該知縣曰加繪參看得孝子董公格天錫類純德明神慈溪因孝子得名誠爲合邑之水源木本孝子至封神獨大不比他人之春禴秋嘗喪嘉自後漢而迄今崇報宜率先而著令明代之不入全書者封神爲重風示早遍於四方本朝之當入全書者廟食是遵規模應垂乎百世此據時代而論久在張孝子諸先達之

前若從功德而言合推房丞相命縣名之意伏乞憲恩轉詳刊入以敦名教爲此具由請詳於康熙九年閏二月十四日申送到司三月十五日本司隨批該縣原名句章於唐開元閒改名慈溪因東漢董孝子黯立名也載在舊史可考今查該縣陳文定張孝子俱有專祠而董孝子獨不列於祀典委係缺略仰該府確議或於慈湖書院等祠額編祭祀銀內通融動支具申以憑詳院入册等由行府七月二十九日據寧波府申稱卑府卽行慈谿縣查議去後隨經該縣白加繪議得張孝子陳

文定慈湖書院等祠額銀由來三祠通融難以再裁今於邑厲壇額祭銀二十四兩內裁銀四兩鄉賢名宦額祭銀一十六兩內裁銀三兩其七兩以供董廟春秋二祭與慈湖等祠同入全書等因於四月二十六日申詳前來卑府以湖院張陳三祠額銀共一十七兩四錢而董孝子獨有七兩爲數較浮果否均平且呂薦鄉賢名宦所裁果否多便於五月初三日仍行該縣并同教官紳儒妥議具詳續於七月二十四日據慈谿縣署縣事覆稱職等隨牒儒學會議今準儒學教諭牒呈內開據

純德彙編卷四 文移

三五 四 同 歲 書

約 雷 刊 本

本學廩增附生員馮源淮姜宸英等連名呈稱董公孝行縣志首詳原夫邑名伊始宜與山川社稷而竝重卽其神號久封自超名宦鄉賢而獨上若萃通邑以申昭報斟酌尙有需乎過情今節餘昨以足祭規通融似不礙於他典故前議七兩之額供董公兩祀之需以視楊陳二公春秋七兩之祭爲數僅足相當如論張祀三兩四錢單祭之筵爲數亦屬不溢前詳已確後議難更該學教諭陳聖圻據此隨看得漢董孝子公原其行則格天而錫類核其事至肇邑以封神惟純德足以佐王化

而教下民故累朝每與敕專祠而崇特祭今茲所議祭費通融既屬平妥會議更協輿情相應一如前詳以光盛典等因到縣又本縣緝紳錢茂秦周曾發等公議得純孝董公神以孝而彰孝以神而大溯慈溪之蹟則有德於身而更有德於民觀敕封所稱既立極於人而更贊化於天卽以孝子而論則孝子肇邑有非他孝可同若以先賢而言則先賢封神亦非諸賢所及祭費宜厚祭典始崇前縣以糧額有數勢難加多故所裁邑厲一條鄉賢名宦一條爲額七兩僅與楊文元陳文定二公

春秋兩祭之額相當非如張孝君重陽一祭止有三兩四錢之數所同論者也若夫邑厲以隨祭人役不給胙而議裁鄉賢名宦以祀生奉革而酌減則仍於諸祀無礙特於董祭有光秦等生居慈里素切景仰之懷現奉憲查合布公同之意俱各允服乞賜電照等情前來該署縣奉化縣縣丞高映元縣丞胡維藩隨會看得董孝子純德徵君孝行特崇祀典缺載前詳已悉無煩再敘惟議定祀銀七兩奉憲有數浮再議之行卑職細查新定額費及所裁銀兩允爲平準今集儒學及紳衿公議

僉同合宜允其所請等因到府該本府知府崔維雅看得董孝君孝格涌泉德孚肇邑合宜春秋二祭自應首入全書既經該縣會同教官紳衿公議於邑屬鄉賢名宦祭內通融備辦妥議具詳前來除批示外合行轉報等因到司康熙十年十一月十二月又據慈谿舉人董爾宏以前事連具二呈前來據此該本司布政使袁一相看得敕封漢董孝子之神爲漢江都相仲舒六世孫盡孝事母母嗜大隱之水而靈泉涌出因而成溪追母見毆於惡鄰而病歿俟仇之終其母喪而手刃之旣自

純德堂編卷四 文移

三毛國明叢書

一約圖刊本

因以伸國法復辭召以盡私情宅心正大至性深沈可爭光於日月矣其視尋常之孝養與祈禱水旱先達諸賢度越遠甚全書不載良爲慨歎今據該府申詳權宜平準似應準其所詳以彰潛德以永俎豆者也本司未敢專擅理合具由申明惟冀照驗施行須至申者蒙巡撫都察院范名承批董孝君感水復仇封神肇邑允宜該縣崇祀其春秋銀兩如詳於邑屬等項祭銀通融辦理仍候總督部院批示繳本司又具由呈詳總督部院

劉名光

蒙批漢孝子董公祭享銀兩如詳動支以光祀

典繳隨經布政使行牌知照到府四月二十日本府通判署府事郭名一帖行慈谿官吏知悉聞七月初八日知縣吳殿弼縣丞胡維藩典史余國璽遵照立案訖

黃楊輿孝墓構訟始末

康熙四十一年十一月日分巡寧紹台道布政使參議楊名端為毀佔名墓欺憲詳結再號清界事據寧波府慈谿縣監生董某鄞縣學生董某等呈稱前事到憲蒙批本道確訊繳隨拘集兩造該本道審得葉爾鑑父子檢謀滅法之人也聚族而居鎮海縣靈緒四都之黃楊

純德瑣編卷四 文移

三四明叢書
附刊本

輿有漢孝子董黯葬於輿中澗圍築牆為界而園以董名自漢延光至於今千七八百年矣家譜廟誌純德錄題詠所載炳若日星誰得而掩覆之為無有也者春秋祭掃歷世不爽後因定鼎初年山海未靖居民轉徙失業將不能保其廬墓者所在皆然而董氏子孫以墓近海門視為畏地設祀於家歲以為常愈久愈失而馬鬣故封竟成達顯此孝墓湮沒所由漸也葉爾鑑父子目擊其園之荒蕪無人管業以為可以攘而有之遂於康熙三年編入丈號至七年而以二畝三分零之地收歸

己戶居然種竹造墳大爲開闢幾不知向來竊取爲誰家之故物矣三十九年地鄰葉仁甫葉行可等因董姓招尋而亦公道未泯俱以葉爾鑑冒佔之處實情具報乃董與葉遂構訟於府縣隨控憲臺當蒙批稱有董家園孤墳陳君宇歷供不認其爲孝墓無疑至墓旁之地葉爾鑑於康熙三年始行歸戶納糧則從前並不陞課或爲孝墓優免亦未可定仰府細查舊誌再行確訊等語仰見憲臺燃犀燭隱表揚名教至意因前府孔止斷一墳歸董而墓旁餘地仍留歸葉幾使千年名墓子孫竟不得有增地託足之地所以今年五月間復有毀佔名墓等詞上瀆憲案發本道秉公嚴查之舉也本月十三日委寧波府學教官同奉化縣縣丞公同確勘界址繪圖回覆前來其四圍俱有牆腳則今日爲地而昔日爲園可知也背蘆阜面海門地稱靈緒黃楊則與純德錄題詠無異也再查向來郡誌止載長春門孝母墓竝無孝子黯耐葬字樣而孝子墓載在慈鎮交界之黃楊奧廟志家乘皆然則母與子明明兩墓不得以新鄞志竄一耐字遂指黃楊奧爲無有之鄉也況郡誌在前較

今爲古縣誌在後翻案猶新而廟誌家乘諸書俱經先
代名公鉅筆必非逆知今日之角訟而豫爲伏案者若
舍舊刻而不責都尉之發冢徒指新書而妄指崇禎爲
談拜恐傳信者不當如是矣更查舊卷各口供隨經本
月十七日本道當堂研訊取供歷歷無異據葉爾鑑父
子供稱園內墳係陳姓祖塋與董無涉則陳君宇已有
推呈不認矣又供祖遺舊地康熙三年墾闢七年爲戶
夫既有祖遺之地何待三年新墾七年收戶明係免
垣園滕縣陞報以自遂其隱佔無疑矣又據葉仁甫葉
行可方道生等六人合供土名董家園墳係孝子墓祖
上傳問歷代不爽夫土著竝無姓董之人而荒園獨有
董家之號則巋然一穴非孝子墓而誰墓耶葉爾鑑父
子竝武生葉允文一畧鑲佔瓜分鱣噬以移天換日之
手爲掩耳盜鈴之計竟使名賢古蹟埋沒荒榛陰謀滅
法慘毒孰甚若不痛加懲艾恐孝子仁人俱有難保坏
土於身後者除將葉有生葉傑杖責外均應按律重擬
緣事在赦前免其罪遣律開赦前免罪者田地錢糧仍
復改正歸業應將董家園照舊牆基址清還董姓管業

培植松楸以爲神靈憑依之所園約六畝已陞課者二畝三分四釐錢糧著董姓承納其未陞餘地原應優免如董姓情願陞課聽之所有新葬三墳著葉姓改遷以廓清董家園遺址是否允協統乞批示遵行爲此具詳蒙提督學院姜名櫛批據詳董家園孝墓廟誌家乘紀載歷歷足據葉爾鑑朦縣陞報歸戶希圖毀佔足見聽斷得情乃能洞燭奸計葉有生葉傑既經杖責姑免重擬仍勒限速著葉姓改遷新葬三墳廓清董家園舊業餘如詳發落繳

鈞按參議楊公所詳文稿及督學姜公所批其明允詳覈如此可謂牢不可破矣乃葉爾鑑又誑控之制府而鎮海令戴某復徧徇葉氏故匿丈冊致藩司郎公於四十二年十月親審仍照知府孔公原擬只斷一墳歸我而墳前餘地僅一丈左右及墳後各三尺并行路一帶而已我子姓亦無復有能出而與爭者古墓從此湮於荒荆蔓草矣嗟乎

純德彙編卷五

六十世孫華鈞重訂

古蹟

孝子故宅

見舊譜

在縣北郊外闕山右峯慈湖書院之東按舊志言靈應廟西言普濟寺西又言闕湖之埃舊譜言慈湖北濱言闕峯南麓又言浮碧山陰是也今書院東爲談妙澗野航橋跨其上湖東卽孝子故宅宅東數十步爲普濟寺寺東則靈應廟云

純德彙編卷五

古蹟

一四明叢書

約園刊本

又有宅在大隱溪濱蓋輿母就飲所居者又郡南慈母墓旁亦有宅則其廬墓之處也

鈞按徵君本慈人虞都尉之言甚明也自寶慶志言鄧人而延祐至正等志承其訛今廣輿記一統志及郡志鄧志俱相沿未正族前輩宗原邑人俞聲金有辨見記序

慈母墓

見浙江通志等書

在郡城南長春門外二里許祖關山坐落鄞縣城西隅三圖按圖經以下諸舊志俱云董孝子母墓竝無孝子

耐葬之說今雍正九年續修府志忽注孝子耐側蓋踵閩性道鄞志之說也族前輩正國有辨

附 康熙鄞志冢墓

董母淑德夫人耐孝子踏墓縣東長春門外二里許爲董孝子母墓自句章返葬於鄞者此也而孝子墓實耐側焉董氏家乘載孝子墓介鄞慈之黃楊輿者誤宋舒宣詩曰御史平囚日郎中渡母年豐碑推妙筆孤冢枕城偏其自注云城南有董孝子墓又長溪謝翱客鄞作董孝子墓詩及避暑崇法寺詩有城南古寺涼生處草

純德彙編卷五 古蹟

二四明使書

經國刊本

色遙連孝子墓之句今墓旁有孝子廬墓時滴淚潭至暎不涸生死依母孝子之心也然則孝子耐葬母墓無疑矣明嘉靖癸丑郡守孫宏軾修築之惟以淑德夫人墓題碑失於考耳孝子斬王寄首祭母墓文曰人子酬德孝爲至先鞠我育我誠然信然父母之仇不共戴天今已殺寄祭於墓前昔仇已報更無後冤墓地實四畝三分五釐一毫

雍正寧波府志冢墓

漢董孝子母墓在縣南長春門外祖關孝子踏墓耐焉

雍正鎮海縣志冢墓

漢孝子董黯墓縣西北靈緒鄉達蓬山麓嘉靖府志載
孝子母墓在鄞縣長春門外雍正府志增注孝子黯墓
耐焉今按孝子慈人而墓在鎮靈緒鄉每歲穀雨日其
後人咸至墓所展祭其云耐於母墓者蓋誤宋應麟謁
孝墓詩渺渺靈緒土厥與名黃楊有漢董徵君體魄厝
其鄉人以孝而重地以孝而揚迄今瞻仰下悠悠思且
長

鈞按鄞志係聞性道所纂成於康熙二十二年當葉

絕續彙編卷五

古蹟

三四明叢書

約園刊本

爾鑑同子元成景仁冒佔我孝墓地以認墾開荒於
康熙三年丈量七年歸戶而吾宗於三十九年爭墳
與訟緣彼執鄞志耐母肆辨故宗人呈詞直指爲葉
氏於纂志時行賄添注也然葉爾鑑狡謀祕計誠不
可知如遽謂聞性道受賄恐未必然但耐葬之說實
屬無因況歷來舊志均未載及而墓案經鎮縣寧府
道憲潘憲暨學臺制臺等衙門終以鄞志爲辭迄不
得直則鄞志固速宜改正者矣乃鄞志既不及改值
府志增修吾宗當仗義立言申明郡守何竟寂然恬

然不惟不能載入孝子墓田而願聽其增注耐葬字樣可勝歎哉猶幸闡微表幽却在他姓他邑之士後此鎮邑修志獨能敘明孝墓處所又引應參政詩爲證且抉雍正府志之訛可見鎮邑志館未始無直筆而天理之在人心原有莫之爲而爲者乎

孝子墓

見舊譜又見何士晉孝廟志并雍正邑志鎮海志

在鎮海縣靈緒鄉之黃楊輿周圍以牆名董家園自唐宋迄明歷代墓祭無恙明季多海寇子姓畏不敢往地鄰葉爾鑑遂毀碑佔管按鄞族孝廉德襄以崇禎癸未

純德彙編卷五 古蹟

四十四明叢書

約園刊本

會試卒於寓舍其前此有與祭孝墓詩又成化中族前輩霖謁墓亦有詩可知明季以前馬蠶固無恙也順治間我曾叔祖幼占公與祭慈母墓詩有長想黃楊純孝墓幾番遠省竟迷津之句又康熙初鄞族王路公有擬尋孝墓詩可知本朝來墓始迷失而爭墓呈詞所謂黏招徧訪者非虛語也乃楊道憲斷案最爲明晰而郎藩司翻之僅歸墳穴及些小餘地而已良可慨也

慈溪

見舊譜

在縣北郊外一里闌湖上流卽孝子舍旁所涌之泉也

時人以子之孝著母之慈名其水曰慈溪又名董溪唐房太尉因以慈溪名縣宋楊文元亦以慈名湖前明永樂十六年失印更鑄恐舊印復出爲奸始易印文溪爲谿云

鈞按慈谿縣康熙未刻志遺事卷敘地涌靈泉曰董叔達黜居闕湖之涘其母黃氏嗜飲故居大隱溪水遠不能時至一日偶斲土埒於所居旁突有泉混混因而成溪其味不減大隱人咸謂孝感所致至今泉流不竭後雍正慈志亦同但改遺事爲紀異云 未

純德彙編卷五 古蹟

五十四明叢書

約園刊本

刻志係姚宗京字續之周成孚字赤符張鴻漸字袞望所修

大隱溪

見山川攷

在縣西南三十里黃墓浦之南謝山之西傳稱董孝子在縣西南三十里黃墓浦之南謝山之西傳稱董孝子黜母思飲大隱溪水卽其處也又夏侯會先地志云大隱南入天台山北爲四明東麓乃晉謝康樂煉藥之所又有云四皓黃公嘗隱於此故名大隱又志云晉虞喜隱此三召不起唐末林無隱有詩名亦嘗僑居焉

鈞按大隱溪非慈溪也慈溪現在闕湖上流亦名董

溪邑前輩劉憲寵秦應鸞俞聲金及族先正宗原筭
文言之甚詳見後記序卷而確證尤在唐崔刺史庭
出寒泉句惟在舍旁故云庭出若遠隔一舍則此句
無謂甚矣再觀元人孫子良縣治風景詩董溪渺渺
慈湖闊亦以慈溪與縣治不相遠也不然是一邑之
景曷云縣治風景哉乃歷來舊志及今廣輿記郡邑
志俱牽合大隱爲慈溪謬誤宜正

汲水潭

故老傳述又見
劉行素文集

其址在大隱溪濱今永昌潭之旁尙有汲水沙渚存焉

續德安縣志

古蹟

六四明叢書

約園刊本

卽董孝子遺跡也深不過三尺而旱久涸然

慈溪巷

見郡志
邑志

在縣東南一里以董孝子黯得名

孝子井

見天益山
堂遺集

在慈溪巷內林家橋西相傳孝子所鑿井竇尙存古篆

孝子董黯之井六字邑人馮次牧有詩

望母洞

見舊
譜

在慈母墓側至今營窟隱然相傳孝子廬墓時遇迅雷

大風雨夜於此省母焉

滴淚潭

見舊譜又
見鄞縣志

在慈母墓前相傳孝子每哭則烏翔墓廬以助悲哀其
淚滴久而成潭迄今至嘆不涸

純孝坊

見孝
廟志

在府城廟街之右爲董孝子建其建時年月暨所建之
人皆莫可考今毀

純德坊

見邑
志

在縣治東二十八步舊名崇孝坊宋嘉定間令虞詵爲
漢孝子董黯立至景定中令金昌年以孝子本號純德

純德彙編卷五古蹟

七四明叢書

約園刊本

徵君易今名

慈孝坊

見郡志
邑志

在縣治南一百六十步徐家巷內舊名祈報坊元至正
二年邑簿白桂爲董孝子并其母易今名

三孝鄉坊

見舊
譜

在徐家巷內巷之廟舊惟董孝子專祠元延祐元年邑
長烏馬兒修廟以張孫二孝子附食因建此坊於廟門
首今圯

純德世家坊

見舊
譜

在金川鄉去縣一舍許元至元二十五年令富德庸建明洪武十六年子姓重修而災于火

純孝橋

見舊譜及孝廟志

在郡城內大街原名杜母橋建自宋天禧五年以杜氏老嫗捐資建此并建亭故名久而漸圯乾道中郡守張津重建紹定中郡守胡榮元至正間郡人謝發崖累修之明洪武四年遷董孝子廟於其側乃改今名
鈞按郡志以杜母爲渡母殆俗說相沿而誤

慈溪橋

見省齋年譜

純德彙編卷五

古蹟

八四明叢書

約園刊本

在縣北郊外慈湖書院之西其東數武卽書院又數武爲孝廟舊基卽孝子故宅也橋下之水迤邐如帶名慈溪南流入湖

董孝廟橋

見郡志

在郡靈橋門外孝廟前按此廟卽七塔寺西之廟也

純德彙編卷五

純德彙編卷六上

六十世孫華鈞重訂

記序

重修董孝子廟碑記

後漢至行董君諱黯字叔達句章人也依乎中庸率性

純白

率性句舊譜作遜世不悔

少孤獨立事親不毀啜菽以盡其歡

柔色以溫其省高堂登壽

高堂句舊譜作朝夕奉侍

慈顏哀如和以

肥家安不擇地其徙居也庭出寒泉其執喪也林集祥

烏明誠必感庸德惟懋施及千載橫於四海其大孝也

純德彙編卷六上 記序

一四明叢書
約則刊本

與夫大道未隱不獨親親逮德下衰乃有慈孝行以名

揚情以禮飾季武矯而服衰子春強而過禮此離道以

善非天性之孝也子云無違參則直養素冠有諷和琴

不成此禮經之孝也文學棄子士游出妻動非先意何

以觀式雖曰可紀或近沽名此非教之孝也夫子一與

之質道與之和生於東溟介居島夷俗遠詩禮性復著

存無貽一日之憂終報其天之怨負土成壟枕干干舊譜作

戈不言卒斬東鄰祭於中野所謂生知而上成心以隨

欲蓋而彰強名曰孝加於古之君子數等矣和帝聞其

異行特赦專殺之罪召拜郎中不起竟以壽終夫受命於時維松柏也冬夏青青稟靈於天維夫子也壽終全正性六代祖仲舒漢大中大夫嗣孫字春領廬江太守世爲郡中名族故以董孝名鄉絲溪署縣鄧江之族薰然遺風皇唐大曆八載子分符茲郡訊古欽賢環堵已蕪遺記將落徘徊故邑尙想餘範則夫子之行可以化於人葺宇崇祠

嗣孝廟志作祀

昭銘垂代豈不務矣銘曰

白刃可蹈仁鮮能存黃金可鑠德無間言道喪于季

子

孝廟志作千年

賢生復古知禮過夷變風於魯豈曰無入

純德編卷六上 記序

二四明山志

以寧豈曰無魚泉流在庭黃鳥哀鳴下感棘心哭無常聲灑血盈襟江水湯湯東注窮越夫子德音與之不絕唐大曆十二年歲次丁巳八月旣望明州刺史崔殷撰文明州別駕徐浩書丹括州縉雲令李陽球篆額

崔殷出處未詳 徐浩字季海會稽越州人由中書

舍人知制誥遷吏部侍郎大曆八年貶明州別駕遂居鄞善書法著書譜及古跡記自號四明山人 李

陽冰字少溫趙郡人以詞翰名乾元閒爲縉雲令喜山居因名所居爲吏隱山多題詠篆刻後遷當塗令

宋黃魯直跋徐浩書董孝子廟碑曰唐自歐虞後能備八法者獨徐曾楷與顏太師書家論曾楷筆法怒猊抉石渴驥奔泉誠不虛語其用筆勁正而心圓暮年擺落王氏規模自成一家若孝子碑可稱老重明張東沙嘉靖郡志曰徐浩以元載黨貶明州崔殷作董孝子廟碑浩手書及李陽冰篆額當時稱爲三絕

本朝聞蕊泉鄞縣志則以唐徐浩書董孝子廟碑李陽冰篆裴刺史紀德碣顏真卿書王刺史德政碑爲

純德齋編卷上 記序

三四明叢書 約園刊本

三絕碑

鈞按此篇舊譜所載題爲漢孝子董君祠碣并銘予易以重修董孝子廟碑者從趙明誠金石錄也至三絕碑攷徐書固老重而崔文李篆未嘗不堪鼎足東沙據一碑而言稱爲三絕確有所見蕊泉牽涉裴王二碑姑存之以備攷

慈溪縣董孝子廟記

慶元二年三月丁酉慶元府慈溪縣重修董孝子廟成邑令朱堂求記於郡人樓鑰鑰以傳記圖經參考之

孝子諱贈字叔達會稽句章人生後漢時家貧少孤事
母盡孝采薪供養甘果美味奔獻於母母甚肥悅比舍
有王寄者富而不孝二母各言其子寄聞而銜之伺孝
子出苦辱其母致死孝子飲痛不言母既葬斬寄首以
祭母墓自以告有司和帝釋其罪召爲郎不就以壽
終初孝子母嘗寢疾喜飲大隱溪水得不以時於是築
室溪旁以便口汲厥疾用瘳溪在今縣南一舍比歸舊
居偶斲土坎於屋側忽有泉出味符大隱此則去今縣
治里許雖細流如帶而不以旱涸故以慈名溪又以溪

神德彙編卷上 記序

四四明叢書
初開刊本

名縣其母蓋葬於鄞鄞爲郡太守治所故州邑與其墓
側世皆祠之慈之祠宇卽其故居先是其母塑像在南
郭草堂中康憲錢公億迎歸於廟鑰親訪其墓宰木猶
存近在城南豈所謂草堂者耶晉虞預會稽典錄亦載
其事但言赦免而不言爲郎之詳至今鄉人猶稱董孝
郎中廟也吳之虞翻稱其盡心色養喪致其哀單身林
野鳥獸歸懷怨親之辱白日報仇海內聞名昭然光著
以爲會稽英俊之首唐大曆中刺史崔公殷作碣徐公
浩書之亦云其徙居也庭出寒泉其執喪也林集祥烏

無貽一日之憂終報其天之怨又載其六代祖仲舒漢
大中大夫陶孫春領廬江太守世爲郡中名族旣不可
詳考又言環堵已蕪遺記將落意前此必有碑版今不
得見矣若董孝名鄉慈溪名縣亦謂之董溪則不可磨
也我朝祥符元年冬眞宗皇帝封岱禮畢詔賜號純德
微君或云起於錢康憲之請夫孝子豈有意身後名耶
發於至誠言不可揜生蒙和帝之恩越九百載而鷹章
聖之寵然則隱約之士可不慕而勉哉唐神龍中有張
孝子無擇葬父慈溪之虎脚山結廬負土有涌泉芝草
之異仕至和州刺史比縣中有楊孝子慶自紹聖至宣
和刲股制乳以愈父母之疾者至於五六卒旌表其門
孝秀相望蔚爲義郡其源流有所自矣元豐間盛君次
仲爲令嘗書董溪事於碑下建炎改元林令叔豹祠於
東山之陽紹興之末戶掾董君鄰攝邑徙建普濟寺西
爲前後二殿前以奉孝子而處其母於內今三十五年
矣寢以圯壞朱君始至進謁慨然曰此風化所係宜爲
先務顧荒陋如許是闕典也君旣以儒雅飾吏剽決如
流縣務畢舉爰於政成之餘一新廟貌視舊增闕首捐

俸錢助以餘帑數不及民給工直如私家人徒見輪奐之美而不知役莫不驚歎稱服又率邑之士夫酌奠以落之是足以仰贊天子之孝治而示邦人於無窮皆可書故備書之顯謨閣直學士中大夫提舉江州太平興國宮奉化縣開國男食邑三百戶賜紫金魚袋郡人樓鑰記并書敷文閣直學士官奉化縣大夫致仕奉化郡開國公食邑二千二百戶食實封三百戶郡人汪大猷篆蓋錢億字延世臨安人吳越王元之弟也漢乾祐初命億判明州宋興州升奉國軍節度使卒謚康憲

純德彙編卷六上 記序

六十四明叢書
約園刊本

盛次仲元豐中宰慈邑多惠政移爲內相 林叔豹

字懿文永嘉人建炎初以宣教郎爲慈令金人陷郡

嚴守四郊及兵退率鄉兵入殺僞守一郡以寧高宗

駐臨安召拜御史 董鄰字素臣邑人孝子三十八

世孫也署縣事有善政 樓鑰字大防鄞人登隆興

元年進士累官參知政事卒贈少師謚宣獻有攻媿

集行世 汪大猷字仲嘉鄞人紹興十五年進士累

官敷文閣直學士卒謚莊靖有適齋存稿等書

鈞按此篇本純德錄舊刻索宣獻攻媿集舊版無存

藏書家多係鈔本彼此校勘不無小異茲爲參酌考定庶成善本 鄆族新修孝廟志雖云據純德錄刻本實主錢塘吳氏繡谷山房鈔本有一字孝治句而漏卻屋側涌泉事又漏徙祠普濟寺西語與吾家刻本及木村櫻氏南鄉方氏邑城姚氏馮氏鈔本不同 與楊慈湖先生簡書 趙崇遂

崇遂拜啓漢董孝君以我章聖朝膺純德微君封號業蒙椽筆採純德字題廟額矣邇者進士李伯英請并定神龍張孝子之祀伏念兩君子立極同臭味必合或別

純德堂編卷六上 記序

七四明叢書 約圖刊本

立一廟固善卽同室而享亦可也今諸縉紳定議耐入董廟內行禮有日希先生至賁以冀其成不宣

趙崇遂出處未詳縣志載崇遂十二年五月令慈溪十五年二月去任

張孝子醜祀董孝子廟記

人皆知慈溪以董孝子名不知有張孝子焉張孝子諱無擇生於唐時仕至和州刺史和在唐爲上州刺史從三品官亦崇矣人不以刺史稱稱之曰孝子嗟夫刺史之官可以倖致而孝子之稱不易得官至刺史者自古

何限而稱爲孝子者一代能幾人是知立身揚名未有如孝之大行之尊也圖經載孝子父爲袁州司馬卒而歸葬孝子結廬墓次三年不櫛七日絕漿有芝泉之應長吏言於朝屬神龍多故不遂旌表竊以爲未然唐世以孝弟名上朝廷者闔巷刈草之民居多天子或爲之給帛或旌表其闕所以聯書於史官而著見於孝友傳若其躬行勦聖雖過乎哀亦非驚世駭俗之事而貫於神明橫於四海此則感通之理固非有意求顯也旌表之所不加未必因神龍之多故孝友傳無所述亦非史

氏之遺逸此所以爲張君之孝也董孝子廟在邑之北百步而近張孝子墓在邑之西三十里而遙董之廟卽董之宅也邑常以春秋修其祀祀之日令率其僚而至子姓罔不與焉酌獻有度衣冠濟濟風聲載植高山可謂遠爲一邑盛美及今趙君崇遂下車祇謁援其孝行以勸俗欲其無負此邑命名之意已而飾賁牆宇增敞軒楹求大監楊公簡書敕賜之額以揭之皆所以表勵爾俗垂之無窮唯是張君之墓在墟落中人鮮知之令實愴愴焉浙漕進士李夢林一日有請願併祀張君此

令素志也欣然行之於是董座之東偏設張君之像服則一遵唐制春秋配享厥祀同是德也且同是邑也董君有靈必樂張君之合志張君有靈必樂董君之我與吉德參會至行類從神交彷彿蔚乎其相扶興起人心迪篤子道誠風教之本與夫孝者人心所均有以百里之小而存孝子二人焉何爲獨鍾乎此地以數百年之遠而僅得孝子二人焉何爲閒見於斯世試以是思之以董君之孝行而張君能配之所謂有爲者亦若是嗚呼不自勉以董君之孝行而獨張君能配之則世之不

純德彙編卷六上 記序

九四明敬書

約國刊本

爲者亦多矣是可以自警此令君望此邑之心也慮聚族而居幸在董君之孝里詩錄可尋安知非張君之末裔也故敬爲之記宋嘉定十四年孟秋朔旦朝散郎新羅發遣南康軍兼管內勸農事里人張慮記奉議郎添差通判湖州軍兼管內勸農事郡人袁甫書承議郎添差通判平江軍府兼管內勸農事邑人桂萬榮題額

張慮字子宓號壽山邑人慶元二年進士由祕書丞出知南康軍召拜祭酒權工部侍郎命下而卒諡文

靖 袁甫字廣微號蒙齋鄞人正獻變三子也嘉定
七年廷試第一歷官吏部尚書卒贈少傅諡正肅
桂萬榮字夢協邑人慶元二年進士通判平江府累
遷尚書右郎直寶章閣奉祠歸築石坡書院講誦以
終

鈞按此文載於舊譜并刻舊純德錄中而張孝子錄
亦有之但彼易董坐之東偏設張君像句爲闕屋東
偏設張君之像又易春秋配享厥祀句爲亦以春秋
致其祀又易詩錄可尋句爲譜錄可尋凡改定篇中

純德堂編卷上 記序

十四朝據書

三語又改標題曰建張孝子廟記彼殆欲以是時張
公卽專祠矣然考宋縣令趙崇遂與慈湖先生書稱
董孝君錫號蒙榘筆採純德字題額邇者李伯英請
定張孝子之祀今議附入董廟是純德固專屬徵君
而張之祀祀亦彰彰矣宋寶慶志於張孝子祠云嘉
定十四年邑人請於縣立祠純德董君廟側春秋配
享著作郎張虛記之夫曰立祠似可爲專祠之證曰
配享又非附入董廟之證乎况寶慶志成於五年己
丑去嘉定十四年辛巳不及十年尤近而足徵卣後

成化志改春秋配享句爲春秋竝祀嘉靖志於張孝子傳末旣言嘉定十四年邑令趙崇遂祀於董孝子廟而於張孝子廟復因成化志之誤謂邑人李夢

林卽伯英

請於縣立祠董孝廟側春秋竝祀此舛錯之

顯然者閱閱慈湖志中楊江三孝子詩於董下注廟舊在湖北普濟寺西建於紹興末年於張孫下注張廟舊在董廟東側孫廟在董廟之西俱咸淳元年令金昌年建今張廟在慈孝坊此則張公專祠所由始有明徵也又張錄載宋末劉厚南奠位文曰張公有

純禮齋編卷上

記序

十二國朝叢書

約園刊本

卓行與董君異代相輝廟食於茲有年矣新祠甫設敬用奉安云云益足徵張祠實始咸淳而前此耐食董廟何疑哉

重修董張二孝子廟序

吾鄉董張二孝子廟祀千古爲慈邑光美化移風竄曰盛事然考之儒林傳有孝行董洛生居父喪過禮遣使奉養書慰之令稍節抑以全孝道而南史孝義董陽詔榜其門曰篤行董氏之閭又讀詩至侯誰在矣張仲孝友而後漢張霸數歲知孝遜鄉人號爲張曾子何二姓

之賢以孝著於經傳者代不乏人若是且此二孝子後
先相望萃於慈邑人知敬慕高其閭閻而崇奉之又得
攻媿壽山諸先生作爲記文其所以發揚幽隱篤厚流
俗豈曰小補之哉茲值鄉之好義者重修祠宇屬予序
其首簡予維爲子宜孝猶之爲臣宜忠此古今同然之
理不可易之訓凡厥有生均具是則性習遠近理訓背
違雖使學士大夫素有令聞每持正論者或未能確守
而力行之何以望中人下愚輩若輩張二孝子卓卓乃
爾固出資性之美亦其學問之充董公雖終身隱約令
其立朝未必不矢忠愍張公歷仕至和州刺史在官旣
昭耿直事親復盡篤誠古云事親孝忠可移於君又曰
求忠臣必於孝子之門正此之謂歟嗟嗟孝於親蓋一
家之幸也而忠於君則一國之幸矣第孝多隱德弗卽
彰聞忠乃高行競思快覩每慨見危授命仗節死義之
士寥寥寂寂世無幾人今得二孝子輒指爲祥瑞尊爲
儀表固以其罕覩云耳孝子誠不可得忠臣抑又可知
竊以發世道之歎奉直大夫戶部侍郎高衡孫撰

高衡孫鄞人由端平二年進士歷侍講終禮部尙書

書董張二孝子廟碑陰

慈溪之爲邑以董孝子得名董故有專祠中廢者近百
年而建炎初邑大夫林君叔豹始重爲之祠嘉定中同
邑張孝子復祔其旁有此二孝子吾邑重矣董君刃寄
首以祭母墓上異其行召爲郎不就張君負土廬墓棄
官不調可謂異世而同志者夫立身揚名人心所同二
君視榮進如浮雲雖死靡悔出處大節無少媿矣而今
又俎豆一堂春秋並享揚懿美而播芬芳豈特句越有
光裕哉余夙遵先訓期上下無負時不我與莫竟厥志
歸老山林日俯仰乎松楸三釜弗泊心乎悲焉一日辱
鄉長上語以二孝子事轉示碑記俾廁名其後嗚呼以
余之不敏不克以志爲養而敢書孝子記後敢睇林君
於百載上乎辭之不獲瀝忱敬書咸淳元年春日朝散
郎主管華州雲臺觀邑人黃震撰

純德彙編卷六上 記序

十三

四明叢書
約圖刊本

鈞按此文及高公衡孫篇舊純德錄刻之張孝子錄
亦載之而彼改標題並作張孝子廟序脫卻董字且
於高公文刪中段三處共十五語又改易數句於此
篇首簡兩處各刪一句又刪俎豆一堂以下四語殊

不可曉然黃高二公文篇中俱二孝子並言絕無片語側注一孝子身上而謂文爲一孝子作然乎否乎又按邑令金昌年建張孫二祠亦咸淳元年而此爲春日則建祠或秋與冬也

重修漢董孝子廟記

寧波郡治南不百步有董孝子廟逼於閭閻之中楹以十計門不丹牖歲久梁棟蠹燒傾廢不治祀事具修神厭弗歆郡太守鄭公珞重念國家以孝理天下而孝子有廟若此何以勸勵風俗乃卽鳩工度材撤而新之綵

純德彙編卷六上 記序

十四 四明叢書 約園刊本

繪增煥廟貌若生郡人具瞻愈敬益欽正統元年居民弗戒於火廟爲延燬太守公復之如初嗚呼盛矣按孝子諱黯字叔達句章人也漢仲舒六世孫幼喪父養其母篤孝且敬母疾嘗思飲大隱之泉遠莫能時致黯斲土埒於舍旁得泉如之取以進飲母疾遂愈東鄰有王寄者家甚富王母以其縱酒無行恆有憂色董母謂曰吾雖貧賴黯之能孝而恆有歡心王母以喻其子冀有所感悟而寄乃懷忿毆辱董母至死黯號泣負土既葬痛念母讎不共戴天操戈往斬寄頭祭於母之墓事聞

和帝詔釋其罪且旌異之召拜爲郎不就而卒事再聞
特敕卽故宅立祠以祀唐大曆十二年郡刺史崔慶管
蒼其祠宋祥符間錫號純德徵君我聖朝洪武二年封
爲漢董孝子之神每歲六月六日有司用剛鬣致祭隆
孝道也夫孝天之經地之義人道之至重者也是故舜
與武王周公皆大聖人萬善咸備無得而稱然尤以大
孝達孝嚮之所以立極垂訓使萬世而下咸知所重若
徵君之孝可以動天地感鬼神貫金石永慰母心於不
死矣宜乎錫封加號歷世祀之以彰顯孝行於無窮太

純德齋編卷六上

記序

十五國明叢書

約園刊本

守公治民事神百廢具舉於此尤加意焉蓋欲使郡之
凡爲子者咸知慕公之孝嫉寄之逆以養其親其所以
勸勸風俗篤厚彝倫之道至矣因事施教此太守公之
善政也宜書以著休美於罔極鐫文有託辭愧不工謹
書此以識歲月云爾係之以詩曰

烈烈孝子翼翼其廟濯濯厥靈赫赫有耀孝子奉母旣
歡且安逆者犯之號泣旻天不與其戴斬頭祭墓氣奪
三軍義貫千古旌德表行歷世祀之袍笏煌煌神實顯
思國典欽崇郡守勵翼聿新輪奐孰不敬德孝子之孝

徽地通天我作銘詩於千萬年明正統三年歲次戊午
冬十月既望朝列大夫國子監祭酒郡人陳敬宗撰文
儒士金陵陳叔毅書丹承直郎歷官禮部主事郡人宋
炎篆額中順大夫知寧波府事三山鄭珞立石

陳敬宗字光世邑人永樂二年進士歷官南京國子
祭酒在任十九年致仕更號休樂老人著淡然集嘉
靖閒贈禮部侍郎諡文定 陳叔毅未詳 宋炎字
延玉奉化人永樂乙未進士歷官兵部侍郎 鄭珞
字希玉福建侯官人永樂乙未進士宣德庚戌由戶
部主事出守寧郡後陞布政使

純德彙編卷六上

記序

十六四明叢書

約園刊本

鈞按原文誤以孝子爲鄧人又誤以純德徵君爲漢
封卽洪武封號亦誤作四年皆失實故特改正凡僭
夏三書語至橋中漏卻就飲大隱一節并漏洪武時
遷像建祠於郡事因文勢已是不便增入姑仍之而已
又戊午實正統三年若二年則丁巳也而石刻誤作
二年戊午茲亦正之

修甬東徵君行祠記

古者凡有功於民能禦大災則祀之能捍大患則祀之

祀必有祠延之無窮以報功也禮也若仁人孝子之有祠爲之宮宇爲之儀像而歲時祭享之不闕以崇德也亦禮也第天下之言德者必於性而天下之言功者必於德孝之德出於性而所以立極興教感動人心孰有加於其功哉然後知人而克孝所當祠百世以俟聖人而不惑矣按舊志董孝子黯字叔達後漢和帝時人世居句章幼喪父獨與母居篤孝養母母嘗疾思飲大隱溪水遠莫常致爲築室就飲之母病旋愈而歸偶於舍旁鑿土埴得泉如隱母以燻康比鄰有惡子王寄之母以黯能孝諷寄疾之伺黯外出毆其母死黯悲痛懷隱恨不發既葬母及俟寄母歿亦葬乃操刃入寄室斬其首祭母墓自陳於官奏聞和帝詔釋其罪旌賞異行召拜議郎不就後歿特敕卽故居立廟以祀歲久漸壞唐大曆中刺史崔殷一嘗修之宋祥符初加封純德徵君至皇朝洪武二年加封孝子之神命有司歲以六月六日特牲致祭廟初在慈邑至是乃建於郡治南而吾甬東亦有徵君行祠焉嗟嗟人同此性卽宜同此孝然人雖不能爲徵君之事而無不景慕贊羨徵君之孝吾

竊慨世之人徒知羨慕徵君之孝而不知徵君之孝實爲眾善之備試思殺仇報母義也葬而後舉禮也又俟仇母之死而後舉仁也自陳於官請死勇也封拜不就職介也一孝立而五德盡焉在大賢君子所難況求之凡民哉而徵君從容中節若是於以歎江都相之家學淵源所由來遠矣夫徵君實蹟漢史雖失其詳而見於他書可考非若渺幽荒昧惑世而誣民者比況自遷廟於郡累著靈異其正氣不磨固千載猶生也乃吾甬東行祠湫隘溼陋日就圯子里人也正慮祠之向廢無所

爲力茲得祀戶周君瑛暨吾族炎倡眾糾貲擇吉興工從舊宇之前創爲穿堂又衡爲室三楹又南築甬道直抵通衢立柱石爲門又南跨水爲橋皆鞏壯可久始事於正德元年畢役於嘉靖改元其爲崇德報功計豈淺淺哉旣告竣而問記於予予方喜祠事之聿新敬樂道之嘉靖元年歲在壬午十月乙丑日賜同進士出身中大夫福建布政使司左參政致仕白齋張琦撰

張琦字君玉號白齋鄞人弘治己未進士官福建興化府知府以左參政致仕有白齋集竹里集等行世

鈞按此文天啓中曾伯祖奕雲公從白齋集錄出東沙郡志所載其大略也第篇內亦誤稱孝子家鄧邑其他失實與陳文定略同爲較正之族抑儒氏新孝廟志於此篇僅錄首一段後半從東沙節本於前陳文定一記及後沈蛟門余漢城全伯典三記并全紹衣墓柱記悉仍原文凡謬誤處不一校正彼蓋以已見辨說也但余恐魚目易混爲每篇注明庶幾展卷了然後之覽者試取新孝廟志參閱則更瞭然矣

董徵君復讎論

純德堂編卷六上

記序

十九四明叢書

約園刊本

嘗聞董徵君復讎事竊異司載者之用志太疏而翳彼蓄憤輸權之用宛若止坐夕室不覺其白之懸而黑之暮也雖然明晦詎足爲純孝疵耶世之議曰仇不天其義固無時焉可儲而俟清於河玩歲愒日如是毋乃曠情乎鄰母與吾母較孰重鄰之篤親之薄也奈何不以時引決而含垢忍恥致母淹鬱九原得無潰衡度乎廬墓枕戈得矣剽寄首祭母得矣而提首有司不無覓免之念辭拜議郎於衷當矣然事已報成獨不可從母地下問水甘否而竟遷延牖下以老難免懷安之疑循此

議必使黯立槁然後可而不知責人太察甚非所以月
旦黯也嗟嗟黯之遇之心良亦棘且辛矣而誰其原之
君子曰事求可功求成兵法知彼知己黯不難爲母洞
胸裂腹與寄爭一旦之命唯計其虞己者重且周而居
恆出入必厚聚羣不逞以自衛黯第不得乘其隙耳設
輕以吾子然之軀奮然與羣凶決一試則二死之謂何
在寄無損而親冤終不可雪黯當何如以爲情吾意其
籌此稔矣故寧重發全功毋輕爲抵敗是久之隱忍不
卽舉者蓋重有待也雖寄母雅緒足可推恩然終以子

純德彙編卷六上

前序

三

子四明叢書
約園刊本

故未嘗借色笑相加外若坦然示寄以忘校而寄已鑿
奪虞疏駁駁入吾股掌矣謂黯善藏用是耶非耶卒之
徵福大靈盈降之罰俾寄踴躍入無人之境而黯之戈
始得迴指而授之矣亟挈其首以泣墓且鳴之官其鳴
官也正欲表寄前惡暴母沈冤而惡計爲三章伏鎖免
不然令寄家攘臂而預訴之毫無顯證空負不義於棠
陰又不然先發無聞下膜易隔咎誰任之先人奪心誠
萬不得已者幸有司高其誼不意讖而疏之朝和帝卒
從吏議釋旌兩下焉夫結綬可榮也黯卻之終其身曷

故哉念奇顯廖厥願已酬幸免抵償此心何憾君貪戀爵祿是殺寄之舉卽爲得官之券孝子之志義不出此彼易竇貞期縱史無據而總之惟母一念久暫毋論也或者動以規生曲詰其若太察何子不得不爲黯一反覆詳辨焉常變靡盬其宜經權咸秩其則夫是之爲善完如黯者可稱純孝哉若以慈名溪以溪名縣及句章畫界之朝旌祀廢存之序有家乘邑誌洎諸讚述在子不復其辭嘉靖庚子立春日同邑後學葉允昌撰

葉允昌字順德號后林安慶守瓊之孫由正德辛巳

純德彙編卷上

五十四明叢書

約園刊本

歲貢授湖廣崇陽訓導嘉靖戊子試楚闈中式改同安縣知縣有政聲

漢董孝子祠序并贊

鳳峯沈子愷吏茲土爲嘉靖庚子越三日拜董孝子祠見其豐儀偉貌棘棘有氣雄萬夫狀愷退而歎曰勇哉徵君之像矣不然何其行孝毅然不撓也及取其傳讀之乃見其遭母之變不亟不迫徐以應之竟殲仇首以酬母志又若馴雅君子似不專於勇者余益愴然悵慕若想見其爲人夫董母與王寄之母素相善董母言寄

之慝寄聞而憾之竟毆其母死夫寄固無良而二母故相善也不待其母之死而先殺其子子死母不能以獨存不惟并殺其母且自傷其母之心不仁寄母死矣而吾猶依違不忍一決是忘親之仇不義斬首祭墓吾事畢矣當其時聞召即起居然就聘則前日之爲母者庸非自爲耶義而非貞乃今見斯舉也仁以全人義以雪恥貞以潔己一舉而三善集君子謂董子之孝於是乎全矣爲之贊曰

太樸既漓世無全人仁者有勇勇未必仁殺人之子全

純德集編卷六上 記序

三四明叢書

約周刊本

人之親除兇報恥大義以伸王聘不就終始惟貞姓以孝著邑以慈名於千百禩於赫厥靈瞻者起敬廟貌若生明嘉靖十九年庚子仲秋朔日賜進士出身中順大夫知寧波府事雲間沈愷撰文同知胡樸通判王瑞立石

沈愷字舜臣號鳳峯華亭人嘉靖己丑進士出刑部主事出守寧郡後擢參政尋以養母告歸有環溪集

胡樸蘇州舉人後陞寧波知府 王瑞江夏舉人

先徵君古蹟辨

或以孝子爲鄞人郡祠乃其故宅蓋以慈母墓在郡城西南故耳然孝子墓在定邑

卽鎮邑

靈緒黃楊與豈卽爲

定人耶古人卜兆安厝各從便宜豈容拘其墓道擅改古蹟況郡祠始於國初遂目爲故宅其謬尤甚歷考漢唐宋元孝祠皆隸本邑文獻足徵後人徇己見以汨本原慈溪之名奚取又因孝子曾汲大隱水養母遂誤大隱溪爲慈溪慈溪見在闕湖上流乃孝子舍旁所涌之泉時人以子之孝著母之慈名其水曰慈溪與大隱溪相距三十里以隱爲慈何其妄哉唐房太尉以慈溪名

純德齋編卷六上

記序

三十四明叢書

約園刊本

縣宋楊文元以慈名湖皆取溪與治與湖甚近爲信而有徵若取遠隔三十里之大隱爲典故亦屬何謂此數條皆孝子古蹟所關予不可以無辨萬曆四年丙子春二月旣望裔孫宗原謹識

重修慈母墓記

我六世祖漢孝子純德徵君母敕贈賢淑夫人姓黃氏世居大隱村或云卽秦四皓黃公之後其墓在郡城西南五里許歲久不修父老過之有流涕者嘉靖壬子冬率族弟養重從姪琴川抵郡邀鄞之白坡道東兩族祖

謁墓屬鄉之耆老守廟者謀封治之耆老皆踊躍願從
事越月日若堂若斧巍然赫然其前後左右環樹以木
明年癸丑三月郡太守孫公宏賦聞而義之特嚴樵木
之禁立碣墓上題曰漢敕封淑德夫人墓載之誌乘於
是數千年華表慶重光焉詩曰孝子不匱永錫爾類不
益信哉獨是譜牒歷載孝子父母合葬邵南而鄉人每
稱慈母墓此亦以夫人題碑殆緣孝子被旌以復母仇
顯故耳又慈母封號向以賢淑稱而此獨改題淑德豈
其時未及呈送宗譜而孫公自以己意擬之歟或別有

純德堂編卷六上

記序

三四四明叢書

約園刊本

所據歟余維譜中無封典特敕孝子永元延光一詔亦
不及贈母事爲屢索賢淑來歷而了不可得近叨修譜
之役徧覽舊帙如吳越寶正間承世傳滯爛過半宋淳
祐年宗譜破損敕命數頁其詳旣不可考我高高祖肇
峯府君永樂族譜大父逸齋先生正德家乘雖列賢淑
之名而不具封贈年月偶於琴川姪處敗篋中檢得元
泰定時世德錄一編此書係深山翁諱鼎者所輯內載
延光詔書有曰今特敕爲孝子立祠故居篇末又云其
母黃氏可贈賢淑夫人乃永樂譜於敕爲孝子句誤書

敢封孝子而脫落末後加贈賢淑語夫孝子非爵何得
言封夫人之命奚敢意造賢淑之號確有實據世德
錄所載的係原文而永樂譜脫誤則修輯者之不慎也
然余又聞先大父嘗言肇峯府君修譜最爲詳慎倩名
手楷書大費筆札可知當時原有繕寫之人則誤書脫
落咎固不在肇峯府君也噫自有永樂譜而先大父續
修因之卽余近日重輯亦因之矣不有世德錄何自知
敢贈賢淑之來歷乎抑念慈母墓向有碑題碑者譜載
晉內史孔愉一云宋縣令盛公次仲莫審確實又不

純德彙編卷六上 記序

五十四明叢書

約圖刊本

紀所題字樣或係賢淑或係董孝子母俱未可定總由
墓沒蕪葬石就弛泐故至此然則葺理塋域誠要務也
哉余用是於所輯譜雖不及改特改定墓說爲記以誌
夫人封號之實兼誌孝子父母原係合葬且集鄞慈兩
族諸賢酌定每歲三月三日復拜掃禮使墳墓不致荒
蕪而并使後之閱永樂譜者有所考焉萬曆四年丙子
十二月朔日裔孫宗原謹記

我從父名溪公以隆慶四年庚午任修譜之役至萬
曆元年癸酉告竣曾撰慈母修墓說登諸譜中越二

年乙亥子檢祖父遺籍得世德錄送覽公得之甚喜
丙子冬改定所作墓說爲修墓題名記因譜先成書
不便追改然擬徐圖之而次年夏公遽不祿傷哉子
故綴數言於篇末以爲考古者之助己卯中秋日從
子德彰書

孔愉字敬康山陰人歷官尚書左僕射出爲會稽內
史 孫宏軾字以瞻四川資縣人由進士官寧波知
府 德彰字价夫號琴川

鈞按此名溪公定本篇末有琴川先生跋語族寅軒

純德彙編卷六上 記序

三 四 明 叢 書
約 園 刊 本

翁爲載入清嘯編凡五卷多紀先世遺文軼事前予
輯譜時得四卷用資採擇茲復得一卷而此篇存焉
於以見三君子有功祖宗不淺矣

純德彙編卷六下

六十世孫華鈞重訂

記序

徵君遺像記

頃以上命轉秩予告有持徵君像來閱者上有宋錫純德誥命宋裔孫應文重鐫唐刺史崔殷碑文輒喜躍肅瞻之曰是所嘗夢寐思一覩之者也家從慈徙鄞譜乘在焉舊有像失於炎燼世且累以爲搯腕今幸觀之其降自天乎抑徵君靈耶噫徵君憤王寄毆母致死枕戈

純德彙編卷六下 記序

一四明叢書

約園刊本

歷年終其母畢葬而後剗刃行事錫類哉孝通於天自漢迄明祠祀不絕也炯炯遺像不時在天壤閒耶今覩其像魁梧雄爽而又雍容半面有儒者風微露一指楮墨完好且誥命碑文遺像三者總合幸以弗失中更風雨水火廢興流遺不知其幾而無恙至今又落他人手凡幾歸我四明隨其所售何之不可而又適歸於我我宗幸哉徵君靈哉其有鬼神呵護焉而又有使之來者與然孰非徵君靈耶輒購之識以歲月俾覩像興感咸有同思且命兒輩曰覩徵君像如睹徵君又如獲我心

也兒輩善守藏者謹奉貯之爲世世崇祀其毋褻且怠
萬曆丁亥冬日五十二世孫樾敬識

樾字子亨號羣吾鄞人萬曆丁丑進士歷官四川按
察司副使

先徵君復讎贊書畫像後

孝庸行也而我先徵君行庸於奇行奇於庸復讎大孝
也而我先徵君必行孝於讎不奪讎於孝當其含哀抱
痛與奇不共戴天不滅此朝食何安哉乃枕戈者歷年
何濡滯也念我有母彼亦有母終其母畢葬然後行事

純德齋編卷下

記序

二四明徵書

約園刊本

錫類哉詩早言之矣第在寢處時一腔憤冤陰岑風雨
之辰躑躅星月之夜噤不敢發濡忍後時牀頭刀啣啞
作鳴聲豈徒事鞅鞅者迨一旦白日厲刃青霜拂華斬
寄首祭母墓前語不文而其文千古其事千古其心千
古一何壯也又何快也人有言此天以孝行成徵君得
及其母死又得及寄未死愚謂徵君讎不報身必不死
卽身且死必有以處死如聶政爲姊毀面史鮪爲君陳
尸卽寄先其母死必有以處其母或終其母戮其尸肆
市朝焉必無汶汶也惟其有殺寄之心自矢天日不洩

子鬼神既堅且默以忍以舒事乃克濟設一不戒而爲
寄反噬坐殺人罪將何以自鳴其冤此非激烈難從容
難也非從容難祕密難也非祕密難必遂志難也徵君
刃不發發必中其心純其志一其氣定矣且徵君江都
公六世孫以春秋世其家復讎正春秋大義也太史公
儒林傳世世爲大官徵君矢明大義不受徵召與世之
倖倖負義不集事或蹈白刃或糜爵祿者霄壤遠矣矧
其行奇又惟在中庸也晟也生世心傷慕我吳天罔極
嗟何爲人幸屬在裔孫及見遺像且家乘展所志也併
志之鄞邑後裔大晟謹書

純德彙編卷六下 記序

三四明叢書

一約圖刊本

大晟字揚明號敬輿庠生著有易圖說洞天諸賦嘯
廬集半樓居士集張尙書東沙屠儀部赤水爭重之

董孝子廟新修記

寧波府治南六十步有漢董孝子廟孝子名黯字叔達
江都相六世孫句章人也少孤獨與母俱百順咸聚鄰
人王寄者富而無行董母與王母相見各言其子而寄
病之毆董母孝子歸而母方蒙被臥孝子跪請罪母曰
無他也我失言致寄辱也因不起孝子哀毀畢葬終不

言報讎俟王母卒且葬手刃寄以祭而自詣官請罪事
聞和帝釋弗誅加旌焉又辟爲郎中不就卒初孝子母
病思大隱溪水孝子以遠不能致徙居之母愈乃歸舍
旁突有泉涌成溪後人以慈溪名縣云漢延光三年敕
命卽其故居祠之唐大曆間刺史崔殷修之自爲記宋
祥符間賜孝子號純德徵君建炎初令林叔豹慶元閒
令朱堂成修其廟我洪武初敕封爲董孝子之神命有
司歲以六月六日致祭用特牲於是遷其廟於郡治南
卽今廟也并設母像於堂西偏正統二年守鄭塔修其
廟國子祭酒陳敬宗爲之記今萬曆閒守蔡公貴易謂
神母處殿偏非禮謀於鄆令周君之基首斥錘買鄰民
地而節推張君似渠捐俸拓新之其後海憲丁公此呂
吳公鴻洙守吳公安國倅黃君鍾會別駕施君朝恩令
華君士標翁君憲祥相繼成焉一貫爲之記記曰昔之
祀典嘗濫矣明興高皇帝秩正百神於吾鄉獨祠孝子
夫孝常德也循陔戀闈無他異表見則莫駭而傳孝子
之傳以殺寄異也雖然曷異焉古人之行非其時而偶
值其難則異當其時而無所事難則常偉而當亦常耳

不嘗可以闕一時而不足以傳萬世今之傳孝子者偉
孝子之處寄母有道矣吾有母人亦有母快吾母而不
顧人之母令勞無所依以死錫類推恩道不如是隱忍
以葬人之母而甘心焉然則寄母固孝子養而孝子葬
也此所以爲孝子重也顧是未足以旣孝子余謂若孝
子者可謂當而無瑕矣而世未有明焉夫報讎之說禮
雖著之節俠則名之而上者不載於令急私忿而藐其
公則下無王曲鄰人而置不問則上無王皆瑕德也若
孝子則當而不可瑕何則毆人至死法應死寄之當辟

純德彙編卷下 記序

五十四明故書

約國刑本

也久矣第不檢不可坐而檢非吾忍於是而聽之有司
必以疑輕而吾終有不報之冤故寧以身易寄死而無
煩有司非輕其上以爲不能爲吾殺寄不可以殺寄所
之上故也然則孝子何獨善處寄母又善處法無憾於
親而有辭於君矣是故其救我也可生其祀我也可享
蓋余少而豔孝子事索之漢史無有時則妄以爲漢如
孝子者多而史不暇故焉旣讀張敏傳而悟其緣當是
時有人侮辱人父者其子殺之朝廷赦其死因定其議
以爲輕侮法而敏駁之以爲開私殺之路除其令豈以

是格孝子故不傳耶不知寄有死罪不止于侮辱孝子
殺死罪人與殺侮辱者異非不願聽之有司而勢不可
不爲私殺孝不忘君正足傳也和帝方用敏議而於孝
子又宥且徵之亦可謂無頗刑無失賞矣史於是乎失
書余恐後之人有孝子之心而失其中行輕殺人以快
其父母之私而卒不免於吏議則謂孝子之事不可法
否則謂後世無漢吏之厚而不咎其講之不精也故闢
之萬曆二十二年夏日賜進士第資善大夫禮部尙書
兼東閣大學士郡人沈一貫撰

純德彙編卷下

記序

六四明叢書

約園刊本

州民林芝書丹并篆

山陰朱文相鐫

經歷李春輝

知事羅煒督工

義民柯模立石

沈一貫字肩吾如蛟門人隆慶戊辰進士歷官大

學士卒贈太傅諡文恭 林芝字仙客號半士鄞人

工書法

鈞按徵君之爲慈人樓宣獻記已確鑿言之此篇以

爲鄞人以在鄞之廟卽故居皆沿舊志之誤故特據
實改正若照原文則竟以林叔豹朱堂爲鄞令矣
石刻作三十二年甲辰立石意二十二年撰文而立
石遲十年耳

張司理修董孝廟記

夫理芻劇摘伏洞幽鋤姦剔蠹振竄整頽才激於驚
飈威厲於迅雷智晰於觀火惠馳於奔泉斯謂之集事
之材非致理之要昔人稱移風易俗使民回心而向化
其言似庸無奇世之驚標赫名高者不屑徐之而精貫

純德彙編卷下 記序

七四明叢書
約園刊本

金石化疾桴鼓標赫名高者卒讓焉若我司理巴蜀張
公元訂其知務已我句章郡在東漢時有董孝子殺罪
人以報母讎因已母以及人母報母以敦倫必俟其人
之母終以廣孝不聞之官以行志不逃死以存法其事
盡善其德不瑕是萬世爲人子之標的也語詳具沈肩
吾相國記中郡治南故有祠祠正殿偏隅有神母殿已
則正殿母乃偏隅非孝子心亦非邦大夫所以崇奉神
靈意司理張公乃慨然捐俸屬普陀沙門性能移建神
殿正南其上創一閣供觀音大士而下奉神母工旣落

成過者肅然動容曰善哉張公以孝爲理人知公以孝爲理而不知公故自純孝公有母太夫人春秋高巴蜀距越國幾萬里不能奉版輿官舍公晨夕矯首西望白雲亭亭起峨眉劍閣潸然涕洟每驅車過孝子祠輒蹶蹶心動遇太夫人輒揆日必登孝子祠焚香肅拜太息曰君有母不難劊刃讎人以七尺報吾有母乃以升斗祿故越在萬里外而不得承歡朝夕君能以七尺徇其母而吾乃離吾母以徇其升斗吾低而愧焉是吾之所以慕君拜君也嗟乎公詎漫游蓋身有王事焉而中懷

純德彙編卷六下

記序

入四明叢書

約園刊本

軫結若此孝純矣公愼嘖笑嚴取子其裋躬也莊戴星霜沐風雨其勤事也恪塞弊孔照蔀屋其洞物也察平肺石清豻狴其拊下也慈是皆公之理而非公之所爲理也夫考叔遺羹則樂徵於大隧仇香爲治則俗美於省刑古人其知本哉語云事親孝故忠可移於君公孳孳治理下寧黔首而上慰母氏靡非孝之所發也他日者侍禁掖立青蒲謦謬批鱗丹忱悟主靡非孝之所廣也昔祥覽至孝盛德爲晉名臣其後王氏衣冠之盛甲江左蟬連世代剖判未有要自孝友一節醞釀培植卽

淨明忠孝至人所繇登真度世亦率是道矣不佞有母
今年九十有八不能立名砥節以光榮吾母至承顏養
志朝夕祇慎罔敢失墜感公純孝能無爽然公名似渠
字元訂己丑進士蜀之巴縣人郡侯姑蘇吳公安國邑
令常熟翁公憲祥慈谿令江陰顧公言奉化令進賢樊
公穀定海令丹陽丁公鴻陽象山令華亭倪公甫英咸
助工役例得竝書隆旣爲之記又作頌曰

張仲孝友實囊穹蒼上庭緯宿是爲文昌梓潼開蜀世
氏四張七十二化弧矢四方煌煌蜀郡公挺靈哲秣馬

純德彙編卷六下 記序

九四明叢書
約園刊本

脂車來理於越母也弗東定省寥闕巴江迅湍蜀山斗
絕陟屺遐思瞻雲軫結郡南有廟孝子是崇過而感悵
淒雨以風母仇當報遑恤其躬我之有母迹如轉蓬遺
鮓莫致緘鯉難通仰愧孝子我心忡忡爰禮其像爰葺
其宮純孝芳躅繫維我公萬曆二十二年甲午五月五
日賜進士第奉直大夫禮部儀制清吏司主事郡人屠

隆撰文

同郡布衣林芝象額并書

鄞縣縣丞冉藝督工

沙門性能立石

屠隆字長卿號緝眞又號赤水鄞人萬曆丁丑進士
歷官郎中酒罷歸以詩文自豪

鈞按前輩成說豈後人可擅翻況名筆乎然如陳文
定沈蛟門諸記必須正之不得已也若此篇則固不
改一字可知鄙人原非好易原文矣 石刻亦作三
十二年

書董孝子傳後

宗元燥髮時側聞吾邑有三孝子而董君尤赫赫云迨

純德彙編卷六下 記序

十四明叢書

約園刊本

考虞功曹之對曰句章董黯怨親之辱白日報仇海內
聞名似猶未旣孝子隱衷也夫子報視仇第常分此非
其難者惟是因母及母飲恨忍痛於數年後俟其母終
服闋而後奮刃一呼斬寄首以謝母家此豈匹夫忿忿
決命仇讎一旦爲愉快者乎沈晦俟時如其智果敢除
兇如其勇殺人子而完人母如其仁三達德具是矣方
彼朱恭明之仇父及子與穎考叔之遺羹悟莊孝實倍
之此爲難耳至其徵議郎而不就寧痛母以終身則喪
愈隱而用愈藏尤難之難哉廟號純德不虛耳今上萬

曆戊戌歲神母見夢司理甫竣後寢郡城不戒於火四面俱燼而廟寢巋然獨存彼夫濯濯英靈越千百年猶然手刃寄時也祝融回祿亦謹避之嗟嗟孝子洵靈異哉詎惟孝子異併其母抑又異已萬曆甲辰歲春三月邑後學陳宗元敬書

陳宗元邑人庠生

董孝子祠父母追祀碑記

董孝子名黯字叔達江都相仲舒六世孫古明之句章人也孝子質行具郡乘中唐大曆閒刺史崔殷嘗修祠

純德堂編卷下 記序

十二四明叢書

約畧刊本

作銘與吳虞翻之贊稱竝雋迨宋建炎初令林叔豹載葺之慶元二年令朱堂始倡爲祀我明洪武初敕封董孝子之神著令以神之誕辰六月六日命太守率其屬修祀事焉當是時孝子祠新建郡治南而母像在郡郭南睽離非孝子意也郡人因迎其像處之西偏萬曆甲午司理張公似渠顧瞻神宇謂孝子當尊而母偏隅殆於非所於是諭諸當事者設兩特座正其父母南面之宮於時祀禮猶缺未講歲庚子今司理毗陵何公莅任節肩其事往公戊戌上春官夢老嫗翩然來下若將報

謝者殊不識所以及爲司理隨太守瞻拜母儼然夢中
嫗也喟曰吾職在風厲一方而乏神贖祀其何以率導
邦人士耶且吾能知孝子之微國家許以不死至足矣
安敢望徵又安敢望祀況乃者忍獨享耶孝子之志明
於日星而其隱衷去之千數百載猶若夢焉何者蓋祀
有專秩有追溯若孝子兩尊人大宜溯也於是謀之其
屬裁省浮費得二十九銖不及一銖之半而牲體具遂
白之當路請於正祀之日先命學官薦獻後祠以附於
古者雖齊聖不先嘗食之義歲用爲常前是廟模頗巨
歲久損於舊觀張公營未畢公以俸先不給繼以贖又
許決責者以力抵凡費十鍰有奇而告竣事公又謂僅
卒初圖耳宜爲祠計其遠非積儲不可於是召買民田
二十畝有奇租每畝二石爲率廩之祠爲歲供置籍屬
之鄞稽其出納其值公斤贖鏹一鎰有奇俾助則鄞呈
二鎰有奇慈谿奉化定海象山四鎰總二鎰其凡員諸
碑陰余寅曰余於是知公之克務大也公司刑者也簡
核五詞豈不欽若而弼成之義或不在是惟昭假皇祇
之靈咫尺章嶠藪之阜毓揚詡舊老之播遺疏晰典章

之倫緯用以蕃百昌集萬若洋洋乎賴福如海荒饑災
沴莫或逢之此之謂大也所篤厚孰與刑多公敦愷祥
雅外溫而內栗不爲則潛思爲則迅發不言而人士信
言而人士服之日也典益光志乃大得式禮而教之孝
觀聽聿興謂公以吉德行美政非耶公名士晉戊戌進
士噉東海之水蓋已五年所祠事凡三大舉胥請之當
路具報曰允蓋當路綦重公久矣萬曆三十二年甲辰
仲冬朔日賜進士第亞中大夫福建布政使司左參政
加太常寺少卿致仕蒙東宮恩進階中大夫郡人余寅

純德彙編卷六下

記序

十三

四明叢書

約園刊本

撰文

州民林芝書丹

縣丞冉藝督工

山陰朱文相鐫

住僧性能立石

余寅字君房號漢城鄞人萬曆庚辰進士歷部郎出
爲陝西督學遷參政致仕

鈞按原文謂在鄞者爲故宅謂廟始於崔刺史謂林
朱二公爲鄞令且於洪武時而謂朱節度錢億迎母

像歸廟俱誤今爲節定二三語

董孝子祠父母追祀碑記

盈宇宙間一氣爾一氣中入者罔聞析者甚精是名曰理君子貴玉賤珉者謂玉石一氣乃石泐而玉貞其理然也夫生民之行曷尙於孝乎本之氣獨先要之理獨至也故曰元氣混沌孝在其中嘗試察之氣一苞塞也孰與孝充一鼓鬯也孰與孝真一感格也孰與孝神凡氣必充必真則誠誠乃神何者氣積而誠矣其徹理也比玉焉純粹精也故玉可貞而人可神論孝者曰庸德

純德彙編卷六下

記序

十四四明叢書

約園刊本

爾奚樂乎以不幸名噫至吾郡董孝子報仇之情棘矣匹夫匹婦片晌寸腸慨激烈遂能貫金石垂光怪今古豔說豈少哉而況孝子事奇而理當浩然正氣塞兩閒扶人紀者耶嚮使孝子不以理自處值母氏委頓不勝痛憤倉卒甘心於逆寄此調人所不及成也與鬪很危親何異又使不以理處人業仇其子違恤其母而庸寢苦枕干隱忍以需迨刃寄自囚而上第屈法釋譴亦已又益之徵孝子際此恫乎增悲矣其匿不就也殆逆睹夫濫觴之弊剖股廬墓噉名而質徵者歟噫吾服膺

夫孝子之爲也慘怛焉周詳焉堅定焉若是其於理焉
徹其至也而後其爲氣也可與配道義而後其事可以
訓其人可以神夫神則人尊耳乃孝子加親焉昔者董
母嗜大隱溪水溪以母名慈而郡俗意爲爲鯉也迄今
赴訟庭者有祈有禳輒奠鯉角崩踵接闈生而以天下
養矣寧神可以後世養乎見童穉入叢祠仰瞬廟貌慄
慄卻步已獨董祠燈夕紛舞娛神社下小兒攀援神座
夷猶肩背摩挲捧擁曰神乃福我亦猶有聚百順之歡
焉民俗雖細匪氣實綿絡胡若是親也君子曰孝子者

純德彙編卷六下

記序

十五

四明叢書

約園刊本

其人也而天矣其神也而人矣至今皇萬曆年復有神
母見夢何公之事何公者郡司理宜興何公士晉也戊
戌成進士在選時夢胥徒十輩伏逆我理一綦縞媪偕
來公詰之汝曹逆罔當媪者何也媪前致詞使君行泣
我土我老婦世鄰解字下使君至自知何公覺而異之
會拜吾郡甫下車睹董祠翼然薄理刑署肅謁周覽始
大駭歎嚮見夢者董母也先是秩祀歲以六月六日其
母像止設殿偏前郡守吳公安國司理張公似渠議宜
正位相與拓地增構奉母後宮乃祀典則未及焉於是

何公曰子雖齊聖不先父食禮也生不逮其親也廟食矣而今尙遺無乃非孝子隱乎咸陟之貺所由警余耳因捐俸繕厥宮辛丑冬如爲孝子竝設父母二像謂祀當著令請之藩臬使者葉公煒王公道顯洪公啓睿謀之郡守鄒公希賢二守黃公樸屬鄞令魏侯成忠編額金具牲醴郡邑大夫歲祀孝子則命一博士先其親上祀焉令旣具謂天敍當記之碑今夫推子及母竝母及父天經地義也抑母神也而若弗幽也顯以編氓戴何公焉民禋也而若弗遐也夙以氣類親孝子焉因物之情制爲之極則父母之祀哉由漢永元歷今千五百六十年已一旦儼然董氏父子夫婦閒離者再合缺者始全此邦兆庶大小稽首若戀庭咳羅拜家慶樂且有儀其於孝子增憚以歆當又何如也敍乃申告邦人曰厚哉何使君追從千百世上親人親也吾誠不忍聞民有悖德當其身不顧父母之養者設有之匍匐于斯有惕已夫毋妄意神順德可媚焉灼知神不可媚則比屋而陰行善以協氣與明神呼吸相通者斯神之福也使君之教也而吾鄉黨父老子弟之慶也萬曆乙巳正月上

元前二日賜進士出身奉政大夫左春坊左庶子兼翰林院侍讀學士郡人全天敘撰

州民林芝書丹并篆

山陰朱文相鐫

縣丞冉藝

主簿王仲煥督工

住僧性能立石

全天敘字伯典號鐵庵鄞少司空元立孫登萬曆戊戌進士選庶常遷編修充皇太子日講官歷學士以

純德彙編卷六下

記序

十七四明叢書

約園刊本

母老乞歸改留都尋致仕卒天啓中贈禮部右侍郎鈞按原文亦沿鄞人之誤今爲易作郡人又誤以大隱爲慈溪姑仍之

董孝子廟志小序

明州故稱丹山赤水閒氣所鍾代不乏孝烈睹郡乘所載虞荔而下亡慮數十輩種種令人嗟異焉然皆聞董徵君之風而興者乎苦心縹緲與海月雙懸浩氣愬陵隨江濤竝涌乾坤所以不朽是誰貽之血食萬世宜矣吾恐耳食不察猥與祝釐禳疹者同類而觀之也爲志

本傳第一

以予觀於孝子蓋純德士豈必以地設邀榮也哉宥可生也全歸之幸也徵不可起也終天之恨也然金書玉版輝映千古有孝子則有二親是又藉以報所生者爲志褒崇第一

締創之來遐矣逾久增麗生氣若存詎獨人力哉禩祥景怪吾儒所不道蓋亦有默相焉邈往事於故居仰遺風於入廟卽狄梁公而在當邇邇不能去乃草創潤色之功輪奐丹堊之跡以存饌羊則掌故不可廢也爲志

純德集編卷六下 記序

十八四明叢書

約園刊本

建置第三

廟委神靈田需經費非莫許久遠也重留繚墉之基雕欄藻井之制神皋輿區之產連鉤錯齒之規又無柰滄桑者何也狐狸穴其墟坦狡兔窟其困筭卽明威赫奕而一時拮据之思無乃委諸草莽乎如有紛更執此以往爲圖籍第四

秩祀何以稱也崇明制也父母何以逮也體孝思也黷於祭祀時謂弗欽邊豆之事不有司存乎牲牲肥膾不致族蠶嘉粟旨酒不害三時玉帛以陳之灌鬯以達之

寅清以宅之齊肅以將之先箚正器左右洋洋英爽穆
淵景光胙饗庶幾嘉德無違心焉爲志典禮第五

祠事洵乎其落成矣覆一簣於前人體同心於兆庶畚
揭如雲毫倪不日其自威靈顯赫實式臨之莅茲土者
敢叨天功乎要以庀材鳩工拓畝儲粟規模遠矣夫亦
上下交相懋勉以繼此緒也傳信有闕卽後之人勤丹
履而力旣茨何所憑而藉焉亦神之祠也爲志文移第
六

駁駭而高揭者其貞珉耶藉以爲揚厲者耶欹崎而礧

純德堂編卷六下 記序

十九國明叢書
一約圖刊本

磊者其晶厲耶藉以爲證嚮者耶青金生額過闕必式
黃絹騰文入廟沾襟仰讀俯思詎繫庭廡一片石也然
石可磨也而終天之恨不可滅雖窮山海之骨能宣萬
一乎爲志碑記第七

古今純孝無若徵君者而其所遭則極人子之不幸也
余讀先後名公所慫而弔者述苦思則晴煙慘淡哆憤
烈則白日回光烏雀儼乎其徘徊松檜闐然而變色誰
則無腸小人有母一唱三歎有不淫淫下淚翹首白雲
者非夫矣第誇月露於篇釋已耶爲志讚詠第八

萬曆三十三年歲次乙巳春二月宜興何士晉謹序

董孝子祠志序

夫屬毛離裏顧汝復汝言罔極也。而咳由庚蓼莪陟岵
先王誠重之矣。虞舜受終文祖傳祀永祚自克諧以孝
始神禹元圭告成保世滋大絲幹蠶蓋愆一念上格玄
穹張仲孝友式昌周道上麗斗魁應化縣遠王氏祥覽
力惇孝弟明德衍慶子姓鼎盛至與六朝終始剖判未
有不寧唯是自穹昊上有孝弟王傳道蘭公感授黃堂
謹姆以及高明太史標淨明忠孝之旨普濟羣靈度世
超劫故云孝道之大通於神明聖筌宰循吏良牧往
往以孝治天下仇香理陳元不罰而化化孝若斯之速
也吏給母病太邱仗劍自起行討討不孝若斯之嚴也
我明州竝海土厚俗龐自古多實行君子孝子董公黯
之行孝也殺人以復母仇必俟其人之母終其天年復
仇之中不忘錫類義正氣平憤而不激緩急合道細匹
夫之諒遵君子之風表世範俗燥彼璘儀德埒泰媪矣
歷代崇祀香火千秋詎不偉哉荆溪何公第進士未拜
官時於燕京感神母入夢比選明州李抵官舍謁孝子

祠瞻神母恍然燕京夢中所見者大駭異其事遂增築
後宮委孝子父母靈復置田增歲祀而後孝子之心慰
矣公性純孝每謁神祠肅然以恭泫然以涕儼然與孝
子陟降左右臨民視事拳拳以孝弟勸化父子兄弟終
公在李百姓絕無有以不孝弟干公三尺也者而又流
矜卹普在宥拯無告澤枯骨親以逮疏仁以廣孝是皆
德之休明李之善物也公命住僧性能葺祠修祀室宇
煥然更纂孝子祠志志祠宇志傳記志詩文志祀田總
之爲千秋不朽計而屬隆序之首簡隆謂孝子之孝與

純德彙編卷六下

記序

三十四明叢書

約園刊本

何公之以孝治郡泱泱大風哉兩足表東海矣於是乎
書萬曆乙巳夏五月午日東海屠隆緯眞甫撰

董孝子述

句章之邑舊矣改而爲慈溪者何以董公黯故也黯孝
子也卽以孝名可矣名之爲慈者何因子之孝而顯親
之慈也母黃氏生於大隱山之陽山下有泉母所素甘
者適於董家浮碧山陰焉相去三十里許山下溪亦有
之然不若大隱泉之甘也母病思大隱泉飲焉遠莫致
之於是就溪築室板輿迎養山不可移人可移也朝夕

之所資汲者得之矣母病尋痊而還忽屋旁泉涌出與大隱泉符鄉人神之謂其溪曰慈溪顧母爲慈母田孝推之也是黯之所以爲孝也乃若殺王寄以報母仇特黯所遭之不幸耳然需徐而曲處之猶有錫類之意焉謂孝專在是乎未也是漢和帝時人也至唐開元閒房公珣爲邑令建縣治於浮碧焉鼎然一新請於朝更名慈溪縣亦以孝風邑人也溪名慈慈名縣黯之所以爲孝者乃益著也自漢迄唐以來縣中黯故有祠敕建也迨洪武初郡侯張琪移入郡城祀焉郡有矣縣屬本源

純德彙編卷六下 記序

三十四明叢書

約圖刊本

之地可獨無耶司風化者念之余故敘其事而述之曰古有章句縣曷改爲慈溪祇因董黯氏賜名專在茲明王以孝治顧名義可思所以董孝子其人是吾慈移祀入郡城若與郡共之且謂母葬鄞豈知溪在慈縣名猶由此惡得泯沒而我聞孝感縣亦借黯爲詞天下有孝子在在願爲私況黯本慈人豈可無專祠縣祠旣已廢修復慎勿遲萬曆三十八年庚戌九月朔邑人秦應鷺謹述

秦應鷺字瑞之萬曆癸酉舉人官新豐縣陞馬湖府

同知進吉府長史

董孝子復讎說兼論廟祀

舊志稱董孝子黯母死不辜未卽報復更念二母相善爲仇人終養終喪計濡忍逾時竊謂此非孝子情也非黯心也非實錄也特志者諛文耳不然則黯爲有司所詰諱其後時詭辭以自解免耳不然則二母云亡不甚遠隔耳又不然則報復藉手卒卒不得當耳藉令鄰母不卽死或仇人先其母死或黯先仇人死皆不可知者也將遂置不報乎毋論不及報卽後之哉孝子之心亦

純禮彙編卷下

記序

三五四明叢書

約園刊本

何能一息處崩裂斬割中偃然視息人世而德怨以市義蔑孝以沾仁必不然矣夫禮稱兄弟之讎不反兵示必死也安有毋讎可久其天者第或勢與時違久乃遂志在孝子固無如何也人因議黯誓報母讎曷不具陳有司律以毆辱殺人之罪而顧以私殺逾時乎豈知殺人者死法也毆辱人致死與殺人者同科亦法也然致殺人者之伏辜其被殺之人非徒死而已必將陳屍原野按之覆之按覆之閒途人所不能睨况孝子哉且庸有勢炙賄成祇令歿嬰再戮存被桁楊踵相屬而不獲

庭堅之一讞者何可勝數此又孝子之所熟籌顧慮者也然則不先訟官者不忍暴露其親之故而聽仇人終養終喪者殆後時之故兩言而黯之心昭然矣余故曰非黯心非孝子情諛文也昔宋高宗以父母之讎國恥垂雪卒用姦謀自壞長城甘心降虜竟底滅亡則重祿位而輕視親耳載筆者爲之辭曰撫義行仁復讎全行其文渾不知義之弊矣吾懼後世愛身忘仇者以黯爲口實特志之以扶世教明黯心兼爲文勝賈者識

按慈溪古句章邑也以董公孝故易今名董母所嗜大

純德彙編卷六下 記序

二五四明教者

續編刊本

隱山泉在城西南三十里舍旁所溢泉在城北稍西二百步廟祀舊卽其故居後移縣治西南百步許故以唐孝子張無擇宋孝子孫之翰配享額曰三孝並奉有歷代聖書非苟而已明興洪武初釐正祀典以孫鏤肝療母雖孝非庸行不可訓裁焉而特詔知府祀董公若張公則令縣侯致祭於是遷董像于郡祠祀之非若育廢莫舉者偷遂落鄉祀其義何居且徒令水木失厥原本過故居者不勝黍黍之悲如報德何如報孝何夫善蓋一鄉一鄉祀善蓋一國一國祀善蓋天下萬世天下萬

世祀一方尸祀寧當以一像故謬承前守意俾歷朝襲其令典桑梓絕其瞻依所不敢知司風化者尙念之哉
贊曰

公之大孝日月經天公之永譽金石長懸公之誠質丹青渝焉公之祀典矢水之原麟生也晚高山在前天且弗違予復何言萬曆庚戌歲長至日後學邑人姜應麟
撰

姜應麟字泰符萬曆癸未進士授庶常改戶科給事中
中以爭鄭貴妃册封及請立元子貶典史光宗立起
爲太常寺少卿卒贈正卿

董孝子廟祀議

謹案漢孝子董公黯世家於句章闕湖之南母黃氏裔出大隱山歸於董生黯而早寡黯長母嬰病思故鄉泉遠不能時致爲結廬大隱奉母就飲母尋愈今永昌潭縣南鄙之龍湫也其旁尙有汲水沙渚存焉卽其遺迹也黯復奉母歸偶廝室旁埒得泉啜之味同大隱人皆異其孝感因名泉曰慈溪漢爲立專祠於靈應廟西宋建炎中改建於慈溪巷尋徙普濟寺西從其故居不忘

本也元成宗朝復遷於徐家巷題額爲三孝祠蓋合張
無擇孫之翰爲三也高皇帝以孫封肝不可爲祠感其
祀止存董張兩公黯母墓在郡南郭外而黯墓則在慈
定界之黃楊奧子孫猶掃松楸於清明節則黯之世家
本邑犁然可考也後郡守不欲偏祀一邑卽府治南立
廟祀之作民觀型也正德十年邑侯胡瓊仰體高皇帝
敕封至意復建崇孝祠於縣署東墻丙辰毀於兵燹專
祠遂廢其後更修郡志乃載公家於郡城題曰鄞人夫至
行卓越鄰女借光况依依母墓公之志也吾邑又何靳

純德彙編卷下 記序

王國朝叢書

約園刊本

之與有惟是酌醴思源祭海先河昔之以慈名溪以溪
名縣蓋爲公志不朽耳而廟仍煨燼之餘一毀不復匱
神乏祀風世勵俗者能無遺憾乎或狃於度地鳩工潔
粢奉牲創始維艱則張孝子祠董公故所同堂而享者
也官司不必加一椽歲時不必增半俎兩公之臭味雅
台千秋之香火可尋姑照先年事例迎主入祠以妥孝
子故土之靈以識本邑不忘命名之意矣後有作者徐
議特祠庶明信昭於祝史而盛典光於邑乘矣是爲議
萬曆辛亥上元日里人劉憲龍撰

劉憲寵字抑之萬曆丙戌進士官太僕寺正卿卒贈工部侍郎

南城新建董孝子廟記

邑以慈溪名本於董孝子也孝子家北湖之溪母黃氏來自大隱溪旁素嗜溪水會遭疾思之甚道遠不時致孝子乃築室就養迨疾瘳歸偶斷土舍旁有泉湧出旋以成溪味與大隱無異是本孝感所致乃善則歸親因謂之慈溪也孝子諱黠字叔達爲東漢時人虞預典錄所謂盡心色養者也不幸與王寄鄰寄富而縱酒行多

純德彙編卷下

記序

三十四明叢書

約園刊本

不順而董母與王母則交相善也一日因王母之問述孝子善養狀本據實無心而不期王母借以諷寄且不期寄不以爲感而轉以爲憾於是伺孝子出而痛辱其母因以不起孝子既葬枕戈泣血思復大懟以王母在不忍俟既卒寄且終喪因斬其首祭母而自囚以歸罪吏不能決聞於朝和帝特詔原之徵拜議郎辭不就壽終牖下人謂孝子之不遽報視寄母如己母錫類之仁也其不就徵蓋以吾罪之不恤其敢因母以爲利持身之正也是皆然矣而要未盡得孝子之心夫孝子始終

心乎母者也寄可殺而其母苟失所或者非吾母之軀
且捧檄而喜以親在也今卽日列三牲而已不逮養卽
欲啜菽飲水而無從則軒冕於吾乎何有繼自今溪水
則自流也而吾親其安往乎蓋大孝終身之慕在此故
溪不謂孝而謂慈然則是人也吾邑可以一日不祀哉
國初高皇帝秩正百神而孝子特命知府致祭因移祀
郡城正德閒前令胡瓊建崇孝祠於學宮側以奉本邑
祀事嘉靖時寇難學宮燬祠亦燼邑之人每嗟瞻仰之
無從而孝裔允升方領鄉薦卽請諸大巡高公舉復其

純德堂編卷六下 記序

天四明叢書

約園刊本

祀旋偕諸弟庠生允茂等建廟於南城以肖像其內規
制宏寬灌獻有所今登進士將之官莆陽來寓請記於
余余惟邑濱東海千餘年來其賢者固盡性敦倫若張
無擇孫之翰諸公咸相繼而起卽中庸以下亦罔不思
自好而恥效王寄之爲則孝子於吾邑其所以風勵者
何遠乎唐令房瑄因移治而取以名縣有以也抑余聞
之源之遠者流長孝子之辭徵以不及養耳茲允升兒
弟幸父母皆健在行將迎養於官且將移孝作忠其光
顯裒大正不可量況董氏子姓與是溪相爲終始異

細承繼美因相祀而衣冠肅穆者亦自此建廟基之矣
卽邑之人聞而興起感恩敦行不怠以上希先哲之休
風寧有旣乎是皆飲水知源亦顧名思義之意也因不
辭而爲之記贊曰

慈溪署縣唐相崇孝改溪爲谿權宜創造失印鑄印永
樂始鑿谿本從谷徵孝益妙大隱谷也水則常遷浮碧
谷也溪則未渺古者谷汲毋乃同道泉來旣長谷勢用
考本源可溯光遠有耀際地蟠天孝思在抱中庸可能
白刃奚蹈萬世溪流曰慈母好萬曆四十四年歲次丙
辰冬十月穀旦賜進士及第翰林院右春坊右庶子兼
侍讀學士邑人楊守勤撰文賜進士出身朝議大夫原
任湖廣兵備副使邑人韓孫愛書丹

賜進士出身中憲大夫原任江西袁州府知府邑人王
猷篆額

楊守勤字克之號崑阜萬曆甲辰會試廷對俱第一
官右庶子兼侍讀卒贈少詹事

韓孫愛字君博號衷雷萬曆辛丑進士官蘄州兵備
副使

王猷字在吾萬曆戊戌進士官知府

讀董孝子廟碑文

公漢人仲舒六世孫諱黯字叔達事母以孝聞說者每壯其斬王寄首祭母墓下自陳之官和帝詔釋厥罪爲千秋大節余嘗過公之廟拜公之像千載而下凜凜有生氣余每爲之歔歔悲悼徘徊不忍去旣讀碑文而知公之以婉轉暴其直衷也嗚呼子不必同母不必異公之孝溥矣哉余邑自唐改爲慈溪從公之汲水故事也嗚呼爲人子者試一憑弔此溪而不勃勃然思事其親者必未嘗飲此水者也邑人韓孫愛

募修董孝子廟疏

余自領麾以來凡有關風教裨政治者樂爲倡飭況百行之原觀勵所本者乎郡署南二百步有漢董孝子祠孝子諱黯字叔達郡志碑銘詳焉當其殺仇報母必俟葬母之後又必俟仇之母死而後殺仇蓋全母之養而併以全人母之養孝思錫類不以殺仇而傷至於陳官請死封職不就無一不合義洵純德哉是以歷代崇之建祠修祀前塑神像後置樓祀神父母我明洪武二年

加封命有司每歲六月六日致祭用特迄今恪恭不輟
顧閱時既久廟貌荒頽正圖鼎新際此五月一日鄰火
不戒焚及後樓時居民數十扶其像不能動至神父母
出卽與隨出嗟乎孝子之孝數千年後猶依依膝下洵
純德哉寧特英烈之不泯已也僧宏觀繼美及耆民柯
愛岳等募修前廳後閣上其事於兵憲慨然首舉捐貲
而復乞余一疏余感孝德之靈化俗攸繫且愛人思樹
甘棠尙借大梁載過佇想夷門而至孝遺芳能無永懷
故摹其一二示彝德之同好恥君子之獨爲其登樂助

純德彙編卷六下

記序

三四明蒙書

約園刊本

用襄厥成云爾崇禎辛巳歲季夏朔日四明守林夢官
題并書

林夢官字風玉龍溪人由進士於崇禎十年知府事
興利剔弊值大旱步禱立應

郡城董孝子廟碑記

莫不人父母也指一人以不孝必怫然怒指一人以孝
又心歎焉辭豈孝與不孝出入閒別有兩持中立之塗
可隱庇多人者乎否則堯廷無不孝臣而大舜獨孝名
何以處皋夔孔門無不孝士而閔損獨孝名何以處回

賜然則古之獨以孝名者皆人子不幸者也人子以父母身事父母顏色語笑飲食起居至常也原無可以驚眾動俗惟變當於至難迹處於莫諱於是天下後世莫不聞風感歎而旌揚之尸祝之非爲孝子慰也欲使聞風感歎者各還顧其身而自幸所處則天下後世當無非孝子夫以孝名天下後世非孝子初心而使天下後世因之而無一非孝子又孝子至願若漢徵君董公固已幸而無舜與損之不幸者也觀公母頻述公孝行於王寄母則可知其慈矣以徵君事慈母顏色語笑飲食起居天倫之樂至於相忘公不自知孝名何義天下後世亦不必用孝名公豈不俯仰裕如快然自足而天故變其事以大公名驚動乎天下後世見舜與損之外有幸遇慈親復不幸而孝如此者然公心益不自安矣曰某以顏色語笑飲食起居事母甚常不足使王寄化反至使吾母死某不孝不可與寄共天下然寄固讎又不能讎寄并讎寄母因俟寄母終而後斬寄則公之與寄猶不欲使爲不孝子者卽欲天下後世皆不爲不孝子其欲天下後世皆不爲不孝子意甚慤也詩曰孝子

不曠永錫爾類公之謂也公爲吾郡人郡之廟公不止於此而此在都城通衢往來紛紜瞻仰拜謁者日不翅千百計誰無父兮誰無母兮使各以父母身事父母顏色語笑飲食起居各處其常是公所欣羨冀望而不能傳者世人皆得優游爲之有餘而有不還顧其身以自幸者皆公之王寄也因書之碑而係之以詩詩曰

惟浙之東明山最崇爲生孝子色笑從容處閔所羨慈孝兩逢憲與寄鄰養勿克終仁必有勇赫矣青鋒斬仇報母辭祿避封庶儆薄俗以挽淳風遺廟通衢畫棟高

純德齋編卷下 記序

三 卷四明敬書

約園刊本

龔煌煌雙詔至今蟠龍歲六月六祀潔且豐俎豆圭璧笙簧鼓鐘凡百士庶莫敢不恭微君曰吁各返爾躬予實不幸以罹鞠兇千秋萬祀予愧予恫在室爾姥在堂爾翁攜妻將子夕飡朝饗其忘孝名孝在其中歸各有廟我心融融順治十七年庚子春日同郡布衣鄧山周容拜撰

周容字茂三號鄧山鄞人明季庠生性詠馳不羈以詩文自雄康熙己未舉博學鴻詞辭母老不赴

問性道鄞縣志孝子耐葬母墓辨

我董氏六世祖純德徵君墓在靈緒鄉黃楊輿慈定交
與處一徵之宗譜二徵之純德錄三徵之孝廟志皆無
異同至先達宋應麟明王大任所詠孝墓詩與今溪海
鄉輿亦無不脗合而近世間氏纂鄞縣志於董母淑德
夫人墓下謬注孝子實祠側董氏家乘載黃楊輿者誤
云云夫欲訂正譌說必須參考見聞此條所載所見何
書所聞何氏乃輒自立異說若家之有乘前人創後人
修子子孫孫遞相傳授必有可據況我董氏譜傳之最
遠聞氏不於是取徵而苟行胸臆遽從抹撥此當亟與

純德彙編卷六下 記序

三四四 別載書

約圖刊本

之辨明者也誌云縣東長春門外二里許爲董孝子母
墓自句章返葬於鄞者此也按孝子本句章人始見於
會稽典錄故本傳稱世家句章則非鄞人明甚特母卜
葬於鄞耳而云自句章返葬則誤認孝子爲鄞人矣謬
妄者一長春門縣之南門彼以爲縣東則似指東渡門
爲長春門旣可指南爲東何不可指母墓爲子耐謬妄
者二誌云孝子墓實耐側董氏家乘載介鄞慈之黃楊
輿者誤按黃楊輿係慈定之交界處家乘開列甚明今
其地隸定海而近於慈之東埠非與鄞鄰也彼乃指定

爲鄞正與改南爲東相類使後有修誌者而亦如彼昏庸必將據其說而欲割定地以與鄞移長春之額而榜於東渡反以向呼長春爲南門者誤以黃楊與爲屬定邑者僭矣謬妄者三彼欲實已耐葬之說則引宋舒亶謝翱詩爲證舒詩云御史平囚日郎中渡母年豈碑推筆妙孤冢枕城偏夫孤冢者謂其子然一邱傍無附麗也旣云孝子耐此又何云孤其舒之自註云城南有董孝子墓似爲確據舒集余未見彼可改定爲鄞改南爲東安知其不故脫一母字以就己之妄耶安知其不僞

純儻彙編卷下 記序

三五四明叢書

繪圖刊本

撰自註以售己之欺耶且舒賣黨王安石排陷蘇子瞻是非顛倒士林不齒卽係自註亦不足信況郡邑志中墓無可考又無他書可憑舒亦未必見我宗譜不暇詳核遂臆爲是說何足據也按本傳孝子殲仇告墓攜首詣官有司以聞和帝遣考功郎邱霖齋詔釋專殺罪詔書亦云則當時固未嘗以孝子抵罪待御史之平所遣邱霖特釋其罪非平其囚考功之職亦非御史平囚之責是在廷尉舒詩首云御史平囚日已屬妄說本傳又云召拜諫議郎累徵不起安和二詔亦曰擢爲諫議郎並

無郎中之號卽或郎中不妨混稱而業已累徵不起則不就其職詎得稱其官若渡母橋俗說緣明初徙廟於郡在渡母橋側而南爲府獄好事者謬指廟爲孝子故宅獄爲王寄居井謂孝子建橋渡母與寄母往來亦不知孝子本居慈溪而渡母橋建自宋天禧五年原名杜母與孝子何與雖舒亶時俗說未起所謂渡母當不過指奉飲大隱言然奉母在母生之日徵召在復仇之後而云郎中渡母年似母生時已嘗爲郎中者此句尤無謂以此觀之其自註城南有孝子墓者爲杜撰臆度可知而聞氏反奉爲不刊謬妄者四誌又云謝翱客鄞作董孝子墓詩及避暑崇法寺詩有城南古寺涼生處草色遙連孝子墓句欲以爲據而孝子墓詩但標其題詩不錄於避暑詩亦不全錄此其扭捏牽率欲售其欺人之術者已灼然可見謝所詠墓詩云修修古孝子家移來水傍母病食此水母死葬其鄉殺人自白吏就家起爲郎至今廟下草猶帶食水香味其詩意亦多可駭處其云移家來水傍母病食此水則似至大隱見孝子遺跡而詠之者蓋曰來是去彼而卽此之詞曰此是卽地

而名之之詞若以今長春門外之母墓爲孝子墓則詠者當云移家往水傍母病食彼水而彼云云則可知其非以母墓爲子墓矣其云母死葬其鄉則本云母墓而未嘗及孝子墓也其曰就家起爲郎一若孝子曾應召者亦失於不考其曰至今廟下草者亦第言其廟不言其墓豈得引以證祔葬之說而閻氏不載者正恐起人糾射特沒其文也就謝詩言之先言來言此中言母葬未言廟忽而指鄞忽而指慈若以爲專指鄞不當言來言此若以爲專指慈則大隱無墓無廟支離掇拾吾所

謂多可駁者也至以飲水爲食水殊不典而結語猶帶食水香亦太草率大非晞髮木色其避暑全篇云城南古寺涼生處草色遙連孝子墓棋局雨生苔蘚文袈裟晴挂芭蕉樹自昔闍黎修白業曾公惟與舒王接只今塵土影堂空石上猶鐫麻紙帖今考之郡邑志城南不載崇法寺其故址亦了不可考惟母墓北二里許有永福庵墓南數百步有祖關庵皆小屋數楹竝無所謂麻紙帖鐫石遺事且所云草色遙連孝子墓者或亦用以起句趁韻豈詠墓乎但孝子墓三字實不可解故閻氏

據以爲證然第云孝子而不言董孝子得非別有一孝子耶夫城南旣無崇法寺與麻紙帖石故迹得非其遊歷四方別有所謂耶就使其詩的作於我鄞城南則有崇法寺孝子的係董氏而所謂孝子墓者亦見墓側有孝子廟誤以孝公墓爲孝子墓耳蓋謝翱以閩人偶過此耳食其說率以舉之於口何知後有無知者遂於此徵信也矧古今文人詞客往往有割裂經傳截截姓名以就其句之穩便者如稱孫爲貽厥兄弟爲友于司馬長卿爲馬卿班孟堅爲班堅如此等類不可勝舉後之

純德彙編卷六下 記序

天開明 張書
約園刊本

人何不疑相如爲姓馬班固爲單字堅耶是可知舉父之詩或故去母字以就句亦未可定總之舒謝二詩皆無證佐或因傳聞之譌或以意想而成而聞氏據之反謂我二千載相傳之譜爲誤此癡人前說不得夢也謬妄者五誌又云明嘉靖癸丑郡守孫宏軾惟以淑德大人題碑失於考耳按孝子列傳不載漢史郡邑歷代志書及唐刺史崔殷以下撰刻碑文皆不言孝子墓間有及母墓者亦竝無耐葬之說則題碑者安得妄自立筆以取附會之咎哉夫彼以孫守爲失考必自以爲得考

乃所據者僅僅一二浮游影響之談卽彼之詩已百孔千瘡而反借以哆口前人謬妄者六彼又據孝子廬墓時前淚潭以爲生死依母孝子之心則耐葬無疑驟聞其說似乎有理而其淺陋益於此可見試思古來聖賢如孔子如曾閔如黃香如姜詩王祥輩事親何如孝而孔子父母合葬於防孔子則葬魯城北泗上其耐耶非耐耶曾閔詩祥輩墓田史誌昭然亦未聞有耐說卽以慈溪三孝子言之孫之翰墓慈志第言在五岳山而袁州司馬張敘墓下則註云在虎脚山孝子無擇耐然則耐者必明言之其不言者則不耐也如必以耐始見孝其有祖孫父子聚處一邱者將不問其生平竟以孝子稱之乎而盛德貴顯垂諸簡冊今其翁仲巍然有不耐者俱可以不孝目之乎當又理之難通者矣大抵郡邑之志與國史表裏信以傳信疑以傳疑孔子大聖尙闕郭公夏五史遷一代史才尙闕景武本紀及書表傳數篇昌黎文起八代之衰尙不敢任唐史事蓋一者虛心一者恐偶失實貽誤後人也聞氏何人乃因管見之偶窺輒欲自矜曰予知何其不自度量也然閱其全志率

皆任意掀翻爲公論所不容子何足與辨第今正道清
墓田事構訟恐斷斯獄者惑於其說故詳核如此不自
覺其言之瑣屑也已康熙辛巳穀雨前三日遷鄞第十
代孫正國沐手撰

正國字次歐號南岡廩生著有棄餘草

鈞按篇中所言定海卽鎮海也所云諫議郎考功郎
尙沿舊說又崇法寺卽今祖關山荆公麻紙帖見文
集中語亦不覈因文勢已定不便改易姑仍之而附
其說於後

純德彙編卷六下

記序

四十四明叢書

約園刊本

書張東沙嘉靖寧波府志董孝子傳及廟宅後

孝子始終慈人非鄞人今之慈溪漢之句章也吳虞翻
答王景興曰句章董黯其言旣可信唐開元末遷句章
舊地置慈溪亦謂孝子世居句章闕峯下而闕湖上流
小澗有名慈溪者縣亦因是名焉蓋慈溪卽孝子舍傍
所涌之泉唐刺史崔殷廟碣所云庭出寒泉正指此其
下流折入城今慈溪巷小河是也故巷亦曰慈溪且巷
內林家橋西有井井甃尙存漢篆孝子董黯之井六字
皆確鑿足證非影響含糊者抑念井臨溪溪名慈則慈

溪并非大隱之溪其事又足徵而東沙郡志乃冒孝子
爲鄆人於傳於廟於宅處處曲爲之證反若吾慈之久
假不歸者本不足與辨顧以慈邑開基之賢鑿鑿有據
如此或任其東影西遮藏頭露尾而不一爲抉破則其
欺竟售矣謹條其說而論之傳旣妄改鄆人又仍載立
祠倡祀之林叔豹朱堂竟不知二人之爲慈令其陋已
甚廟則云郡治南六十步唐大曆十二年立是立廟始
于崔記時也而記有環堵已蕪遺記將落徘徊故邑尙
想餘範語則有廟固已久矣且無論崔記之原爲慈廟

純德齋編卷下 記序

聖四明故書

約圖刊本

設與夫大曆以前之廟卽如其說廟亦立於大曆間更
何建炎之立若傳所云耶抑別有廟若慈之三四徙耶
惟慈廟實始漢延光三年詔書命立祠故居者是已在
今靈應廟西唐大曆中崔刺史殷修廟立碣所以有環
堵已蕪之句宋建炎初林令叔豹改建東山之陽在慈
溪巷內紹興末戶曹董鄰攝邑復徙普濟寺西從漢廟
舊址也慶元二年令朱堂更修之以上已重陽日行三
獻禮此載在舊志可考者吾竊疑東沙錯認林朱二公
爲鄆令故曰陋已甚也至故宅下云舊志爲廟卽故居

則黯本鄧人虞翻謂句章者據徙居言而崔記仍其謬
至陳文定公敬宗記廟始表爲鄧人夫文定慈人其云
孝子鄧人誠誤而東沙卽借以折服吾邑人一若孝子
之非慈人本出之慈人之口非吾意云然者術固巧矣
然不知先是朱堂修慈廟請鄧人樓宣獻公爲記敘孝
子句章人慈之祠宇卽其故居并歷敘唐宋修葺至
朱君更闢而新之邑人酌奠落成甚詳且悉以此折服
東沙不知又何說之辭然則謂廟卽故居者爲慈言而
慈志第言建炎立祠者紀近且志徙建也然吾慈正德

純德彙編卷下 記序

聖四明叢書

約園刊本

志不載崔樓二記諸涉孝子事復語焉不詳又於大隱
溪慈溪明明兩處者而混以爲一遂使東沙得以騰其
說而後之修郡邑志者皆本之大抵因陋而已不能有
所更正亦不容有所更正致先賢名跡磨滅而不傳豈
獨孝子已哉要之若東沙於孝子無預而如欲私爲己
有者乃不憚曲爲之說寧子孫於其祖宗顧漠然視之
而不加顧恤乎有孝裔平一氏華鈞年少耳而畱心先
德往丙午夏嘗過我於琴園書屋語及孝子事熟誦如
小兒背千字文已復以純德錄來更得所未見者今予

繆承誌事偶翻東沙舊本爰書其後以示邦人兼告董氏云雍正八年庚戌初夏邑後學琴園居士俞聲金敬輯

俞聲金字殿齋歲貢生

鈞按冒孝子爲鄞人思翻虞崔舊案本寶慶四明志其誤在胡判府謂廟卽故居指林朱修祠爲鄞事本成化寧府志其誤在楊博士皆非由東沙也但東沙素號宏博儻明知其誤而強證之固失之誣或不知其誤而順承之亦失之疏其咎誠不容辭琴園此論

純德齋編卷六下

記序

聖四明叢書

約園刊本

洵爲老吏斷獄手然在鄞意東沙蓋不知非故也琴園歷爲指駁而不及所由來殆亦非暗寶慶成化二志抑儒氏新廟志亦載此篇而爲之刪繁就簡愚意不如原文詳盡故仍舊云

臨允徵君遺像記

嘗讀六世祖漢孝子純德徵君傳未嘗不掩卷流涕想見其丰采必有大過人者旣閱告墓遺文詞嚴義正而情理尤爲曲盡益躍然神往急思一覲以爲快案舊譜載遺像一一正容一側相正容爲壽終日所圖側相爲

被徵時所繪俱幅巾深衣迨宋建炎中金人兵擾失側
相一幀元末而正像復災於火故老累爲傳述羣相搯
腕嗚呼是誠千古之恨也鈞弱冠入郡就試偶過族祖
筆雲先生齋道及祖像不勝浩歎先生微笑曰吾祖生
爲孝子歿爲明神英靈徧天壤肯令儀容作尋常淹沒
耶因述乃祖萬曆間有捧像求購者一展閱問其人卽
不可蹤跡此非徵君在天之靈仍舉而歸之子孫者乎
爰奉像出示上列宋章聖錫號純德徵君救書下有祥
符二年裔孫應文重鑄唐刺史崔殷碑文其面偏左若
佇立狀微露一指楮古且敝而神彩赫奕猶生其爲建
炎所失者無疑矣得一瞻拜大慰夙懷從此優見愾聞
時形寤寐忽忽二十餘年矣今壬戌夏同族兄泮生買
棹抵郡告諸尊長倩工臨摹其修眉炯目隆準大耳方
口疏髯一本原圖若豐偉鬱秀精神隱躍亦較舊無殊
懸之家廟庶使故居遺甬均得瞻依焉抑念先徵君孝
德純懿炳烺千古國有志郡邑有記廟有享見者無論
遐邇多致敬盡禮不敢褻或爲論贊歌詠以志景仰若
欲生吾祖於齒頰也者況後裔乎且此像由漢迄今傳

之最久茲幸失而復得其與遺傳遺文竝不朽乎然尤願族人善守藏焉詩有言子子孫孫勿替引之尚慎旃哉乾隆七年壬戌孟夏二十一日六十世孫華鈞敬識

董孝子墓柱記

輿地碑目引祥符圖經云德安軍孝感縣北一百三十里晉孝子董黯家焉故後魏大統十六年改爲董城有墓碑然今慈溪亦有董孝子墓徐浩所書碑尙存可考按吾郡孝子乃漢人事見會稽典錄而產德安者乃晉人也古今人物同姓名者極多同姓名而同行者惟

純德堂編卷六下 記序

聖五四明叢書

約副刊本

此兩孝子爲然但漢有兩王商皆戚畹則同姓名而同儕有兩京房皆經師則同姓名而同業且又皆同時者今兩孝子相去遠不足奇也獨是古今孝子亦多獨此兩君者一以董名鄉一以董名城一以慈名溪名縣一以孝名縣若有無弗同者此則董氏之佳話已乃爲題其墓柱之石至孝子墓在鄞不在慈徐浩碑在廟不在墓圖經所志有誤者蓋未及致詳耳又按陳思寶刻叢編云德安之董城乃董永也更識之以備考乾隆九年歲次甲子季秋月穀旦雙非山民全祖望記

全祖望字紹衣號謝山鄞人乾隆丙辰進士選庶常
忤當事罷歸

鈞按孝感縣誌載命名之意本董永感織女事孝友
傳中絕無晉孝子董黯其人墳墓一條雖載城北百
三十里有董黯墓然不言晉人查晉書孝友傳亦無
之則圖經所載似爲失實獨是誌於流寓內載有漢
董黯字叔達句章人仲舒六世孫爲復母仇斬王寄
被徵不起嘗游寓於此今城北有墓云云夫先徵君
廬墓終身卒葬鎮海黃楊輿曷嘗流寓孝感而城北

純德彙編卷下 記序

四六四明叢書
約閱則本

復有墓哉大抵孝子仁人每思景附稍涉影響便爲
援引城北之墓安知晉無其人圖經所載或亦實有
所據意修誌者因見無傳而與我徵君同姓名遂附
會徵君爲流寓亦未可定謝山旣據圖經謂孝感之
名由於晉孝子董黯又引叢編以董城爲董永說立
兩歧迄無定論固不足與辨特其掉弄筆鋒以炫人
耳目使我先徵君確鑿葬所莫知折衷爲可恨耳先
徵君墓在黃楊輿舊譜載之純德錄刻之宋元來名
人詩文多詳言之乃圖經以爲慈溪亦有董孝子墓

因誤同蕊泉纂鄞志輒引舒謝二詩謂孝子祔葬母側不更誤乎謝山祖述其言漫不加察既爲城南觀荷拜董徵君墓詩此值兩郊母墓重立碑石爲題其柱而復云墓在鄞不在慈以實其說又未明指墓之爲母爲子爲子實祔母而第混言曰董孝子墓尤可慨也矧此明言徐浩碑在廟不在墓顧於觀荷拜墓詩復有埏道長懷季海碑句季海浩字也則又以徐浩碑爲在墓矣何謝山但知縱筆揮灑不自覺其矛盾若此此等文徒亂人意宜付祖龍惜孝廟志業已

純德堂編卷六下 記序

聖七四明叢書
新編刊本

載入不得不存而辨之 聞氏鄞志載舒嬾堂詩標題作城南董子墓且言舒之自註竊意嬾堂首誤殆啓謝晞髮之再誤歟後得嬾堂文集作董孝子母墓又得楊柳塘慈溪詩選作董君廬墓在文集既明確而詩選尤允當則舒固不誤也誤實由鄞志及謝詩耳第二書俱鈔本尙難憑信姑附識以俟折衷

新修孝子廟志序辨說四條

孝子本慈溪人會稽典錄虞翻所云句章董黯是也而宋寶慶四明志則曰今子城東南有廟舊志謂鄞故居

則歸本鄞人虞氏蓋據徙居言之元延祐四明志則曰董黯會稽句章人而又曰句章今之鄞縣也自二志行而成化迄雍正寧波府志及何司理所作廟志陳祭酒沈相國諸碑記竟改句章字爲鄞爲鄞矣平心而論三國去延光二百年耳而寶慶去三國又八百年董黯塚上之對曰請循其本則鄞固不得與慈爭矣蓋舊志謂廟卽故居者不過因延光詔書卽故居立廟一語而臆斷之豈真有所確據耶且慈邑之廟建於靈應廟西者建炎以前亦既有之慈之人何嘗不以爲故居哉若延

純德彙編卷六下

記序

吳明敬書

約園刊本

祐志以句章爲鄞縣又錯誤之顯然者鄞之得稱句章隋大業中併鄞鄞句章爲一縣故有其名

說見郡人郡志問淵言之

極詳時則徙治小溪鎮今小溪名句章鄉有句章城是也

何得混爲漢書之句章且卽如寶慶志所言則鄞爲鄞慈爲句章瞭然矣何得更增刺謬乎善乎樓宣獻公之言曰前此碑版今不得見矣若董孝名鄉慈溪名縣亦謂之董溪不可磨也故予於是編獨守宣獻之言定孝

子爲慈人

宣獻之集今不存其存於藏書家者皆鈔本多有異子所據則明隆慶間刻之純德錄者

後於錢塘吳氏隸谷山房

見鈔本與此略有不同

孝子爲慈人則故居當在慈可無論已延光詔書云卽故居立祠則慈廟之先於郡廟又可無論已乃諸志之紛紜舛錯傳會特甚寶慶志謂子城東南有廟又云西北距子城五十五步唐大曆十二年立卽其故居而成化志又云廟在府治南六十步蓋卽今廟也亦云大曆十二年立卽故居嘉靖志因之以今廟按之當城之適中卽稍偏西南而西北距城千餘步何其自相矛盾也成化志又引建炎三年林叔豹慶元二年朱堂修廟事林朱皆慈令樓宣獻公撰碑卽應朱公之請乃混爲郡城之廟而嘉靖志及沈相公余太常兩碑仍沿其譌亦已疏矣大抵今郡治南之廟與慈邑南門內之廟均非故居故居之廟確在靈應廟西自建炎迄今皆有沿革可考鄞之廟寶慶志所云當別爲一所若今廟則創於洪武四年改慈祭於郡城之後乃信而有證無容強混者改祭之說成化後諸志及沈余諸志皆不載然寶慶志但言廟而不言祀而宋嘉定十四年慈人張慮記張孝子配享碑已有邑嘗以春秋修董君祀令率其僚而至二語延祐元年慈令烏馬兒修廟亦有俎豆歲設之

語是祭典之行於慈久矣正德十年慈令胡瓊重復祀典其祭章載在邑志明言國初遷祀於郡而邑遂廢享是又左袒郡廟者所不得而爭也惟崔刺史所修迄無定處慈人據宣獻文中元豐開盛次仲嘗書董溪事於碑下一語以爲建炎以前之碑卽崔碑也鄧人據寶慶志今碑簽判韓喆所重刻一語以爲寶慶時韓碑尙存是則非子之渺聞窺見所能洮汰其癥結者矣

大隱溪在慈谿縣西南三十里大隱山而慈溪則今關湖之上流嘉靖志及雍正新志則云慈溪在縣西南三

純德彙編卷六下 記序

五十四明叢書

初編明本

十里舊名大隱何氏廟志亦云大隱溪今名慈溪其實大非也蓋孝子之母本大隱溪旁人歸董氏居關湖之上流母疾思飲大隱泉孝子奉母溪旁就飲疾瘳歸湖上廡舍傍土埆中涌泉如大隱甘人咸異之因以孝子之孝著母之慈名所涌泉爲慈溪是說也慈人秦應鸞劉憲寵皆云然雖亦據情臆度非有明證然有可信者何以知之房太尉徙治關湖旁因以慈溪名縣昔在三十里外公何謂遠涉而取之可信一也關湖下流南邊折入今之小東門其瀨河之巷猶名慈溪巷巷中有井

尙存漢家孝子董黯之井六字若溪在大隱而孝子寓焉與此何涉取以名巷又名井可信二也崔烈史修廟碑曰庭出寒泉正指舍旁涌泉事若大隱豈得云庭出可信三也而其確實證佐尤在楊文元公改闕湖爲慈湖考文元慈湖詩序曰嘉泰昭陽大淵獻築室董孝君祠之西下有湖焉簡曰溪以董君慈孝而得名縣又以是名則是湖宜亦以慈名夫文元一代大儒其言必信而有徵傳言羣言淆亂衷諸聖吾亦安能舍大儒之言而與紛紛者騰口說哉

純德彙編卷下

記序

至四明叢書

約園刊本

孝子墓明以前郡縣志俱不載董氏家乘及純德彙編謂在慈定交界之黃楊輿康熙十九年閩性道修鄞縣志謂實耐葬城南母墓家乘所載蓋誤康熙四十年慈之董氏往黃楊輿清墓道其傍隙地爲鎮邑民葉氏所據當事據閩氏志以地歸葉於是郡西廂董氏之能文者南岡先生正國剝擊閩志無完膚并其所引舒嬾堂謝晞髮三詩亦攻之不已近日全謝山先生作孝子墓柱記及城南觀荷詩皆主閩說又謂黃楊之墓乃洪武中進士董恭禮則奉化人隱於此亦善養母稱孝子死

卽葬焉其說本之南湖董氏家乘然西廂董氏之譜作於明隆慶閒慈董氏之純德彙編宋末已有之原非爲葉氏角訟張本而設其言亦未可遽翻若云洪武閒墓則宋之嘉定中定海人參政應繇已有謁靈緒鄉董孝子墓詩豈恭禮之先徵君之外又別有一孝子耶大抵孝子墓必在黃楊奧聞氏全氏皆過信晞髮一詩而未睹應氏之作晞髮則暫時流寓考之未詳要之諸公皆非有私意存乎其閒也若必尋其隙而以口舌勝之則固矣予故論列其說如右而舒氏謝氏聞氏諸作及南

純德彙編卷下 記序

至三四明載書

約圖刊本

岡所駁正仍附見於藝文焉乾隆二十九年歲在甲申九月九日鄞西廂後裔秉純謹序

秉純字抑儒號小鈍乾隆癸酉拔貢官廣西那地州州判調甘肅秦安縣知縣

論族抑儒新廟志序辨說四條

先徵君慈人也故宅存焉慈溪及遺墓亦確有可憑乃誌乘之舛錯實甚人多惑之明萬曆中本支名溪先生嘗有古蹟辨矣予自譜事告竣卽編輯純德錄一書徧閱巨手遺編廣搜宋元舊誌爲之參互考證各項辨明

庶幾了然無惑矣近歲族抑儒氏續修廟志而過商於
予見所輯稿本以爲多所未見亟攜之去已而書成自
製新序一編并辨說四條一本籍三廟址三慈溪四墳
墓凡予所援引已備具而敘次較簡淨但總辨須彼此
參觀不如予於本項駁正之易曉也然辨說尙有未盡
處爲附論之彼謂虞翻稱句章董黯而寶慶志以爲鄞
人論三國去延光二百年耳寶慶去三國又八百年鄞
固不能與慈乎其言當矣第所謂二百年則非也吳志
虞翻傳權欲通使遼東翻作諫書不敢上爲人所白徙

純德彙編卷下 記序

至三四明 錄取書

續圖 刊本

蒼梧年七十卒而遼東使敗歿權思翻言召之會卒以
其喪還考諸綱目翻之徙遼東之敗皆帝禪建興十年
壬子事上遡王朗於獻帝初平四年癸酉爲會稽太守
適四十年由初平上遡延光纔七十年計王朗問士時
翻已三十餘載矣其初生也距徵君不甚近歎彼謂故
居之廟確在靈應廟普濟寺之西惟崔刺史所修迄無
定處慈人據樓記中元豐閒盛次仲書董溪事於碑下
以爲卽崔碑鄞人據寶慶志今碑簽判韓喆所重刻以
爲寶慶時韓碑尙存非余能泐汰其癥結等語夫郡於

唐無孝子廟崔公所修本屬慈地舊譜舊純德錄甚明也況樓記尤較著乎又徵君璽像下列祥符二年裔孫應文重鐫崔刺史碑文書係八分字若指頂玩其字其楮確係碑中摹搨是徐會稽所書在祥符已無存鄞志謂建炎兵燬誤矣舊譜錄載建炎三年邑令林叔豹重建祠屬簽判韓喆鐫文立碑可知元豐書董溪事者大約應文重鐫之碑至是復不存而韓喆再立之又可知韓喆立碑乃應林叔豹之請而林公所建實在慈溪巷故次年金人屠明州得免兵火雖未幾徙廟普濟寺西

以從故宅仍不越邑內是寶慶志謂韓碑猶存殆爲慈廟言不然建炎之禍合城俱燼而此願獨免耶總之以慈令建慈先賢祠祠又在慈垣而請簽判爲之碑安在必於郡哉吾直以不解解之矣彼謂慈溪現在闕湖上流斷非大隱溪又謂孝墓的在黃楊輿而以鄞志耐母爲非且引宋參政應鑑謁靈緒鄉董孝子墓詩而以全祖望據南湖董譜指黃楊輿爲洪武進士董恭禮之墓爲尤非其立論俱確鑿予於是編古蹟卷亦詳之但若所云康熙十九年修鄞志四十年爭墓田未免蒙混蓋

鄞志以二十二年開館二十五年成書吾宗尋墳結訟始於三十九年三月終於四十二年十月此雖無關重輕而傳信固不可以不覈實噫余與抑儒氏留心祖宗事俱有年矣其務求至當有同心焉卽此四條之復爲置辨亦非示異蓋猶覈實之意也乾隆丙戌歲中秋前三日華鈞梅坡氏謹書

辨全祖望東京雙詔說

先徵君以至孝受知漢帝前後兩詔爭光日月歷數千年於茲矣全祖望乃因不載范袁二史而直指曰僞嗟

純德齋編卷下

記序

五五西明叢書

約園刊本

乎祖望知讀史矣亦知史有未備賴家傳以補之乎歐文忠修五代史嘗病舊史殘缺其傳王彥章也非得其孫睿所錄家傳焉知二子同公死節又烏知譌五百人爲五千如必執舊史繩之是死節者遭彈射也文忠求家傳以徵信祖望覽家乘而疑僞何古今人用心不同如是且祖望不聞其鄉先達沈文恭孝廟記乎其略云予少豔孝子事索之漢史無有及讀張敏傳而悟其由先是有侮辱人父者其子殺之章帝赦其罪因定議爲輕侮法至和帝時敏駭之以爲開私殺路除其令豈以

是格孝子故不傳耶和帝方用敏議而於孝子又宥且
徵之無頗刑無失賞矣史於是乎失書由是觀之史偶
遺耶當以文忠爲心史故遺耶當如文恭之說祖望於
二者何居焉彼又以永元詔有考功郎諫議郎延光詔
有敕封孝子句謂考功郎始於曹魏謂諫議非郎議郎
非諫官謂孝子非爵何封之有是說也徵特祖望以爲
然予自束髮受書心知其非而莫可考訂修譜至此閱
筆者數矣繼閱元泰定開世德錄曰考工令曰議郎曰
敕爲孝子立祠故居始知詔本無誤其誤起於永樂譜

純德彙編卷六下 記序

五十四 明 叢書

約閣刊本

繕寫之人而後世相仍莫爲改正耳然陳明卿太史論
唐張瑄張琇事已稱漢董孝子報仇不死得拜議郎此
亦徵君爲議郎之證不得以誤書一諫字誣詔僞也且
後漢百官志大夫議郎皆掌顧問應對無常事此又詔
書使居言責之證不得謂妄意諫議之卽議郎而潤而
一之也彼又謂嬾堂攻媿諸公皆言召拜郎中蓋言郎
中是則議郎非而詔書之僞自見豈知嬾堂郎中渡母
句感於傳說之譌族南岡先輩已有辨攻媿記初云召
爲郎繼云不知爲郎之詳末云今稱爲董孝郎中廟其

辭存疑未定非實指爲郎中者又乾道圖經寶慶志一稱召爲郎一稱拜郎官亦無郎中之號惟延祐志始言召拜郎中而成化正嘉及今雍正志皆因之祖望何信延祐之後志而不信乾道寶慶之前志更何信嬾堂傳譌之句而不信攻媿存疑之辭且其爲郎爲郎官云者雖不言何郎安知其非卽議郎也夫徵君扶植綱常豈以身後名爲輕重惟是千百年之譜牒前有所授後有所承詔可僞也更何者足以取信祖望無歐之虛心沈之卓識而恣口而談一則曰不通漢制牽合造詔再則

純德集編卷下

記序

五十四明叢書

約園刊本

曰不學之徒妄有炫飾嗚呼亦多見其不知量矣乾隆三十一年歲在丙戌秋九月三日華鈞梅坡氏謹書

附全祖望答董鈍軒祠堂志帖子

徵君祠堂麗牲之石出於先宗伯公之筆今僕又得忝豫訂志事曷勝幸忭惟是祠志之所當摭拾者在文獻此不過多緝前輩遺集便足生色而開卷可訝者乃在東京二詔書徵君事本不見於范袁二史但見之會稽典錄范袁及典錄未載之詔書而忽出於家乘已自可疑然尙未有以指其依託之實也僕核

其文固不類東京人所作而以司馬氏百官志質之則其謬始大著詔書云召爲諫議郎不就按東京有諫議大夫非郎也有議郎非諫官也嬾堂攻媿諸公皆言和帝召拜郎中本未言其爲何郎而東京郎署大抵多爲光祿勳之所屬曰五官中郎將曰羽林中郎將曰虎賁中郎將其下有中郎侍郎以至郎中曰謁者僕射其下亦有郎中皆轄於光祿勳者也其尙書令之所屬則初試者守尙書郎中歲滿爲郎又遷爲侍郎其諫議大夫與議郎雖亦皆轄於光祿勳而

純德彙編卷下 記序

五十四明錄書

約圖刊本

並非郎中不可以牽合造斯詔者未嘗通漢家官制妄意諫議之卽爲議郎議郎之卽爲郎中溷而一之以追贈徵君而不知世有原父貢父其人者尙欲上糾范袁之謬況其質之范袁而絕無據者其云遣考功郎邱霖爲使者亦同此謬考功二字始見於京房傳然非郎名也選曹在西京本名常侍曹尙書世祖更名吏曹而郎署尙未有分職之名郎之以考功得名也自曹魏始也而謂和帝時已有之太鹵莽矣以嬾堂之詩證之則是時所遣者乃御史非郎也若云

延光三年安帝封爲孝子則又謬也東京之制孝子
貞士節婦之倫下詔風厲甚而至於圖畫百城此其
例也若孝子非爵名也何封之有况舊志如乾道實
慶延祐諸傳亦竝不言安帝有此舉是皆不學之徒
妄有炫飾而爲之者惟孝子之師表人倫本不藉此
種掌故以爲重而因譌襲誤之志則不可以不更正
但恐君家子弟驟聞僕言而未之信也敬陳之

晉虞預會稽典錄

摘要

吳虞翻

句章董黯盡心色養喪致其哀單身林野鳥獸歸懷怨

純德彙編卷六下 記序

五十四明叢書

約園刊本

親之辱白日報仇海內聞名昭然光著

典錄載會稽太守王朗問士於

功曹虞翻
翻對云云

附 晉書孝友傳敘

摘錄

唐房玄齡

蔡董蒸蒸宏七體而垂令迹

附 請旌孝子許孜疏

摘錄

晉張虞

孜至性孝友雖蔡順董黯無以過之

附 四明七觀

摘錄

宋王應麟

四明士鄉也董子以孝行著愛親者式其儀型

虞預字叔寧會稽餘姚人官散騎常侍封平康侯著

會稽典錄 虞翻字仲翔會稽餘姚人太守王朗署
功曹後入吳歷騎都尉 蔡順字君仲汝南人少孤
養母嘗出求薪客至母噬其指順心動棄薪馳歸母
壽終未及葬里中災火將逼其舍順抱伏棺柩號哭
叫天火遂越燒他舍順獨得免母平生畏雷自亡後
每有震雷輒圍冢泣曰順在此後舉孝廉順不能遠
離墳墓遂不就事見後漢書 房玄齡字喬言青州
臨淄人歷官尚書左僕射貞觀二十年與褚遂良等
奉詔修晉書以臧榮緒晉書爲本 許孜字季義東

純德彙編卷下 記序

辛四明叢書
一約園刊本

陽吳寧人孝友恭讓初受經於豫章太守會稽孔冲
冲卒任所遠赴迎喪還後父母歿柴毀骨立棄妻廬
墓以培松柏鳥獸馴伏幾二十年惠帝元康中舉孝
廉不起年八十終 張虞晉東陽太守出處未詳
王應麟字伯厚鄞人博極羣書著述最富官尚書爲
時名臣宋亡不仕號深寧叟以見志

鈞按徵君事實得典錄始大著後來崔碑及累朝志
乘多全載之謹錄以迺其始而以晉書兩條四明七
觀一條附後見晉後宋前孝名彪炳不止昭代爲然

也

純德彙編徵言啓

純德徵君名黯者漢時孝子宋帝襄稱史傳三策湖本
系於江都籍隸句章炳遺蹤於闕籬遷居就大隱養母
病非愛清流傍舍涌甘泉感天心斯隆瑞應孝聲四達
旋來鄰母之譽揚如念偏深致啓逆兒之狂悖潛毀孝
母王膏之罪奚辭抱恨終天徵君之念莫釋三年泣血
夜月爲寒一劍霜銜淒風灑恨悼萱花之頓委豈咨濡
怨於片時念寄母之疇依且復稽延於數載迨鄰母之

純德彙編卷下 記序

卷三十四 明 叢書

約園刊本

既歿乃逆子之蒙誅剖心告墓庶雪怨於泉臺囚首鳴
官爰輸情於司牧戮仇人而自擅法固難寬遇聖主之
相原恩誠再造撫膺無憾藉泉石以自甘褒詔頻頒卻
弓旌而不顧以慈名邑仍歸美於所生由德稱君洵垂
聲於不朽崇列朝之殷薦故廟猶存式巍冢之幽魂黃
楊不遠闡摩懿行代有名篇歌詠前徵幸多好句願循
刊之已久蠹蝕重重且舊本之無多豹窺落落鈞自忘
愚魯竊欲重新立意蒐求擬成一帙創分卷軸著爲彙
編之書哀集珠璣共顯徵君之德伏祈諸君子賜之佳

什類吞韓子之丹錫以鴻文書割邱遲之錦庶琳瑯之
滿目倍增先祖之光榮將黎棗之堆雲益厚慈湖之風
俗乾隆戊辰春日孝子六十世孫華鈞梅坡氏敬啓

純德彙編卷六下

記序

李

三
四
明
叢
書

約
圖
刊
本

純德彙編卷六下

純德彙編卷七上

六十世孫華鈞重訂

題詠

賀知章

字季真四明人唐開元中官集賢學士太子賓客兼祕書監天寶三年告歸自號四

明狂客卒贈

禮部尚書

董孝子黯復讎

十年心事苦惟爲復恩仇兩意旣已盡碧山吾白頭

杜

醇字仲醇號石臺邑人隱居樂道爲宋度曆五先生之一

過董孝君祠

純德彙編卷七上 題詠

一 四明叢書 約園刊本

湖環闕麓任清漣古廟塵埋自漢傳劒吐寒芒憤已雪
碑刊軼事墨猶鮮芳名百世留青史至行千年啓後賢
爵祿可辭甘海曲富春耕釣與駢肩

鈞按此與黃東發先生詩俱從純德錄古本錄出新
廟志則從萬曆譜與此稍異未知孰是 古本乃永
樂時先舉峯府君手錄之本非萬曆刊本也

舒

直字信道號懶堂邑人治平二年進士官龍圖閣待制贈直學士

和馬粹老四明雜詩十首之一

御史平囚日郎中渡母年豐碑推筆妙孤豕枕城偏白

鶴空遼沈黃蒿尙蔓延九原如可作執馭故忻然

鈞按此篇詩題尙有小註據延祐志作汝南孝子墓據鄆縣志作城南董孝子墓據舒之鈔本文集作董孝子母墓據烏春風鈔本宋元詩選作董君廬墓諸說各異將誰適從竊思題爲四明雜詩其非汝南可知而篇中平囚渡母字樣又實指徵君事則延祐志固非城南係慈母墓雖志謬添孝子祠側其實孝子未嘗祔葬則鄆志亦非若舒集作孝子母墓其說似確然鈔本未可遽信況篇末執馭忻然乃對孝子言非對母言也於情事亦不合惟詩選作董君廬墓最爲允當但亦以鈔本爲嫌故不敢明註之題下而附其說於後 又此詩前半語病不一說見前卷族正國篇又因篇中豐碑句或疑卽唐徐浩所書之碑豈知季海所書乃崔刺史修廟碑非墓碑也若慈母墓碑本晉內史孔愉所題後經宋縣令盛次仲兼管鄆縣事爲之重書具載舊譜及先正宗原篇並非唐徐浩也然誤認爲季海而形諸贊詠者歷歷有人予不悉正特筆於此閱者當自得之也

鄒

浩字志完晉陵人
哲宗朝右正言

純孝墓

禽穢何知尙母懷黃泉相見豈宜哉向非雅意一抔去
安得迷心中路回自古功名垂日月於今廟貌倚崔嵬
可憐肉食趨朝者冀壤紛紛久已灰

鈞按此篇見李孝謙四明文獻錄語多晦澁所謂純
孝墓亦不指明何所新廟志謂爲率爾之作良然然
名賢筆墨固宜存之

楊簡

純德堂編卷七上 題詠

三四明叢書
約園刊本

慈湖有序

嘉泰昭陽大淵獻築室董孝君祠之西下有湖焉
簡曰溪以董君慈孝而得名縣又以是名則是湖
宜亦以慈名作詩曰

惜也天然一段奇如何振古少人知只今煙水平軒檻
觸目無非是孝思

葉

澄字大著里人紹熙元年廷試第
二官著作郎與修光廟實錄

過黃楊奧孝子董公墓

我陟黃楊奧我懷董孝君懷君君不見冢草裏晴雲

王

休 字蓀渚邑人慶元二年進士官樞密院判以直言罷

過董叔達故居

短石拂荒阡誦君孝行全甘泉潛易地至德上通天
詔再三下承歡八十年草堂遺址在溪水遶涓涓

應

繇 字之道號翁洲昌國人嘉定十六年進士官參知政事以詞翰名世諡文敏

董孝子墓

渺渺靈緒土厥奧名黃楊有漢董徵君體魄厝其鄉
以孝而重地以孝而揚馬鬣松楸裏悠悠思且長

方山京

字子高邑人景定三年廷試第一授承事郎簽書平江軍節度判官

純德錄卷七上

題詠

四四明叢書約園刊本

慈井

古井千年尙著名只緣慈孝不勝情碧煙自好濃霜白
何必溪流擅獨清

黃震

謁董孝祠追和杜石臺先生韻

慈溪一派挹清漣廟貌重新遠近傳天錫甘泉流不竭
仇殲霜刃血彌鮮清風振古漸鄉俗高節於今邁等賢
近耐張公臭味合一堂俎豆果疇肩

謝

翱 字阜羽號長谿又號踰髮子福建晉江人參贊文丞相天祥幕府丞相被執避地以

終

董孝子墓

修修古孝子家移來水旁母病食此水母死葬其鄉殺
人自白吏就家起爲郎至今廟下草猶帶食水香

避暑崇法寺

城南古寺涼生處草色遙連孝子墓棋局雨生苔蘚文
袈裟晴挂芭蕉樹白首闍黎修白業留公惟與舒王接
只今塵土影堂空石上猶鐫麻紙帖

鈞按謝長谿遊地四明嘗棲止崇法寺此兩詩皆見

絕續彙編卷七上題詠

五四册散書

晞髮集但以閩人寓茲土考之不詳誤母墓爲孝子
墓而墓詩尤欠分明族正國有辨及駁正詩另見

孫

庚字君純邑人高尚不仕人稱雪嶺先生桂彥良王植陳恭其門徒也

遊董孝子故宅隨拜瞻新祠有作用杜黃二先

生韻

闕峯北峙水清蓮董子傍居蹟尙傳每溯英豪名豈朽

況如純孝事長鮮雖遭蔑紀豈僧虐

祠故在闕麓卽其宅也爲東鄰普濟

寺僧所焚御幸維風邑宰賢

今邑簿劉公重建新祠於徐家巷

新廟聿成羣

羨慕小人有母亦思肩

烏本良

字性善號春風邑人與弟斯道博窮經史不求仕進

與董懷倫避兵過伊族弟均祥家遂偕謁董孝

子墓

漢家董孝子穩臥黃楊裏世事任滄桑朝朝白雲起

孫子良

邑人

縣治風景

驄馬當年此地過至今民俗尚絃歌山岡負屋成官舍
江渚分潮入市河柳外塵聲隨驛遠雲邊野色上樓多
董溪渺渺慈湖闊千古清風漾綠波

純德彙編卷七上題詠

六四明叢書

約園刊本

鈞按此詩見正德邑志董溪卽慈溪也玩第七句則
慈溪確在北郊外惟與慈湖鄰故句法如此斷非大
隱溪可知且通首鋪敘縣治之景如畫並不涉遠豈
得以遠隔三十里之大隱爲慈溪哉故特載此詩以
正郡邑志之誤

桂彥良

由慈溪歷普濟寺感董孝子作

秋風古寺長松底落日荒祠野水濱富貴誰誇前宰相
孝思還說董徵君

顧

巽

字與權號雪峯邑人永樂壬辰進士官山東參議

董孝子慈人也自祀典移郡後邑遂無廟偶閱

遺傳不禁慨然故作

董公純孝樹綱常廟享明州久愈芳獨念棲神原本地

何年闢土覩龍光

陸

珪

字廷璧邑人宣德乙卯歲貢官遼府長史

出郡南郊過董母賢淑夫人墓

長春陌上草青青慈母佳城獨擅名一滴盈盈杜宇血

千年幽恨幾時平

墓前有漪淚潭

純德續編卷七上題錄

七四明叢書

約園刊本

楊

江

邑人景泰間高士嘗集慈湖志

董孝子

慈邑三孝吟之一

事君爲易事親難孝子名留覆載間一劔復讎天亦快

寸心爲母石同頑遺風凜凜慈溪水高節堂堂大隱山

不獨邑人知向墓樹邊鼻獍也慙顏

張

瓚

字宇器湖廣孝感人由進士歷官巡撫四川都御史天順四年曾守寧郡

祭董孝子廟因賦

綠樹濃陰覆享堂國家秩祀重綱常峩冠象服輝重席
漢詔唐碑映畫廊簷外乳烏晴學語庭前小草暖吹香

平生志在敦風化何幸官臨孝子鄉

魏

偁

字達卿鄞人成化丙午歲貢官石城訓導

董孝子母墓古松爲暴風雨盡壞枝柯賦歎

孝子祠旁老松樹蒼然獨守漢時墓連蜷勢作蛟龍騰
蒼鬱陰蒙鬼神護勝日每出城南遊愛看故物偏遲留
半天涼意散原野五月六月疑深秋歲時世道幾回改
拔地摩空鎮常在能敵連年風雨狂可堪昨夜枝柯毀
夜來颶惡山爲傾蔽牛怪木皆縱橫望中巨幹直不仆
歎息乾坤無盡情

純德彙編卷七上

題詠

八四明叢書

約園刊本

周大昌

字德茂號後溪邑人正德丙子舉人官瑞金知縣

感董徵君遺廟

雨過存亭水滿鋪闌峯回首白雲孤千年遺跡埋荒草
寂歷西風野鳥呼

孫

懋字德天號毅庵邑人正德辛未進士官應天府尹

邑無董孝子廟久矣歲乙亥令君胡公具詳監

司於學宮隙地建崇孝祠奉之予以歸省得

與落成賦頌

吾邑號慈邑由公肇錫名郡方隆特典縣曷少專楹教

孝來賢尹崇祠傍聖庭苾苾靈爽格喜氣洽簪纓

秦

金字懋南號蓀洲嘉靖癸未進士知吉安府忤分宜相罷歸年九十三而卒

頌董孝郎中

大隱甘溪清且漣勞勞汲向北堂前精誠豈料能移地
鷗風由來不共天魏闕已傳來東帛名山長自臥高賢
良三策流芳後又見聲名接廣川

袁

載字安道里人嘉靖癸未進士歷官海南副使

怒溪懷董孝子

溪上先賢誰最古曲全倫紀有明神自甘吾死償而死

純德彙編卷七上 題詩

九四明叢書

約園刊本

轉念人親卽我親長對靈泉懷寸草肯將大恨博朝紳
高風千載留佳話山色湖光兩絕塵

姚

涑字維東號明山邑向書謨之子嘉靖癸未廷試第一官侍讀學士

出北郊過董孝祠遺址

漢代遺祠何處尋闕峯回首碧雲深千年邑爲仁人號
一脈溪流孝子心廢苑殘碑橫綠草空階古樹集寒禽
延光盛典依然在幾度經過思不禁

袁

煒字懋中號元峯邑人嘉靖戊戌會元廷試第三官建極殿大學士贈少師諡文榮

秋日過闕峯董徵君荒祠

徵君能孝養舍下水猶漫鄉邑因茲重叢祠錫類寬祠
並建張孫二孝子祠饑烏號夜月衰草冷闌干相閣塵埃裏臨風
起予歎

姚 梧 字文陽號鳳岡邑人嘉靖辛丑進士官福建參議

過董徵君崇孝祠

朝議崇純孝鄉評溯淑賢冤憑三尺雪慈賴一泓傳古
木風無力庭花白可憐乳烏仍遶樹亭午噪譁然

張大器 字尚通號夢韓邑人隆慶戊辰進士官成都知府

董徵君祠自嘉靖中廢後羣議建復未果賦此

純德彙編卷七上 題詠

十四明叢書 約園刊本

示邦人兼柬邑大夫

徵君純孝事原稀古木陰森舊有祠溪水淵澄猶昔日
宮牆傾廢是何時旌賢誰續皋陶祀表俗常懷百世師
但使快瞻棖桷美蘋蘩會有季蘭尸

劉伯淵 字靜之號念庭邑人隆慶辛未進士官湖廣副使壽一百三歲

感賦董孝子

片山落日海雲深逝水湯湯結畫陰野草煙迷號夜月
貞魂依樹變春禽千年尙泣終天恨一劒難消不共心
縱使溪橫長照碧知君原不爲名歎

邵

城字守齋鄞人隆慶戊辰進士官刑部郎中

謁董孝子祠兼贈何司理

純德曾從舊史看
竭來瞻拜一憑欄
怨將直報操戈易
勇以仁行錫類難
長有休聲表宅里
可無原廟肅衣冠
使君孝道通神貺
稽古型民兩不刊

桂茂枝

字蕭盈號北海邑人萬曆癸酉舉人官亳州學正

詠董徵君

孝鄉聲藉舊純德
董君稀仇母猶推
類榮名未足羈廟
荒留古杵人遠識
今溪悵望郡南宇
何時返邑西時惟郡城

純德彙編卷七 題詠

十一四明叢書

約園刊本

有廟而邑廟燬於兵未逮復

姚孟昭

字汝宣號鯨門邑人萬曆癸酉舉人官山東諸城令

黃孝子讚六章章六句

人鮮克孝孝難格
天奉母汲養母疾
乃痊母歸嗜汲沼
土得泉 人鮮克孝
孝難錫類仇母喪
除立殲大慈自
歸司敗飛詔釋罪
人鮮克孝孝難辭
榮詔徵郎署期
以作忠堅臥不起
穆然清風 漢帝旌
錫襄封肇祠唐
相徙邑溪名曰慈
宋號純德亦稱董
溪 聖祖龍興郡
祀幸崇邑亦有祠
文昌之宮阨樞倭
燹建復未逢 我

居慈巷溪流若新有母白髮愛日可忻仰茲懿德三復

彌勤

馮日望

字岸登邑人萬曆癸酉舉人官平度州知州

謁董徵君廟

孝思欲盡是何年無限君懷孰與傳靈液敢誇曾涌地

鷓鴣久分不同天復仇有子親難活捧檄無親子自憐

雨過風吹庭下柏猶疑老淚洒寒泉

時廟在郡治南

林祖述

字道卿鄞人萬曆丙戌進士官貴州參議

司理何公修董孝子廟徵詩

純德彙編卷七上題詠

十二四明叢書

約園刊本

奉國高樓東廟貌壯以麗言祠孝子董歌舞無虛歲漢

興有大儒孝子其苗裔偃蹇苦少孤將母百順聚冤哉

鄰家兒謬母母命斃母仇不共天枕戈時決肯豈難剗

一刃一剗以快志若母卽吾母古來重錫類濡忍若母

終於是始殺寄已幸見黃泉請死甘法比慷慨復從容

孝聲動天地詔下旌厥賢榮名無妄覲報仇事已難善

道良不易俯仰古今聞斯人邈誰嗣俎豆何輝煌表章

歷千世秉彝洵同然使君陽羨繼君本純孝心一夢感

靈異來司四明理日夕崇祀計鳩材拓新構雲天薄高

義祀典徵孝子太史傳循吏

徐時進

字見可鄞人萬曆乙未進士官大理寺卿

司理何公修董孝子廟徵詩

烈夫快中憤立頃冠抉纓義士衡所處乃錫不置名寥
寥天日下痛痛渺徵情要於兩無憾姑以存吾生白氣
時當頭爲有幽之盟短七能知意精英憾不鳴候爾彰
危事四顧無人行婦孺嘖嘖歎神鬼欽而驚爾時天子
賞王國以爲楨及茲弼教日明府揚其聲璀璨彩俎豆新
世道字壇撐古今一邱貉芳杜並原蘅

純德彙編卷七上 題詠

十三四明叢書

約園刊本

袁時選

字無擇鄞人萬曆乙未進士官刑部主事

司理何公修董孝子廟徵詩

世有生前死爲梟爲獍纍纍耳亦有死復生顏烏許鹿
紛崢嶸句甬董生徵君者純心一片天相假半泓含碧
迸空出中林畢嘯聲啞啞攫身報復事豈難口嘍噴恨
摧心肝少選仇人母亦死髑髏血染鐵花寒此事千秋
眞碑兀徵書當日何能屈怪底鵝州何使君自剡清醕
澆枯骨

葉維榮

字春卿號四明邑人萬曆乙未進士官廣東海豐知縣

謁董徵君墓

爲覓先賢墓蒼煙鎖夕陽林鳥啼啞啞山色暮茫茫浩
氣乾坤在高風竹帛香到今靈緒水猶吐漢時光

莊學曾

字仲肩號天目鄞人萬曆丁酉舉人官樂安尹

頌董孝子爲何司理作

錫類思宜永同天恨若何悠悠泣霜鏢耿耿向星河落

日搖萱草微風動蓼莪萬靈歆至德司馬淚痕多

司理亦有

燕位事

王大任

字天與邑人庠生

純德彙編卷七上題詠

十四四明叢書

約園刊本

展禮董孝子墓

靈緒蒼茫霽色開多君純孝禮荒臺山連蘆阜溪邊盡

潮涌蛟門海上來白刃未酬風木恨黃楊頻聽夜烏哀

徘徊瞻拜空餘思漠漠高邱半草萊

王嗣爽

字於越號石仲鄞人萬曆庚子舉人官涪州知州

頌董徵君爲司理何公作

明山西南來轟轟奔萬馬東漚滄溟波百谷盡傾瀉地

靈蟠甬甸鍾毓多賢者董君乃布衣純孝聳朝野豈必

挾奇節至性自無假悠悠慈水源長蔭粉榆社崇祀肇

先漢薦饒當盛夏蘭肴芬豆登椒漿瑩尊罍羅黃
白紛紜拜祠下猗歟荆溪公純德世所寡每過孝子祠
低回不能舍捐金拓上腴伐山新大廈牲玉有光輝
軒何豁聞詩下簌簌千秋泥臨風時一洒皇尸歆德馨
穰穰錫純嘏

仇成德

鎮海人萬曆
癸卯舉人

詠董孝子爲司理何公作

欽哉董公大豪傑孝行彰彰垂史冊殺仇報母兩不傷
後代聞之有餘烈假令當時奮勇不顧後白刃遽斯仇

純德彙編卷七上

題詠

十五西册藏書

約園刊本

人首詎非磊落偉丈夫念彼之母同吾母假令天喪斯
人骨先朽上帝權衡亦何有三年泣血動神明生死恩
仇一時剖以茲海內稱純孝聖君特遣蒲輪召夙夜悲
號誦蓼莪大隱溪頭謝恩詔冰霜爲節荼爲心爵祿冠
裳非所耀但思泉下與親俱豈意人開創遺廟廟前松
柏何嶙峋陰風颯颯吹龍鱗映階草色青含露滿砌苔
痕冷度春司理何公莅茲土仁風四播民安堵孝心感
激自天衷洞酌幾回奠清醑丹青粉壁頓生輝蕪芳棠
蔭同千古

張九德

字曙海邑人萬曆辛丑進士官工部尚書

賦得董孝郎中寄二醇兄弟

風木悲無已慈烏繞墓鳴此心天帝鑒不獨士師平大
隱疑輕爵溪流亦繫名孝思遺澤遠世世衍簪纓

李振玉

鄞人萬曆丁酉舉人官主事

董徵君頌

烈哉董徵君至性秉孝義依依睽北堂趨承以盡瘁菽
水良亦微足以娛親志東鄰飭膏粱忘親亦何意曾無
感悟情而迺犯慈懿哀哀終天冤痛憤創五內號泣向

純德彙編卷七上

題詠

十六四明叢書

約園刊本

高旻臨風洒血淚慘淡天爲昏白日忽陰墮百死不足
惜忘仇以爲愧覆載誓不同心猶存錫類含意鬱莫伸
枕戈夜無寐王母既終堂慷慨思奮臂在昔越報吳一
忍以成事東海揚旌旆風雷至茲若佐威神揮劔
梟逆寄九泉信有知庶幾慰一人大義泣鬼神寸心照
天地至今俎豆閒煜煜有生氣賴有金石祠千載表靈

異

葉

星

字子星號五聚邑人郡庠生

慈母頌

四明之郡鄞鄞之西句章古邑唐錫慈溪何以錫之曰
由孝子孝子之名千秋萬祀遺烈在碑遺址在川繫予
小子謂不盡然惟昔孝子鮮遇慈親廩焚并捨一何其
歸損也衣絮包也埽門臥冰泣竹何以語仁我羨子孝
我慕母賢菽水承歡而無閒言大隱之泉故鄉是思寧
同江流洪波溺兒孝感以子慈溪以母子子孫孫天長
地久

徐應乾

括蒼人歲貢生官
寧波府學訓導

董孝子廟助祭

純德彙編卷七上 題詠

十七四明叢書
約園刊本

惆悵當年飲恨時枕戈枕塊不勝悲採薪負米偏無分
五鼎三牲尚有祠慈水溶溶流遠澤龍章奕奕制豐碑
我來弔古懷先哲仰止高風百世師

錢光繡

字聖月鄞人
明季遺民

董孝子行

維漢中葉句章之鄉實產董子有母在堂躬耕負薪以
供甘旨精誠感泉其出瀾瀾薄言酌之母心則喜一解鄰
母有兒闕如虒虎兩親比閭晨夕爾汝菽水神怡膏粱
色沮厥體維何職此之故二解鄰子聞言載號載嘔操箠

入室嫗胡予嘲傷哉董母死不崇朝多言隕躬昊天蓋

高三解

嗚呼孝子泣血廬墓慈烏滿林如怨如訴中夜傍

徨四野昏霧

四解

爾忘殺爾母乎嘗膽枕戈曰不敢忘鄰

母溘殂終三年喪肆殲兇暴瀝血陳觴母目可瞑兒軀

可亡

五解

父母之仇胡不速報若母吾母傷厥慈孝用全

母交罔敢輕躁

六解

事聞於廷帝曰休哉仲舒有孫赦死

除爵求忠孝門拜手固辭天王聖明母冤已雪宦心如

冰

七解

寢廟有奕祀維春秋史臣執簡賈茲海陬誰非人

子是訓是謀先生之風與日月休

八解

純德錄編卷七上 題詠

大 四明叢書

約園刊本

張肇元

字我貞蘇州人
崇禎末年舉人

題董孝子祠 有序

予入浙來見山明水秀贊賞不置乃知自開闢以

後名賢踵出光照史冊閒信非偶也至四明寓董

孝子祠居停僧述其事予竊異之孝子以復母仇

得名夫復仇則復仇耳必待仇人王寄之母死而

後舉事不亦過乎當時幸寄之母死孝子得遂其

志萬一寄之母不遽死或寄先其母填溝壑又或

孝子溘露不測仇終不報乎孟子曰殺人之父人

亦殺其父殺人之兄人亦殺其兄春秋大討復之
義枕戈嘗膽得則甘心違恤其他及觀碑記乃知
兩母之相善也殺其子使彼母無依我母能怡然
地下乎況當日寄母亦老或朽或病且記云各言
其子則寄母所言者大抵多違逆之事計此時亦
奄奄待盡之日矣故孝子堅忍以善其事此其孝
更篤而心更苦然不可以爲法故漢史不傳予特
闡而出之以爲景孝子之行者當設處其地以曲
諒其心無徒高錫類之名使大義不白於天下

四明山水稱佳絕誕結靈竒產純德罡風灑氣寓庸行
煜煜芳烈昭青旻巋然有祠書孝子當代綸音軼前史
孝子姓董黯其名慈闈賁恨寧捐生鄰仇有天不同戴
伊母我母曾相愛崦嵫姑待無多時飲血心苦皇天知
一朝髮指背裂目挺身剗刃兇仇腹私殺違條自理官
委心請死朽楊甘漢廷有吏能平反深情委悉憐冤慘
特蒙睿旨從貫宥論行好爵糜其後以孝得祿浼爾懷
逃名深隱山之隈斯民直道弗能忘千秋廟貌傳其芳
六月六日敕祀此申奠四時想應爾君不見會稽樓越

石室囚尤物釋憾雄圖休又不見江南申意絕裾忍噉
名割愛衰慈冷幾人犯愛報親冤惟神頭顱可付天幾
人忘利完吾節惟神肝腸皎如雪我過曹娥碑絕妙重
臨此地成雙照一占清溪一占江悠悠兩水名俱香乾
坤煞淑氣非偶惠迪嘉祥應自久不信今日兵荒盡熙
然人物茲猶盛神兮神兮維氣運

馮元仲

字次牧邑人邑令汪文毅公奇其才薦於
朝就試吏部以策語贇直僅授縣丞雅非

所好歸隱湯山以壽終
有天益山堂遺集行世

董孝子徵君祠

補

純德彙編卷七上 題詠

二十四明叢書
約園刊本

大隱泠泠蘸暮煙至今溪鎖萬山巔報仇熱血藏工市
誓墓固願落几筵俯仰無慙辭奉詔羶薊已合薦加籩
累朝申錫徵君古家井猶存孝感泉

董孝子井

補

此是漢時溪潺湲流不絕其北井井居泉寒清且列古
幹野苔幕休乎糞半缺既鮮未縞凶初非不食潔白髮
披兩肩父老相傳說云鑿自徵君上奉慈母啜至今纒
短垂往往甘先竭我得而柴焉如見其高潔旨之不敢
唾拜之不敢媒渴不敢飲貪冷不敢炙熱卽賤抱甕安

雖貧丐貨節歸隱濤寶祕奉母航心凸老爲邱并身持
此媿饜登且待負缶來窺窺遞水埒廡餅人下沈漏甕
豕爭汲昔聞徵士奇仰天自嗚咽胸中萬古恨袖裏一
尺鐵劍鞘夜夜鳴目皆怒盡裂猶隱忍而待鄰母喪葬
歌斫首祭夜臺仇報恥始雪從容乃自囚天子釋縲繼
有詔拜郎官揮手謝朝列此與纒經承其孝有優劣并
底出花甄董字未濺齧汲取溪水來浣滌仇寄血

周容

出南郭至董孝子廟旁有慈母墓

純德彙編卷七上

題詠

王四明叢書

卷四刊本

古祠旁墓草綠墓上從無過草復夜夜祠中起白雲
來繞墓門半枯木祠中雙溜空高閣當年不候早朝雞
孝子名非孝子意至今汲處利慈溪慈溪之水清如舊
遺事如新滿人口斬讎待仇喪葬終要使人各知有母
行人過此且暫停珍重聽此啼烏聲

屠粹忠

字純甫號芝巖鄞人順治
戊戌進士官兵部尙書

董孝子贊

復讎徵孝錫類徵純二天共戴千古誰鄰

葉振甲

字彰祖號存衷里人康熙
丙午舉人官工部主事

董惠泉姑夫述其遠祖純德公遺事感賦

卓哉純孝士爲母不辭難一劔幽懷愜千秋古廟寒英
魂憑白日往烈寄青山風木留餘憾聞言淚幾彈

李

裕 字房山鄞人布衣

董母墓

至性帝所哀天存淚地濕瓶繡古苔紅嘸寒血痕入牛
羊飢霍霍不噉墓橫葉落日望家遠行人讀碑泣

張嘉震

字靖陳號介峯里人歲貢生

同董平一過漢徵君故宅和韻

純德彙編卷七上

題詠

三四明叢書
約園刊本

清淺蓬萊幾變遷瑩依舊漢時泉爲標終古人倫紀
羅肅湖山秀色鮮式里風聲隨處樹徵文金石歷時傳
我來憑弔荒祠下萬頃慈波翠嶼連

馮鵬飛

字乘六號容齋邑人乾隆辛未進士官交州運河同知

偕董平一文出北郭賦慈溪

一詣慈溪水千秋孝子名煙光煇北郭泉脈漱東城

溪

由湖注陸南流西折入小東門橫河今瀕河之巷猶以慈溪名

古宅花開謝荒碑蘇縱

橫我來惆悵久回首白雲生

李昌昱

字復且號滙川鄞人乾隆甲戌進士官江西臨江知府

賦孝母墓老松

春花爛熳春風織開落恩惠改顏色惟孝子子之母墓
旁松千年不受冰霜蝕至今兀立干青雲下覆纍纍三
尺墳勁枝挺拔溜寒雨老皮光怪映斜曛乃知萬物生
世間位置其身宜得地誰將松樹此閒栽幸藉孝名同
不墜君不見秦時松封大夫虛名僅等春花豔能得長
留天地無

向體元

字運表邑
八庠生

童徵君歌呈老友平一

純德齋編卷七上 題詠

三三四明叢書
約園刊本

慈流滢江滸慈源涌屋側屋側泉淙淙孝子心翼翼於
惟漢治熙純孝毓海隅棲幽闕湖畔奉母歡愉承歡
方未艾邁疾嗜清瀨遠汲敢辭勞天賜水如帶瘠富慙
肥貧逆豎凶絕人母恨沈泉壤子痛抱終身終身痛若
何何忍刻蹉跎念伊有母在且枕牀頭戈枕戈墓廬旁
三年血淚滂一朝宿願副鄰兒齒劔鋌擲首母冢前曰
母尚知旃兒今歸司敗與母依重泉司敗驚且敬具辭
請帝命矜情於法戾刑賞惟所令帝曰咨爾孝爾事上
所弔誰無鞠育恩赦之以裨教帝曰咨爾勇毅然鋤非

種曾參儒雅人殺人震動帝曰咨爾仁復仇不滅倫
宏是錫類旨可以化吾民帝曰咨爾敬自囚稟律令錫
之簪笏榮用以嘉守正孝子拜稽首聖恩信高厚解網
屬倖邀矧敢希組綬退耕隴畝側廬墓延殘息靈楊有
瑞芝大隱無叢棘君不見憑權怙勢快恩仇鯨吞鯢噬
山岳愁風飄雲散虐燄燼紙錢何處挂松楸孝子無意
攫華廡獨矢天真守環堵宋詰明封廟食殷慈溪之水
流終古

范永祺

字奉吉號我亭鄞人乾隆丙午舉人

純德彙編卷七上 題詠

西四明叢書

約園刊本

古松歌應董三抑儻

清池有源留淚痕長松有根依墓門行人趨過不敢指
錫類復仇慎啓齒悼古恐傷孝子心枝前葉後悲風起
悲風起有哭聲至今夜竊發誠精誰無至性與至情我
來瞻禮一抔土搖落松花洒春雨意承色養古所難不
在區區鼎三五

純德彙編卷七中

六十世孫華鈞重訂

題詠

董季聖

字時中號肇峯永樂中增輻純德彙編孝子四十八世孫

洪武二年釐正祀典每歲六月六日祭先徵君

祠許子姓與祭恭賦

一代宏謨孝治先白華純潔表前賢東南蘋藻無他薦

還酌當年屋角泉

董琳

字廷瑞號木石鄞支景泰甲戌進士官山東按察司僉事孝子四十九世孫

純德彙編卷七中題詠

一四明叢書

約園刊本

祖德詠

孝子緣孝著乃以純德封

叶乎金切

不露壯士顏報仇意何

深勿謂己有母錫類尤其欽寥寥千載後幾見斯人心

董鎬

字邦興鄞支成化庚子歲貢官漢州通判孝子五十世孫

孝祖廟觀社

底事揮戈處偏留純孝名祇因能錫類不愧大褒榮祀

典四朝重

謂漢唐宋及本朝

祠宮百世明輿情尤愛戴鄉社盛

案盛

董霖

字思商號樸庵庠生此下孝子五十一世孫

楊奧埽墓奇果庵弟

成化己亥春日作

黃短褐留一杯麥飯奠荒邱祥鳥寥落空遺響
尚有千秋獨自流無奈春風甌杜宇可堪殘月照松楸
溪水潺湲中田露懷古懷人不盡愁

此時兀立鐘

字思洪號果庵庠生

董

孝母墓話孝祖斬寄報怨事

仇母今殂矣慨然亟報仇黑衣橫大劒被髮炯雙眸血
濺烏喙樹腥聞馬鬣邱白楊蕭瑟處大義凜然留

董

閻字思和號筠溪庠生

純德齋編卷七中題詠

一四四明叢書

約園刊本

各有問慈溪故蹟者應之以詩

在昔漢孝子奉母大隱溪溪水如厓蜜療疾勝良醫疾
退與母返築室湖之西荷耜闢峯麓湛然泉涌畦天心
感純孝潛使地脈移至今慈水曲猶有慈烏嘯

董

瀚字宗理號秋厓鄞支正德丙子舉人官山東費縣知縣著有筠軒秋厓二集

讀濟之叔父祖德詩爲申其意

號泣訴旻天伊母吾母憐畢竟湛盧血洗向邱隴泉撫
跡但爾爾抱心自年年所以彼蒼鑿慈烏盈墓田

董

瀛字宗遠鄞支正德己卯舉人

過慈溪縣懷古

相傳慈水地在昔
署句章爲有名賢跡
因增下邑光碧
溪流自漢嘉號肇於唐
粉堞連雲起芳名萬古揚

董

沐 字宗旦鄞文嘉靖庚戌歲貢官湖廣當陽縣訓導

滴淚潭

長春春水潔如雪
孝子之淚紅於血
血色水光日夜流
年年磨蕩春雲熱
雲英水盈盈不及大隱溪
汲泉甘且清焉得事死如事生
滴淚潭中有哭聲

董廷武

名桓以字行庠生此下孝子五十二世孫

純德齋稿卷七中 題詠

三四明叢書 約園刊本

詠六世祖辭徵

自有終天慕無能復慕君
再生恩已厚捧檄命何殷
可惜戀抔土空教降五雲
敢辭萬里詔願守百年墳

董

樾 字子亨號華吾鄞支萬曆丁丑進士官四川兵備副使著有黔中日記戎事方略等書

萬曆丁亥仲冬給假南歸
還陪祭孝祖廟敬賦
彤廷被命省親闈梓里
從瞻祖德輝幸我承歡
逢具慶多公報復不乖違
督雲日向揮戈暗烏烏
猶看繞樹飛祀典國家千載盛
雲孫肅拜倍依依

董

程字子式號鵬里嶺支萬曆戊子舉人官江西建昌府推官

先祖斬逆寄自囚以告有司其斯謂大勇與敬

賦

殺仇以報母陳義豈不高若使逃三尺何以謝皋陶從容甘斧鉞不望寬刑曹情法兩無愆允矣人中豪

董

淮字仲清此下孝子五十三世孫

邑令胡公爲先徵君建崇孝祠恭賦

正德乙亥作

甬水移專祀鄉邦禮未崇幸逢賢令尹快觀舊祠宮辟蠻千秋煥謳歌合邑同矧予承蔭者佩德更無窮

純德齋編卷七中題詠

四西明叢書約圖刊本

董

瑩字中秀號竹軒鄉飲賓

詠孝祖辭徵

殺人不罪殺此身原再造若復邀榮祿出身太草草溪水清且漣樂飢堪終老君子恥虛聲舉動關世道

董

璞字中美號下山庠生嘗參胡制府宗憲幕晚號海樵山人

祥烏

春雲已不護愁竹春草芊綿墳頭綠廬墓性悲風木搖終宵孝子鳴嗚哭孝子哭祥烏來林閒環繞如助哀定有飛聲到夜臺祥烏祥烏胡爲爾爾無人心尙如此

董國俊 字惟賢號春野鄞支嘉靖壬子舉人官河南汝州知州著有自適草

論先徵士復仇事

白刃日在抱躊躇不敢易千載仰高風誰識枕干意大
是真儒心不露壯士氣懷哉我祖德孝道何純懿

董儀 字安卿 庠生

房太尉改句章曰慈溪以先孝祖也敬賦之

何以邑名慈淵源大可思恭惟賢宰執特表古民彝軼
事千秋著婆心一片垂先賢與良吏兩美總堪師

董可觀 字伯達號蓮海鄞支庠生詔旌孝子

純德齋編卷七 中 題詠

五四明叢書 約園刊本

拜先徵君南郊祠下感而有作

繞樹嗁烏聲為誰鳴不平刀頭灑熱血淚下結寒冰不

捧明廷檄誰辭沒世名雲孫瞻拜畢慙愧竊干旌 時謬膺孝

友之薦

董宗炳 字公朗此下孝子五十四世孫

嘉靖癸卯陳邑侯修學宮遷崇孝祠神主於鄉

賢祠議別建廟以奉祀事乃工未竟而陳行

且遭倭變成焦土焉賦此志感

學本明倫教孝同祠堂擬闕禮逾崇奐輪欲覩飛鳧杳

兵火旋來敗瓦空太息枌榆歸舊社何年松柏蔚新宮
慈溪一勺源頭水祇付雲孫慨慕中

董漢賢

字用卿
庠生

讀家傳書孝祖事實後

曾聞無勇難言孝今見仁人克稱戈畢竟苦心還錫類
十年遲我劔橫磨

董宗原

春日同公朗大兄自浮碧山過慈湖尋先徵君
遺蹟用杜石臺先生韻

純德齋編卷七 中 題詠

六 泗湖叢書

約園刊本

春山如畫碧於染春水爲湖清且漣乳燕呢喃學語滑
小魚撥刺入廚鮮今朝最喜饒佳景此地從來隱大賢
敗瓦殘扉松柏裏古今此道倩誰肩

董崇威

字子和號
養重庠生

閱家譜孝祖斬仇告墓事

梟獍不可化沈冤只汝然誓提三尺劔下報九重泉
醉酒塗肝腦劔心紅杜鵑但嗟乾淨土染此惡腥羶

董

劭 字德卿號劔川萬曆乙酉
舉人著有絳墨堂詩文集

詠孝祖殺王寄祭母事

守身孝之大殺人仇乃雪白刃揮中野鷓鴣橫斷絕豈
敢讓王章剛勇孝所給攜首奠母墓模糊還帶血

董應期

字名仲鄧支秦
昌元年恩貢

詠孝祖辭徵

一從吾母瘞荒邱風雨年年總是秋再拜王人還大詔
白雲深處碧溪流

董守正

字瞻子鄧支以光化縣尉防守
縣城有功改守備遷密雲游擊

述孝祖事

仇人不共戴天地牀頭枕斧爲王寄何難旦夕雪奇冤

純德齋編卷七中 題詠

七四明叢書
約園刊本

殺子子母必竝斃若母吾母素親睦可堪報母拂母欲
一朝王母蓋棺矣突出生平努血目殺人自願身爲囚
豈料入谷有鳴驪君王恩命何敢卻小人百母在山邱
吾其休矣守一杯

董應延

字千秋鄧
支庠生

塋孝母墓因謁徵君廟示子姪輩

三里南郊獨樹村先祠古墓到今存兩朝制詔堂皇重
百世雲初俎豆尊爲有荒潭常積淚自來翦紙屢招魂
諸郎鼓吹歡無盡日薄西山記倚門

董逢春

字贊卿鄞支康
熙丙辰恩貢

過慈溪尋孝祖故宅

借問慈溪水仙蹤何處尋
春潮流岸曲古宅傍松陰
天帝懷明德靈泉入藝林
遙遙千載下貽厥幾沈吟

董德彰

字价夫號琴川隱居樂道著有琴
川詩草此下孝子五十五世孫

詠孝祖舍旁涌泉事

一勺水涵青油然出戶庭
脈非通大隱甘已慰衰齡
至孝天心格飛泉地德靈
太和蒸屋角百世尙流馨

董伯麟

字國禎號海望萬曆壬
午副榜著有竟志編

絕德齋編卷七中題詠

入

四明叢書
約園刊本

讀孝祖傳有感

發祥追世德苦志歎先人
汲水青山遠開門惡鳥鄰
相尋在斧鉞何以謝尊親
松柏城南路蓬廬老此身

董培醇

字海

分賦孝祖故事得辭徵

大孝宸聰達丹書赴草堂
旌旄看子涕淚正浪浪
母死長無倚恩榮總自傷
休爲逋慢責宛轉謝君王

董正道

字明巖

分賦孝祖故事得請罪

親仇無可恕國法定宜伸幸得終吾事寧當借此身從
容詣棘寺慷慨謝官人吾母黃泉下勞勞盼僂民

董一鶚

字心魯廬生補太學

分賦孝祖故事得汲溪

大隱泉清冽衰親苦費思但求除病術豈惜買山費
草移堂背銀瓶挈水澗承歡湯可奉色養樂盤餐

董德傅

字大鑑號銘存鄞支崇禎丙子舉人魯王監國授戶部主事著有銘存詩集行素日

鈔

賦得孝祖斬仇告墓

純德堂編卷七 題錄

九四明叢書

約闕刊本

長狹胡爲者倉皇洗劍鋒血看流五步恨始雪千重
陔落鷗張首恭陳馬鬣封至今滴淚處舊事話扶筇

董德欽

字若思鄞支宏光二年恩貢以薦辟授監紀推官遷郎中死難

過孝祖祠有感

朝出長春門言望孝子廟迢迢二千年過者還憑弔我
讀會稽錄永懷孝子孝有仇手刃之突兀理官校君親
臣子義苦心矢必報春秋大復仇冥悟徹聖教巍我廟
貌榮淒切寒鴉噪寂寞已千春古人竟誰徵落日照荒
邱悲風振蓬蒿哀哀杜宇聲飛向冬青叫

董劔鏐

字佩公號曉山鄞文明季遺民
著有墨陽內集外集閩集等書

先孝子諱晴

五言詠之

孝子不忘親孝子可忘身中夜磨刀聲霍霍明日誓將
斬仇人仇人得斬頭懸肘血性爲文來祭母挺身遂擊
法堂鼓甘心就戮喪其首身就戮兮孝於何有嗟嗟孝
子必守身要爭是不是若使彳亍畏縮忘親之仇甘與
仇人生孝乎孝乎何足齒乃知殺身是孝子誰知漢帝
下明詔曰孝子殺人朕不校

董兆科

字寅軒號選庵著有清嘯
編此下孝子五十六世孫

純德彙編卷七中題詠

十四明鏡書

約園刊本

慈溪

悠悠千載慈溪水飲徧東南十萬家此是當年君子澤
莫教容易飯胡麻

董允升

字吉初號二醇萬曆丙辰進士官江南淮
安府知府著有公餘閒吟正味齋文集

祖德頌十二章章四句

於皇我祖篤生漢京讀書養母愛日階庭 大隱之溪
水甘如飴母也嗜只築室於茲 母愈言歸水則與俱
涌出舍旁其味不殊 彼寄不仁富居於鄰瘠母不愧
反對吾親 爲母復仇殺之何有枕戈長歎繫彼有母

以俟其亡以終其喪以刃其首以祭母旁 殺人者
死自詣於吏帝曰孝哉擢議郎位 有爵不受豈伊高
蹈母死謂何而忍有繼 崇德教孝愛祀專宮春秋匪
懈奕禩攸同 因孝著慈爲 邑祖赫赫神封高皇之
祐 巍巍郡祠張公所始奚翹郡焉天下仰止 凡我
後人是法是則於萬斯年恪天純德

董允茂

字承初號豸章崇禎丁丑進士
官直隸天津道著有豸章文集

邑故有崇孝祠嘉靖中爲倭燹所燬萬曆壬子

伯兄允升領鄉薦請於巡撫使者復之謹拜

純德彙編卷七 中 題詠

十一 四明叢書

約園刊本

手稽首而爲之頌

赫赫烈祖肇自江都天人三對漢世醇儒亦越數傳遷
於句章純德至孝於祖有光築室溪濱以供母嗜地涌
甘泉表厥靈瑞生盡其養死盡其哀露棲林野鳥獸歸
懷母死於仇仇亦有母俟仇母終乃刃其首朝廷喪異
特徵議郎固辭不拜潛德彌彰當名孝溪曷以慈著善
則歸親體親之志山川弗改溪流云溪在母在邑存
董存孝子不匱永錫爾類新廟奕奕引之勿替

董正國

讀謝皋羽董孝子墓詩知其以母訛子以廟訛
墓也卽用其韻正之

孝子有遺廟乃在母墓旁母存挽母輿母死守母鄉母
在與偕在豈敢薄爲郎其斯爲孝子千秋存瓣香

董

雱 字山雲號復齋鄞支庠生補太學
官雲南永昌知府著有偶存草

烏雛篇

枝上烏尊巢哺其雛間烏哺雛胡爲乎雛反哺烏烏得
娛其奈鴟鵂聞之格格生怒呼汝烏汝烏倏忽遭橫屠
雛來繞樹告無辜誓將努力施誅鋤鼻口出血心膽枯

純德齋編卷七 中 題詠

十三 四明叢書
約園刊本

迴旋翔繞行自念一發不中我雛我雛誰復爲後圖積
憂沈痛日復日一日果然磔彼鴟鵂之頭顱嗚嗚告老
烏大仇今日汝雛誅嗚呼大仇今日汝雛誅

徵君城南廟下社祀竹枝詞十首

先徵君駕發南皋遙指中城渡母橋墓下寒泉流滾滾
隨行徑達闕湖遙

崇法寺岡高一拳紫清芳思繞名園

紫清豐清敏公園
芳思袁文清公園

秋成神旆行游處應有板輿阿母轅

家家雞黍出儲胥來向祠中慶滿車孝子驟然惟一笑

汝曹有母莫志諸

此閒地氣最清幽古木寒鴉足勝遊剡原先生句夜半佛燈

傳五色老僧舍利助神休法智尊者塔

陰雲鬼火亂於麻殤女嬌妃共一家齊向墓前託慈祐

恭隨天女散天花殤女謂荆公女墓嬌妃謂魏王妃墓

西畦片碣亦沈淪不獨徐卿妙墨湮張西畦嘗修城南孝廟立碑今碑亦

不賸有非堂劈窠字年年社保拂除頻全文大震題字

鄮山書院轟橋西行在孝經近可稽卻愧少時手一卷

浪隨黃過草堂栖黃過草堂去墓甚近余少時讀譜地

純德彙編卷七中 題詠

十三 四明叢書 約園刊本

王寄遊魂亦竝馳草人反接導神旂復仇諒已無遺恨

欲驚人閒不孝兒

嬾堂詩法最神清更愛長溪句有名嬾堂謂舒擅長溪謂謝翱欲作

迎神送神曲幾回援筆不成聲

我亦慈闈鶴髮皤廿年滇楚逐風波何時五畝城南路

逐隊來尋報賽歌

董允雉子筆雲號蓼存鄞支康熙丁丑恩貢著有昨非庵日纂

述祖德詩五排十韻

一代春秋學傳家擅漢京謂江都相習公羊之學復仇存大義秉

鉞仗經生赫怒因鷓集哀鳴類雁征束身甘縲縶再拜
卻干旌雙詔題鸞鳳千秋廟肅清傳聞留聖俗神勇駭
愚氓青史參遺錄賢門配奠極謂人壽學拜祠記少日
扶杖屢遊行漢柏尋柯葉唐碑誦勒銘煌煌家乘內祖
德仰昭明

董允霖

字扉雲號梨山鄞文康熙乙丑拔貢官工部營繕司主事著有春秋備要等書

論六世祖復仇事

有天不其戴乃爲仇母感斯言吾不信經營蓋慘濇匹
夫而殺人專豈徒勇敢一發或不中我身集於窟遐哉

純德齋編卷七 中 題詠

十四 四明叢書 約園刊本

古孝子努力事心膽

董昌祚

字奕雲號石眉庠生此下孝子五十七世孫

萬曆壬子新建孝祖祠於南門內子參與祭賦

此志喜

憶自倭氛擾海濱先朝遺廟付煙塵清溪幾曲懷明德
香火誰家薦曰蘋社闕粉榆堂構煥詔懸日月禮儀新
拜瞻頓悟鄉邦願况莫椒漿屬後人

董日灼

字函葵號遲仙庠生官廣東增城縣知縣著有履游詩文集

慈溪之名肇自六世祖漢徵君天啓甲子春予

同豸章叔讀書祠右酌水知源入廟思敬爰
歌涯略以志聿追

猗歟我祖純德之流芳於今六十餘世有耿光龍從廟
貌蔚丹黃歲遵明旨薦蒸嘗緬昔歡承隱水汲林皋天
開孝井慰艱勞孝井涓涓泣暮濤孝名永古如山高伊
胡旌孝復名慈善則歸親繫所思卽今四明形勝二百
有八十其孰如慈之水兮清且漣漪或曰白日報仇人
所遠枕戈三載維何意母氏終天爰卒志渠母猶存誰
卜瘞自他無憾乃操戈殲仇祀母淚懸河天鑒精忱霽

純德堂編卷中題詠

五四明叢書

約園刊本

烏萃止噪寒柯作忠維孝格巖廊丹詔九重徵
餘取耿酬高堂沽名市籠非所望結廬溪上屏
寒暄且耕且讀式後昆後昆奕葉賁絲綸敢忘舊德懈
晨昏不記成周瓜瓞之綿綿先小後大如蟬焉沐浴歌
詠彌新鮮顏其色而闕其宮者千萬年

董昌周

字幼占

祭慈母墓有感

揚帆直抵郡長春先釐濟踰大有人長想黃楊純孝墓
幾番遺省竟迷津

董又嘉

字翌亨號省齋廩生明季遺民著有抱膝齋詩稿

謝純德徵君廟示子姓

錫類之孝孝始大格天之德德稱純溪光長有旨甘在
廟規常留色養新漫說醴泉無夙本最憐漁父竟迷津
貽孫燕字綿綿遠無忝前人望後人

董 畝

詠孝祖林集祥鳥

鴟鴞橫原野孝子號中林中林有孝鳥啞啞學哀音哀
音豈足學孝感不自禁爾鳥尙知感不感鄰兒心茫茫

純德集編卷七中 題詠

六四明叢書

約園刊本

末世下何以辨人禽

董 敏

字學修郵友太學生

拜南郊孝祖祠

三里南城路千年孝子祠乳鳥巢老樹小草發春池誦
得長溪句空懷季海碑遺聞喧過客述古愧孫枝

董爾弘

字道能號毅庭康熙丙辰進士官江南金壇知縣著有春雨樓集此下孝子五十八

孫

祀德詩

我祖挺純德改邑錫嘉慈湖濱如帶水來自大隱溪至

孝通神明甘泉爲母移酌水乃知源稱名留所思子道
區賢否富瘠而貧肥比鄰相偶語鬪很一何癡我母難
復活戴天寧少稽行復念伊母無子重此離枕戈沈厥
志復仇全倫彝自囚受國法法亦不忍施璽書徵議郎
冠紳哉以魏繫我已無母捧檄其奚爲蹈道賁邱園高
風百世師馳封稠歷紀郡邑崇專祠長吏走廊廡春秋
潔牲犧曾閔非可尙處變或殊斯當其浩然往所爲若
快私如何仁義盡正氣植綱維奕奕垂寢廟愾矣見光
儀還溯碧溪水愚智同獻歆

補德彙編卷七 中 題歌

七 四 明 叢 書

約園刊本

董經權 字書府
庠生

孝溪歌

嗚呼孝溪之水無時竭萬古湯湯流不歇豈但慈名一
邑揚溥天大地應貫徹由來此理自彌綸生爲孝子歿
明神橫逆猶蒙錫類恩舍生誰不感斯人權也臨流正
浩浩溪上山花發春曉酌水獻花奉闕宮彌覺祖德與
天通後人何由維祖風夙興夜寐省微躬庶其克孝延

吾宗

董文成

字聿觀號止所康熙辛酉舉人官福建邵武知縣著有清澗齋稿此下孝子五十九

世孫

謁李潮追次族祖名溪先生韻

誰從平地出清漣邑號溪名藉藉傳佳話已垂千載遠
醴泉猶注一湖鮮終天孝養偏餘恨歷代榮封讓大賢
頻向几筵思祖澤孫謀百世屬誰肩

董

珮字采彬號魯雅
屏生鄉飲賓

讀司理何公孝廟志所述神夢敬賦

孝道無今古精神代越通旗旄集夢寐祠館列西東佳
話留鴻筆慈恩赫寢宮朝朝過車馬尙勿射神衷

種德彙編卷七中 題詠

六四明齋書

約園刊本

董懋震

字聲遠號松澗增廣
生著有松澗雜著

同人訪先徵君舊宅和平一韻

至行由來可格天倏從平地涌甘泉爲尋當日流芳舊
踏徧春風碧草鮮故宅縱隨陵谷變清溪還與口碑傳
試看繞湖雲飛處翠疊湖山黛色連

董華鈞

此下孝子
六十世孫

向燕及興國二族祖暨族父穎先二玉泛舟謁

賢淑夫人墓

乾隆乙亥春日

輕舟晚出長春道運袂來尋百世阡豈謂少孤艱合葬

從來賢母自流傳豐碑健筆誰當仿

謂盛次仲所題董母墓碑與龍虎軒

同稱佳句訛傳孰與箋

謂謝晞髮孝子墓詩

弔古欽賢無盡思淒

涼明月照歸船

董有恆

字上盈號金川庠生著有遜敏齋詩文稿

懷先徵君往事感賦

祖德稱純孝千秋孰與京復仇翻錫類爲母豈沽榮風
亦悲無盡寒潭淚易盈至今遺迹在憑弔不勝情

董桂芳

字萼丹號靜齋著有醉蘭草堂詩稿

過慈溪先徵君故宅感賦

純德彙編卷七中 題詞

一九四明叢書 約區刊本

清溪一曲抱荆扉色養當年事本稀子職竟勞天代供
母儀還爲地爭輝頽垣隱約留春草碧樹蒼茫澹夕暉
千載耳孫閒眺望不堪回首是庭闈

純德彙編卷七中

四明叢書

四明叢書
約園刊本

純德彙編卷七下

六十世孫華鈞重訂

題詠

甲申春族祖抑儒續修孝廟志下徵掌故且以遺事詩三十首索和予既畀以舊錄詩文一卷因悉次其韻與同人和之一時鄉國英賢佳篇林立第題爲遺事非註不明茲錄倡和諸詩而卽以題解冠首庶使覽者有所考據焉

汲水療疾

純德彙編卷七下 題詠

一四明叢書
約園刊本

孝子母疾思飲大隱溪水往汲奉養疾乃瘳

埒土得泉

孝子埒舍旁土忽得泉味甘如大隱崔刺史碑庭出

寒泉謂此

斬仇祭墓

鄰子王寄富而不孝二母各言其子寄銜之辱孝子母至不起孝子俟寄母歿斬寄首祭墓

自囚請罪

孝子旣殺寄自囚詣有司請罪

辭徵終隱

和帝嘉孝子行詔釋專殺罪徵議郎尋徵郎中皆不就

慈溪署縣

溪以孝感號慈溪體孝子意也在今城北里許唐房琯移城山故治建今署因請改句章縣曰慈溪

虞叔寧典錄

孝子事范史失載晉虞叔寧預會稽典錄載虞仲翔爾對王朗問士中有往者孝子句章董黯云云致爲

純德彙編卷七下 題詠

一三四明叢書

以刊圖刊本

詳晰

木玄虛圖詠

晉木華丹山圖詠曰其山東面如驚浪七十高峯列煙嶂一條流水入句章二仙聖德昭茲養唐賀祕監註曰二仙是鮑金董黯全有聖德之行黯有孝道之功記曰此乃四明山地仙俱出後漢時

徐會稽書碑

唐大曆十二年明州刺史崔殷修孝子廟立碑時會稽徐浩爲別駕書丹與李陽冰裴公偁顏魯公王公

碑稱明州三絕

邱節使偕隱

考工令邱霖奉和帝詔徵孝子高其義遂與偕隱至
今肖像孝子廟中

謝皋羽避暑

宋末謝皋羽朝流寓四明其崇法寺避暑詩首及孝

子見題詠

何司理神夢

明萬曆中宜興何士晉上春官夢老姥謁見及司李

純德彙編卷七下題詠

三四明叢書
約園刊本

寧郡拜孝廟則老姥孝母也爲拓廟且置田設祀

汲水沙

劉給諫憲寵云卽今永昌潭縣南鄙之龍湫也其旁
尙有汲水沙遺跡深不過三尺久旱不涸

慈溪巷

慈溪由湖注城隍南流西折入小東門橫河今瀕河

之巷曰慈溪巷

孝子井

在慈溪巷林家橋西相傳孝子鑿井甃尙存有漢篆

孝子董黯之井六字

滴淚潭

在郡南長春門外孝母墓前

望母洞

在孝母墓後相傳廬墓時遇大雷雨於此省母

祭母文

文載元人世德錄爲斬仇告墓作明嘉靖間太守孫
公宏軾修孝母墓鐫之碑陰

浮碧山故宅

純德彙編卷七下 題詠

四四明叢書

約園刊本

孝子世居浮碧山陰所謂闕湖之涘是也今慈湖書
院東曰談妙澗澗東卽孝子故宅宅東數十武爲普
濟寺寺東則靈應廟

大隱溪寓亭

孝子嘗養母大隱溪濱疾瘳乃歸寓亭其就養處

郡城南墓廬

孝子母歿後廬墓終身

董家園孝墓

孝子墓在鎮海縣黃楊輿後人以孝子故呼其地爲

董家園宋應之道有謁墓詩見題詠

闕湖北廟址

在今普濟寺西漢安帝命卽故居立祠卽其地也宋時遷慈溪巷紹興中復徙故址至元而後遷徙靡常矣

徵君宋璽像

遺像上有宋詔玉璽爛然相傳國初時一老翁負像過正先公求售展視閒忽失翁所在蓋神賜也

古松

純德彙編卷七下

題詠

五四明叢書

約園刊本

孝母墓旁老松漢以來二千年神物也明魏連卿有詩見題詠

祥烏

孝子廬墓夜哭則羣烏翔遠見會稽典錄及崔碑

禡兵

明嘉靖中倭陷慈溪郡城戒嚴屯卒或裸臥孝廟忽神座虹虹有聲焰光滿室大虎躍中堂駭竄仆跌出門竟寂然

熄火

明萬曆甲戌己丑壬辰廟四旁疊遭回祿而廟獨無恙此與禩兵說俱見何司理舊志

卻賽

鄞俗秋報例以九月望日迎神沿道賽之獨孝子以母故不出相傳神所示云

保嬰

今靈緒鄉近孝子墓邨落生子三日取墓上土洗兒周晬亦取土供之以祝孝也土人云

董秉純

純德堂編卷七下 題錄

六四明叢書

約園刊本

汲水療疾

慈母舊時飲新緣病日思沈疴定可愈勺水苦難移小築清溪畔連筒碧澗湄至今大隱路燦燦白華垂

埴土得泉

母病已云痊板輿歸故田何期白茅屋也有碧流泉一脈憑誰注千秋尙可傳匹夫有至性每每格蒼天

斬仇祭墓

借問青松柏何來紅燭醜剛腸飛霹靂赤手斬鴟鷂瀝血爲尊酒劄心作庶羞冥冥抔土裏此奠尙知不

自囚請罪

大仇今已報一死我所甘爲愛天倫五寧逃國法三束身入司敗專殺本曾參慷慨從容際恩明義更諳

辭徵終隱

捧檄昔所喜今胡百感橫家方遭不造我以禍沾榮明主恩原厚終天恨未平小臣毋墓在長願守柴荆

慈溪署縣

古縣甬江西名因董子題一泓流孝德千載署慈溪健筆傳金石雄文錄會稽何如錫嘉號日日誦羣黎

純德彙編卷下 題詠

七四明叢書

約園刊本

虞叔寧典錄

東南有英俊范史竟遺忘不有虞都尉幾無董議郎單身荒野遯繞屋乳鳥翔試讀王郎問鄉賢孰可方

木玄虛圖詠

木華方外士亦復重彝倫爲詠佳山水遙拈昔聖仁洞天光岳聚鑑曲姓名真此是鄉先哲無勞援化人

徐會稽書碑

季海書家傑崢嶸孝子碑怒猊健舞石天馬渴奔池入法何人備三家此地奇惜哉稀世物竟使世無遺

邱節使偕隱

皇帝聘邱民翹車出使臣那知金馬客羨煞草廬人千
里投膠漆明山迭王賓至今堂廡上留有几筵陳

謝舉羽避暑

謝翹慟哭後晞髮雨之東暫寄南郊寺頻來孝子宮涼
風吹宿草佳句滿詩筒可惜傳聞異高墩變謝公

何司理神夢

鷺州亦志士一德隱相通夢寄燕山北神驚雨水東伐
林新大廈展祀及封公今日清瀾館應欣俎豆同

今清瀾館

純德彙編卷七下 題詠

八十四册 叢書

約園刊本

竝祀
何公

汲水沙

龍窟永昌潭靈蹤尙可採白雲四望合綠水一溪含淺
淺留沙渚遙遙得舊談山川亦何幸微迹不終淹

慈溪巷

慈溪流汗漫古巷接淵源水以人增重街因水亦尊鮮
烹寒月鯉香發綠隄萱可惜尋遺廟丹青無一存

孝子井

曲巷小橋西何年舊井低水微龜出曝市近鴨爭栖古

篆眠荒草殘瓢褪碧泥若非純孝澤誰復話前題

滴淚潭

淺淺荒原水猶傳誓墓時千秋渾未涸一滴竟長垂未許埋爲碧何時雪此悲三春盈士女有母可無思

望母洞

古洞碧陰陰二千年至今不封苔蘚跡滿貯孝慈心望眼穿何益幽思積愈深傳聞風雨夜長此寄哀音

祭母文

片石西畦杳徐卿妙墨亡如何搜古帙尙得誦遺章至

純德彙編卷七下 題詠

九四明叢書

約園刊本

性不可沒眞精無盡藏從來大文字止在寫倫常

浮碧山故宅

山中人不見尙見碧雲浮一徑澗花落數聲荒磬留停車無過客嚼草有溪牛誰識千年上干旌此地求

大隱溪寓亭

黃公棲隱處孝子筍輿經流水門前綠高峯屋後青求魚沈鐵網洗藥挈銀鉶底事恩恩去山靈問客星

郡城南墓廬

廬墓人恆有於公極可憐水漿和膽歎苦草枕戈眠憤

激思彌切悲來恨滿填淒涼茅一角容易度三年

董家園孝墓

董公藏魄處厥號本長存靈緒湖邊土黃楊奧底園千竿籬腳筍一帶石頭垣

籬下牆根繫
壘或卽古蹟

何事煩搜異輕將

舊牘翻

謂聞
氏志

闕湖北廟址

延光崇孝子死廟卽生居奕奕誰新作煌煌有特書

謂樓

宣獻公碑記豈知遷國典竟至改吾廬世事類如此誰當辨

魯魚自洪武開遷慈祭於郡遂訛府治南廟爲故居至改孝子爲鄧人

純德堂編卷七下 題詠

十四明藏書

約園刊本

徵君宋璽像

一幅剡溪竹相傳神所貽雲龍奎閣寶海鶴碧霄姿章服偏淳古英靈儼在茲雲孫瞻拜罷想見陟臨時

祥烏

夜半泣呱呱人乎抑烏乎墓前立孝子天半繞慈烏月白星河淡霜青草木枯咄哉夫己氏物蠢勝人愚

謂王寄

古松

墓田老松樹獨立幾何年非有明光護何因歷劫沿鶴飛華表柱濤響夕陽天纔了苦寒節春山泣杜鵑

禡兵

何以雲屯日喧傳獸散辰未闕臨大敵都爲震明神烽
火存疑信旌旗認假真勞他賢御史驄馬靖民人

熄火

奉國樓東火

奉國樓卽今鼓樓

三回暹寢宮光芒搖盞棟飛草

盪炎風不用呼龍伯行看返祝融明朝父老過醴酒賀
神功

卻寶

天功未可冒況我母閨居試問馳龍馭何如御板輿秋

純德堂編卷七下題詠

十二四明叢書

約園刊本

風肥稻蟹江上打鱸魚爾有高堂奉偏勞報及予

保嬰

綠草團爲餅青輒弄若璋洗兒勤致祝緩帶必登場自
是英靈遠能教風俗良山陵有孝子永錫類無方

董華鈞

汲水療疾

甘泉親所嗜因病每追思遠汲時難繼僑居宅可移挽
輿山以北勿藥水之湄遺蹟懷無盡白雲天際垂

培土得泉

汨汨復涓涓清流浸野田借問碧雲麓何來妙澗泉孝
思山谷應靈蹟古今傳迴望慈湖合波光接遠天

斬仇祭墓

爲母平遺恨墓陳紅鬪牒哀音憐鳥獸粹手斬鴟鷂寧
事匹夫勇無貽人子羞試稽班范冊有似乃公不

自囚請罪

報仇吾事畢擅殺罪原甘此際腸迴九非關法約三公
庭鳴鼓入狴戶束身參從古求仁者惟爭大義諳

辭徵終隱

純德彙編卷七下 題詠

十二 四明叢書

約園刊本

九重飛鳳詔車馬墓廬橫轉禍雖爲福偷生敢冒榮主
恩非不渥臣憾尙難平再拜辭天使悲風繞棘荆

慈溪署縣

山縣郡城西句章舊有題古風懷孝子新號錫慈溪化
竝流泉永碑從眾口稽喜他賢宰執以德導羣黎

虞叔寧典錄

孝子句章俊芳名迴不忘曾聞昔郡吏明白對王郎浩
氣林泉鑑仁風鳥獸翔至今吳錄在師表振殊方

木玄虛圖詠

七十高峯秀誕公篤大倫涌泉非繡地卻祿乃求仁祕
監筮應實仙家詠果真同稱有鮑子懿行屬何人

徐會稽書碑

葺廟推賢守流芳誦斷碑筆花騰北斗墨彩煥春池別
駕書千古明州孝獨奇摩娑先世澤樹本重留遺

邱節使偕隱

抗節有天民高風感使臣簪投大隱水名駕漢廷人臭
味一時合牲牢百世賓試看虔祀日邈豆總同陳

謝皋羽避暑

純儻編卷七下 題詠

十三四明叢書
約圖刊本

皋父宋遺老避居來海東驕陽趨漢墓爽氣散琳宮松
柏涼生雨詩欲快滿筒傳聞詞縱異鴻筆羨名公

爲孝
子墓

誤以
母墓

何司理神夢

司理金臺邸靈萱有夢通傳神在千里覲面忽江東佳
話垂鴻筆北樓懷謝公連萱看新廟靈爽許誰同

汲水沙

幾笏尙澄潭披沙試一探龍歸滄海遠溪漲白雲含蹟
不移高岸人猶作美談承歡想當日提汲未曾淹

慈溪巷

曲逕流餘澤稱名溯本源邑緣慈母著巷以醴泉尊地

按城東脈人懷堂北萱翻思營建處名與實何存宋林大令

曾改建祠於此

孝子井

古井小橋西甘泉螿石低一泓涵孝澤百練給幽棲隱

約留丹篆澄空漾碧泥萬家同食德珍重誦前題謂方子高

馮次牧諸詩

滴淚潭

純德彙編卷七下 題詠

十四 四明叢書 納園刊本

霍霍磨刀日漣漣營墓時終天恨罔極抔土淚長垂點

滴真無盡殷紅劇可悲到今全化碧潭影繫人思

望母洞

慈母墓之陰旁留穴到今試從一隙地想見昔年心穆

穆窺無際依依思倍深我來尋舊蹟空處有悲音

祭母文

著述銷兵火遺文幸未亡聲聲杜宇血字字蓼莪章星

日昭肝膈龍蛇顯祕藏郡南鐫片石萬古豎綱常

浮碧山故宅

一片碧雲浮遺蹤誰與求
名山形勝處古宅考槃留
精自藏雷電光還射斗牛
後來談妙澗亦復重山邱

大隱溪寓亭

大隱黃公里籃輿幾度經
風翻蘭草白雲護蜜花青
洞有真仙錄山埋洗藥瓶
問誰堪鼎足落落已晨星

郡城南墓廬

悼母情無限相依倍可憐
一廬惟月鑑五夜伴霜眠
莫狀愁山積難將恨海填
至今松柏裏有淚滴千年

董家園孝墓

德輿編卷七下 題詠

十五 四明叢書

約園刊本

鬱鬱黃楊奧巍然漢墓存
長年藏體魄有姓著家園
土俗留遺事行人識短垣
汝陽吾世守案牘幾時翻

謂郎藩司

斷案

闕湖北廟址

水北雲深處由來孝子居
廟隆東漢詔碑仰會稽書
劫火飛殘瓦秋煙冷舊廬
徘徊湖上路想見泣皋魚

徵君宋蟹像

千年跨鶴後重見碧霄姿
豈特天人肖還看寶玉貽
精光原不沒神授信惟茲
一幅懸家廟雲開日麗時

祥鳥

烏豈知人意紛紛底事乎哀音起靜夜庭樹戀祥鳥白
首遙相弔清琴曲未枯感孚由氣類疇曰羽蟲愚

古松

墓前松兀立蒼老闕千年獨爲一抔守相隨寸草沿重
重披烈日謾謾響遙天只願巢歸鶴長憐叫蜀鴟

禩兵

倭寇披猖日英靈赫怒辰何期屯小卒尙敢侮明神電
閃旌旗似雷轟叱咤真至今堂陛下不敢臥遊人

純德堂編卷七下題詠

十六四明叢書

約園刊本

熄火

烈燄幾番虐偏知避我公不須喫蜀酒自覺反江風功
或侔玄冥誠能感祝融更施大惠濟清晏荷豐功

卻養

萬寶西成日豐功八蜡居我方歡菽水爾乃迓籃輿太
歲今交木吾民或夢魚盈寧宜介壽報德莫思予

保嬰

瓜瓞蕃靈緒神明喜弄璋三朝湯餅會抬土董家場慈
德民宜好流風俗最良願推赤子澤懷保徧遐方

李昌泉 字海若鄞人雍正癸卯武舉人

斬仇祭墓

斬寄不足奇奇於直待寄母死寄則不仁母何辜忍令親見殺其子攜頭祭墓哭慈親親之冤痛今已伸始知斬仇勇仍寓錫類仁要使二母遇泉下寄母決不董母
嗔

辭徵終隱

以孝邀名已不忍以孝沽榮更可哂臣罪當誅無可逃天王明聖還加憫麻衣如雪勝朝章廬墓不登天子堂

純德堂編卷七下 題詠

十七四明叢書 約園刊本

單身林野何足慮自有祥烏早夜翔

盧 鎔 字配京鄞人乾隆癸酉舉人官平陽教諭

謝臬羽避暑

西臺江上客浪跡兩江東海日瞻朱鳥荒雲憶故宮淒涼尋漢墓嗷怨繼宗工莫苦求陳迹疑詞到寓公

厲 荃 字靜蘇邑人乾隆癸酉拔貢官汀南望江縣知縣

木玄虛圖詠

方外書多誕山圖語未真欲張仙者錄借重古賢人劉阮寧同調精誠自可神明州小鄒魯所尙在人倫

仇啓昆字模童鄞人乾隆庚辰舉人官緒雲教諭

董家園孝墓

乾坤抔土在純孝至今存
客過黃楊奧人傳董氏園春
風吹野樹落日照頽垣
借問誰爲主雙雙燕子翻

桂廷蒔字海洲號虛筠邑人乾隆甲午舉人著有虛筠詩集

汲水療疾

幸得療親疾承甘遠亦攜矧
茲一勺水祇隔片峯西
萱景日低嶺白華香滿溪
春暉如未老寸草戀巖栖

慈溪署縣

純德齋編卷七下 題詠

十八回明叢書 約園刊本

句邑改名慈人倫得所師一峯蒼翠裏終古白雲垂
泉草悉春色煙霞無盡時此中桑與梓不種萬花枝

顧字嵩喬號小廛生

汲水療疾

母病思飲泉道遠苦取給築室臨清溪
朝暮親引汲落日薄西山抱甕長
獨立遺蹟空荆榛泉聲尙嗚咽

李聲金字東序號鈍齋邑人廩生

啗土得泉

水德生天一源頭忽可尋
孝慈徵有象山澤感無心色

養渾貧富泉流徹古今梓桑同食德莫負北堂陰

屠可播

字嘉穀鄞人庠生

浮碧山故宅

孝子當年宅寒煙一逕浮翠無慈竹護紅有晚花留寺
老秋歸鶴山空畫放牛路人遙指點曾此卧羊求

倪承天

字象占象山人優貢生

慈溪署縣

千載慈溪縣名因孝子長夜烏知繞郭春竹自成行潮
水通江冷溪毛薦廟香何如張掖郡從古有鹹鄉

純德齋編卷七下題詠

十九四明叢書

約園刊本

仇國垣

字星門鄞人歲貢生

大隱溪寓亭

大隱溪邊路籃輿昔暫經山棲一水碧雲卧萬峯青求
鯉煙籠釣迎流月在瓶小人有老母何以慰星星

范用炳

字文虎鄞人廩生

望母洞

雷聲轟轟怵惕慈魂孝子事死定省晨昏墓草荒荒墓
穴堂堂孝子出入常在母旁願雷不鳴雷鳴母驚雷有
時不鳴母不再生嗟嗟蒼天胡不情不擊人間不孝子

乃爾虛其聲

滴淚潭

潭水漪漪寒且潔孝子思親淚成血一滴千年凍作冰
歲久漸被春風裂春風裂處水痕平風水相涵潭影清
行人但見潭光皎誰憶當年孝子情風淒淒水盈盈滴
淚潭有哭聲

項茂禮

字嘉會
里人

斬仇祭墓

孝子母爲寄死十餘年痛切齒寄亦有母尙生存誓不

純德彙編卷七下 題詠

三四明叢書

約園刊本

戴天且姑俟一日磨刀霍霍報大仇手提淋漓紅鬪髓
杜宇聲中來拜松楸舊冤雪矣恩始酬大文遂與豐碑
留吁嗟乎孝子之孝孰與儔

魏

基字光初
里人

慈溪署縣

歷歷句章縣如何忽改題只因有孝子遂爾號慈溪有
母終歸善何人古與稽賢哉房邑令特表示羣黎

邱節使偕隱

落落一鮮民如何感使臣白雲難贈客清節動行人願

結山林友無拘雞黍賓于今同伏臘亦復重雷陳

望母洞

古洞傍松陰淒淒直到今乾坤雙淚眼風雨百年心望
母幽思切終天別恨深不須終夜聽想見有哀音

浮碧山故宅

故宅臨流在寒煙繞麓浮碧山今雨歇清磬暮雲留樹
老長呼鶴溪清不飲牛春風堪作伴千載獨相求

大隱溪寓亭

溪上黃公隱亭前孝子經半巖華更白一徑草還青鯉

純德齋續卷七下題詠

三四明叢書

約閱刊本

躍歡收釣猿啼候挈瓶恩歸去也秋水落寒星

祥鳥

氣類誰能感其非孝子乎辛勤來瑞鳥涕泣集祥鳥顧
影頭應白聞聲淚亦枯多君能反哺不解逆兒愚

黃凌霄

字燕及鄞友岸生
孝子五十六世孫

古松

漢朝古墓長松樹風雨摧殘是幾時老幹不留龍甲影
遺聞賸有石城詩五更濤涌尋餘響三匝鳥飛失舊枝
何日重看培宰木鬱蔥佳氣滿虬枝

董

任字又衡鄞支太學生官貴州普安州亦貢孔巡檢孝子五十七世孫

祥烏

廬墓當年血淚賒荒郊形影弔寒鴉呼羣飛似憐岑寂
繞樹鳴還助歎嗟不信哀音通小鳥絕無懿德感鄰悞
空山此恨成千古腸斷烏私痛白華

董秉縉

字立儒鄞支太學生此下孝子五十八世孫

禠兵

金戈鐵馬擾鄰封戒備森嚴闔郡同未許賊氛侵蔀屋
敢教屯卒慢祠宮三更霹靂騰虛室萬隊熊羆降碧空

純德堂編卷七下題詠

三四明鏡書

約園刊本

閃爍神威遐邇震昆夷也復竄臙臙

董秉鼎

字象一鄞支歲貢生

熄火

祝融遺虐燭明州海曙蓮花失曉籌海曙鼓樓名曾育蓮漏幾度
煙塵空萬瓦歸然金碧峙神樓泉曾涌地調甘脆火亦
迴風避絳幃呵護在天靈赫奕北堂端爲白雲留

董懋焯

字炳堯鄞支歲貢生此下孝子五十九世孫

卻賽

秋老西疇萬寶成沿邨簫鼓賽神明誰迴崇法岡頭駕

不逐南郊社老旌，遠水慈顏愁競渡。
楓林鶴髮怕商聲，敢將秉燭行遊興。
勞動門闕倚望情。

董澄川

字江祖，鄞支乾，
隆庚寅舉人。

保嬰

靈緒山坳古墓存，近鄉遺俗話諸昆。
爭搏一撮松楸土，徧祝千家襍祿孫。
白酒儘澆高士隴，青錢不擲洗兒盆。
丁寧少壯無慙董，記取前型在舊園。

董澄淵

字水英，鄞支太學生。

汲水療疾

純德齋編卷七下 題詠

三十四明叢書
新編刊本

築室隱溪畔，溪清可奉親。
孝寧云竭力，病竊喜回春。
曲湖慈雲台，空山愛日新。
此中無限意，菽水願終身。

董懋瀾

字水之，鄞支太學生。

埴土得泉

自與隱溪別，無由近碧漣。
那知坎坏土，竟得挹清泉。
醴訝無源出，甘欣一脈連。
澄波時可致，恩澤感皇天。

董懋震

虞叔寧典錄

一代非常士，遺蹤史外探。
秀靈鍾海甸，人物冠東南。
白

日霜鋒迴寒林宿鳥酣蔚宗多闕略虞錄幸留參

木玄虛圖詠

欲奉仙人號山靈笑爾癡玄修多誕幻實行轉神奇德
立羣生命風高百世師鮑全安足媿不死在民彝

董步瀛

字希一號槐軒庠生

徐會稽書碑

墨寶唐賢蹟清聲誦會稽錄增金石重名著李顏齊古
廟空文藻殘碑渺雪泥閒來評八法山谷悵留題

邱節使偕隱

純德齋編卷七下 題詠

三四四明叢書
約園刊本

孝乃忠之本微翻隱與偕德原天地台情自漆膠諧黼
黻捐塵夢煙霞結素懷定知非遜迹明發感同儕

董有恆

此下孝子
六世孫

謝皋羽避暑

莫遂勤王志明州暫避蹤淒涼身世淚寥落水雲筇古
墓無人徑空山遠寺鐘半歸閒寄託徵實笑塵封

何司理神夢

髣髴慈雲像春官謁夢中精誠幽必格化理孝宜崇蘋
藻前楹奠馨香後閣通白華存歿意昭示竟何窮

董華桂

字燕義

浮碧山故宅

宅卜廬江守青山接茂陵一椽先澤永四壁素風仍研

北空麟史

世以春秋爲家學

牆東閃佛燈

宅東爲普濟寺

當年貧不瘠

子舍有歡騰

大隱溪寓亭

遠汲終非計黃公暫卜鄰有亭容晏息隨地樂昏晨活
水烹佳茗幽蘭采暮春慈顏占勿藥還守舊荆榛

董桂芳

純德集編卷七下 題詠

三五四明叢書
約園刊本

郡城南墓廬

指點城南路茅廬每獨眠清溪非故宅翠柏守新阡生
死常懷母衷腸歎訴天夜來時不寐霜鋤起寒煙

董家園孝墓

馬鬣封何處黃楊奧尙存問誰埋斷碣徵姓得名園麥
飯兵荒杳芸編蠹蝕翻翁洲遺句在柳下隴彌尊

董華鏜

字進聲贈儒林郎

闕湖北廟址

半畝湖邊宅輝煌湖立祠明禋隆漢詔文采振唐碑落

日蒼苔滑秋風古廟移斷垣衰草外賸有水名慈

徵君宋璽像

不共煙雲滅精光滿幅中子臣留正氣儒俠想英風墨
寶東京古硃研北宋紅焚香一瞻拜呵護頌神功

董明倫

字敬敷號鏡湖廩貢生

辭徵終隱

鳳詔入蓬室布衣前致辭痛親長已矣受祿亦何爲不
死恩難答殊榮意豈期劇慚孤孀子辜負聖明知

董肇銘

字殷盤號潔齋庠生此下孝子六十一世孫

純德堂編卷七下題詠

壬子西明叢書

約園刊本

斬仇祭奠

自母遭仇虐霜鋒枕不眠一朝殲大憝十載哭啼鵲酒
漚頭顱血碑荒墓草煙九原目瞑否虹貫白雲天

董肇登

字岸臨號愚溪庠生

自囚請罪

既雪鄰仇恨還持擅殺衡失刑司敗責請罪部民誠一
死親恩答三章漢法平從來純孝士大義敢縱橫

匾聯補

邑廟宗祠匾額

純德堂

宋嘉定辛巳寶謨閣學士邑人楊簡題

至德大名

明萬曆戊戌太僕寺卿邑人劉伯淵題

萬古子極

萬曆癸丑邑令閩人林懷永題

格天錫類

萬曆丁巳邑令崑山陳其柱題

天經地義

崇禎辛未邑令休寧汪偉題

孝隆肇邑

國朝康熙壬子浙江按察使金維藩題

大孝全仁

乾隆己亥果郡王題

邑廟宗祠楹聯

日月爲昭

純德堂編卷七下 匾聯

三十四明叢書

約園刊本

今古不磨

凡我民誰無父母

爲人子過此思量

神祐谿光天地老

國恩廟食几筵春

孝爲慈本開百世烝嘗杯罍中猶帶溪流幾曲

慈以孝傳饗千年血食牲牲內儼供頭顱一顆

邑人馮元仲題

孝溪曷以慈著善則歸親推諸四海具見瓶罍之義

庸德獨以純衷志非干祿饗於百世焉儻菽水之歡

裔孫日价題

欲與仇同盡劔提一尺恨抱終天風送潭聲傳滴淚
豈以罪沽榮法有三章心依抔土雲封松色仰辭微

錢塘袁渚孫題

純德彙編卷七下

圖聯

子天四明叢書
約園刊本

純德彙編卷七下

純德彙編續刻目次

題詠

彙編一書茲當發刻沛雖參攷補訂視舊加詳然
總歸先梅坡公原書不敢立異惟後賢題詠時代
不同未便依類併入謹錄如干首別爲續刻其間
先異姓次本宗則仍舊例也

純德頌

胡海

董孝子歌

翁元圻

遊句章訪董徵君軼事敬賦

沈廷寵

純德彙編續刻 目次

一四明叢書
續刻刊本

董孝子祠

陳棟

董孝子詞二首

胡校

董孝子

韓元照

董孝子贊

秦士豪

董孝子

柯振嶽

董孝子

孫翰

復讎

葉向榮

辭召

葉向榮

題董孝子傳後

陳鍾麟

謁南城董孝子廟

王焯

讀董孝子傳

秦章

董孝子復讎

周本

慈溪

周銓

董孝子復仇

王約

陪祭南城孝祖廟並謁啓孝祠追懷先正二醇省

齋二公

董榮

頌六世祖純德徵君

董明倫

謁黃楊奧孝祖墓

董肇銘

純德堂編續刻 目次

一四明叢書
約園刊本

書郡志先徵君傳後

董景深

郡城南孝母墓

董朝儀

靈緒鄉孝祖墓

董朝儀

北湖孝廟故址

董朝儀

南城孝廟建置

董朝儀

感孝祖遺事敬賦

董泗

謁黃楊奧孝祖墓

董景濶

頌孝祖詩八章

董肇競

汲水沙

董承濂

慈溪巷

董承濂

孝子并

董承濂

滴淚潭

董承濂

望母洞

董承濂

祭母文

董承濂

孝祖頌

董景沛

頌六世祖純德徵君

董承寬

感孝祖復仇事敬賦

董秉忠

謁孝祖遺像

董秉熙

純德彙編續刻 目次

三四明叢書
續開刊本

讀慈母墓碑陰斬讎祭母文

董 鱗

尋先徵君故宅

董 衡

孝祖頌

董 楷

感孝祖復讎辭爵心爲至苦敬賦

董浦南

孝祖復讎

董仁澄

謁黃楊輿孝祖墓

董繡林

讀孝祖墓有感

董維杖

祖德吟

董維桂

雍正鎮海志載吾孝祖墓在鎮邑靈緒鄉達蓬山

麓并載宋應徽謁孝墓詩足證康熙間徇鄭志
翻墓案之非作此寄慨

董維梧

和族祖抑儒孝祖遺事詩三十首

董仁溥

書全祖望東京雙詔說後

董躍津

純德樂編續刻

目次

四四明叢書

約園刊本

純德彙編續刻

六十一世孫景沛增訂

題詠

胡

海

山陰人由廣東商學中乾隆庚寅舉人官慈溪教諭

純德頌

孝首百行發由中誠天經地義不外人情懿哉孝子孝
以色養甘旨力營舍旁泉涌大隱同清逆豎懷嫉辱及
所生豈不欲報念鄰母惇枕戈久待淚河環瀛卒斫仇
頭祭告親塋束身遇赦夫誰使令永逃徵辟孝匪爲名

純德彙編續刻

題詠

一四明叢書

約園刊本

懿哉孝子強恕求仁仁孝斯并後世復讎厥惟荒僮儒
臣駁議刑禮紛更我來秉鐸景賢維行肅贈遺像與祭
有榮頌德不朽勒諸珉貞

翁元圻

字載清號鳳西餘姚人乾隆戊戌進士官湖南布政

董孝子歌

母在兒不仕隱句章汲溪水母亡兒甘死斬仇頭墓前
祀清流娛母心鴉音刺母耳一汲一殺之兒願已足矣
吁嗟乎東京風節千古垂如公之孝更有誰隔江新立

曹娥碑

沈廷龍

字炎 錢塘人
乾隆己亥舉人

遊句章訪董徵君軼事故賦

萬物之靈氣於何而來祇此至性所激發而成哉萬物之恩仇於何而開乃自有生所蟠結而胚胎偉哉董公一身之事跡難數指當日空前絕後以成我心之獨是十年寢食不敢安夜雨欲泣霜刀寒正氣一動山岳亦震撼報仇雪恨此之謂大丈夫配道義之勇敢其初以孝推孝故遲遲其後以孝誅不孝卽爲國家受命之士師帝聞之曰俞汝賢辟書屢下志愈堅國法無倖逃國

純德堂編續刻 題詠

二四明叢書
約園刊本

典寧濫叨天高地下何所有俯瞰形影仰搔首春一韭秋一牡瀝盡霜露江海飲血魂歸否鞭石馬兮酸嘶驚山鬼兮悲嘯風蕭蕭兮宿草淒水茫茫兮暮雲低哀吾生與吾母兮空慘懷信乎我公之高致不可步我公之孝行尤不可趨附建祠立廟百代俎豆歷久而如故屢遭兵燹終賴神氣常呵護我來瞻禮閱幾秋憑弔軼事不知精爽何處留但覺黃塵白日終古相對空山愁

陳

棟 字德載號
松軒里人

董孝子祠

純德當年不易窺端從庸行見神奇歡承翠菽千鍾淡
痛切荒邱一劔知庭柏半枯猶記漢溪流長涌總稱慈
夕陽墮處烏飛急反哺情同噪古祠

胡

枚

號梁園石門人乾隆乙卯進士官戶部郎中貴州學政

董孝子詞二首

一片清溪水千秋孝子名天心憐遠汲泉眼忽旁生萊
老斑常舞王祥鯉試烹孰如新邑號慈澤徧春城
母死兒甘死腰閒劔有鋒何年仇授首中夜涕沾胸白
刃讎終復黃泉路可逢倖生非本志朝服肯相從

純德彙編續刻

題詠

三四明叢書

約圖刊本

韓元照

字鏡若邑人庠生

董孝子

浮碧山陰孝子居清泉一勺涌成渠可憐慈母違終養
不斬仇人枉讀書劔指白虹誠磊落詔銜丹鳳轉歛獻
當年心事烏先覺日夜悲鳴繞墓廬

秦士豪

字起林號配陵邑人捐兩廣鹽運知事署理惠州淡水場大使

董孝子贊

扶輿鬱精鍾英前哲至哉純孝養親以力精誠格天靈
泉涌出飲泣枕戈仇讎就馘氣作山河名揭日月永錫

純懿風茲鄉邑

柯振嶽

字齊青號訥齋里人
嘉慶己卯恩貢生

董孝子

一峯浮碧遠終古白雲新母老無憂瘠溪清不厭貧復
仇非子幸辭爵志君仁寸草心無盡長含天地春

孫

翰 字西林號冕
汀里人庠生

董孝子

卓哉純德公家貧少失怙養母獻肥甘所資惟勤苦天
憫遠汲勞泉涌舍旁土母飲疾乃瘳惟孝受天祐公曰

純德集編續刻 題詠

四四明叢書
約園刊本

慈所感何有孝足數鴟鴞居西鄰反觸相形怒肥瘠片
詞閒北堂橫遭侮母沒廬墓旁哀鳴烏同舞血淚滴盈
潭霜鋒時摩撫一朝復大仇甘心就罪罟公私期兩全
念不到簪組議郎破格榮親死恩何補願終守墓田松
柏寒煙吐軼事汗青誇芳型名教樹至今慈水香遺澤
東南溥卓哉純德公高風足千古

葉向榮

字象搗號春坪
餘姚人歲貢生

復讎

幾回飲泣復吞聲事不遲遲勢不行此逆肯令天共戴

一時姑許爾偷生枕戈落日悲腸斷洒血荒郊浩氣橫
庸行翻成奇節著當年隱恨尙難平

辭召

詔書星夜下句章覆載深仁謝漢王罪坐殺人君曰宥
恩圖報國子彌傷九原無日歌將母一職何顏拜議郎
高臥碧山非石隱墓廬松柏鬱蒼蒼

陳鍾麟

號厚甫江蘇元和人嘉慶己未進士
出翰林遷戶部員外郎軍機行走

題董孝子傳後

春秋大復讎詩歌重錫類苟非至性賅仁勇難兼備董

純德堂編續刻 題詠

五四明樓書目
繪圖刊本

君古完人孝行稱不匱色養怡晨昏給鮮調七柩食貧
甘藿藜捧席羅珍餌融融孺慕思純德洽鄰比烏梟不
並巢薰誼同器何來忤逆鄰千秋怨王寄孝母貧益
陝逆母富而賴豈緣貧富殊抑爲存心累相形乃見優
竟招毒獍忌驚飈颯高枝吹動金菱墜嗚呼慈母哀忽
焉遭變驚對茲心肝摧號天迸血淚那無報復心市朝
力能肆所嗟伊母存嗷嗷待滄瀧忍彼景桑榆見子罹
礎鎖推恩及讎親仁覆侔天地躋躡戴天恥匍匐歸苦
次三年卜牛眠五夜泣鼠思結廬墓木拱隱忍甘抱愧

月黑叫鶴鶴山空走魑魅人壽應有期天網何能罅寧
知冥冥中有客眈眈伺孝子奮然興今可完而志解佩
吳鉤鳴刃向讎胸判一怒大義伸捷若下坂驥手擲紅
鬪體雪衣噴血漬澆酒墓前土真誠達幽隧鋤凶母神
爰成仁子願遂再拜在天靈歸命執法吏終感教孝衷
竟從末減議天語降輝煌龍章煥旌異魏我列宿尊卓
犖高人致寧肯老爲郎去之如敝屣乃知孝子心勇決
亦仁至藏機蟄龍眠赴義怒鷹駛一擊氣如虹諸天快
遊戲君志貴日月君名昭乘誌至今句章民俯仰動翹

純德堂編續刻 題詠

六十四明錄卷首

約圖刊本

企香火萬萬年炎蒸潔餽儲森森廟貌嚴鬱鬱寢宮闕
鶴山揚高風結亭溥福利民食慈溪慈永懷孝子賜

王

焯字映南號文
麓里人庠生

謁南城董孝子廟

沒世何人最不忘惟公純孝冠倫常承歡綠浦門前水
洩恨青飛匣裏霜廟食漢唐碑煥彩溪環城郭邑流香
我來憑弔寒松柏猶聽雛烏噪夕陽

秦

章字斐成號亦湖
邑人郡增生

讀董孝子傳

偉哉董孝子一劍扶綱常奇氣出庸行大順成至剛昔
公敦孝養汲水奉北堂至樂在庭闈富貴非所望梟獍
乃接境忠告以見戕風木萬古恨血淚盈麻裳豈忘仇
共戴曰寄母未亡躊躇策萬全劍匣生寒芒寄母死且
葬奮勇除豺狼提首告母墓束身歸王章漢廷隆孝治
宥罪拜議郎望闕辭恩詔願終守墓莊欲養不復得仇
報心轉傷母死之謂何而博聲譽彰慈溪一泓水流恨
何汪洋豈意身後名乃與溪流長

周

本

字心學號少溪
邑人郡廩生

絕德彙編續刻

題詠

七

四明叢書

約園刊本

董孝子復讎

淚涌溪流去空山獨枕戈殺人仁者當逆子富家多不
壞朝廷法終含天地和九原能永慰之死已無佗

周

銓

字晉山
人庠生

慈溪

歡承菽水本無奇日習相忘卽孝慈天若故添平淡色
一泓飛出舍南籬

王

約

字簡夫號
西嶼邑人

董孝子復仇

仇有母我無親天共戴劔生暝我無親仇有母子可誅
母何負林烏泣墓草枯十年淚一仇願是孝子是仁者
卓古今昭區夏

董

榮 原名懋芹字泮香庠
生孝子五十九世孫

陪祭城南孝祖廟並謁啓孝祠追懷先正二醇

省齋二公

郡城移像溯張公故邑翻嗟俎豆空復廟斷推淮守力
肯堂還賴逸民功 邑廟萬曆開二醇公復建子
省齋公又於廟右建啓孝祠 歡承父

母馨香洽志紹家庭典禮崇蘋藻不虛靈爽赫孫謀祖

純德彙編續刻 題詠

八四册 叢書

約園刊本

德仰無窮

董明倫

孝子六
十世孫

頌六世祖純德徵君集葩經

嗟嗟列祖君子有孝子父兮生我無母何恃欲報之德
曷維其已 英英白雲在水之湄瀏其清矣酌言獻之
衡門之下永言孝思 母氏聖善逢彼之怒至于暴矣
憂心愈愈於乎有哀泣涕如雨 煢煢在疚我獨不敢
休于今三年執我仇仇既伏其辜亦又何求 子子干
旌無踰我園玄衮赤舄匪我思存 上帝耆之壽考維

祺本支百世是饗是宜

董肇銘 此下孝子六十一世孫

謁黃楊輿孝祖墓

古墓空山閱漢秋英靈長想海東頭原甘晦迹常依母
不幸成名爲復讎雙詔豈能酬菽水一抔時見哭松楸
至今風雨黃楊輿猶似思親慘暮愁

董景深 字淵如號若水

書郡志先徵君傳後 志誤孝子爲鄧人故正之

地以先賢重攀援亦世情豈知唐代邑早定漢時名溪

純德彙編續刻題詠

九四朔叢書約園刊本

水流如故朝章辨易明寄言修志者無事太紛更

董朝儀 字鳳來號西岡乾隆丁酉舉人官淳安教諭

郡城南孝母墓

慈母佳城奕世培年年二月翦蒿萊林舍野色飛烏鳥
碑映春暉上綠苔遺老幾經傳亥豕 謂謝長裕淚潭依舊看
滌洄卽今隴畔松濤寂風雨猶疑省墓來

靈緒鄉孝祖墓

漢朝遺墓柏蒼蒼海國千年守舊鄉日暮祥烏仍作陣
春深慈竹尙生香頽垣跡古園名董參政詩高輿指楊

謂應寄語山翁勤保護格天靈爽迥非常

北湖孝廟故址

故居立廟顯當時猶記延光錫詔詞典閱漢唐隆舊制
劫遭風火失前規徐卿斷碣埋蒼蘚孝水春流繞碧漪
認取卜鄰楊子宅面湖遺跡總堪思

南城孝廟建置

前明祀典郡稱優崇孝新宮泮水陬日本風煙嗟玉石
雲孫蘋藻請春秋鴻文記重楊詹事秬鬯儀隆趙邑侯
赫奕城南度對越孝溪千派佩神庥

純德彙編續刻題詠

十四明叢書

約園刊本

董泗字浩川
號澹齋

感孝祖遺事敬賦

當年奇蹟著溪流一脈清冷瀉石湫不識世人多飲徧
可能回首認源頭

依依膝下樂何深梟獍無知反見侵一劔豈能抒積憤
空山風雨盡哀音

董景潤

字光緒號數亭
候選州同知

謁黃楊奧孝祖墓

馬鬣巍然保翠巒董家園古石重刊節逢穀雨春谿滑

擔入松風麥飯寒濱海地荒樵掃葉近墳煙暖佛留餐
每歲穀雨日墓祭
借真如庵備飯 買田空有山莊願日暮徘徊發浩歎

董肇競

字紹豐號
芭庵庠生

頌孝祖詩八章

提劍報讎匹夫能爲猗歟我祖仁勇兼之 勇能殺仇
仁以錫類仇有母存鋒不輕試 俟仇母終乃斬仇頭
灑血祭墓日慘雲愁 束身司敗聞於天子天子曰吁
宥孝子死 煌煌丹詔徵爲議郎辭而不受惻焉心傷
母死謂何忍以邀祿紫綬雖榮春暉不復 孝溪水

純德彙編續刻

題詠

十二四明叢書

約園刊本

碧滴淚潭深緬彼往蹟如見其心 凡我後人毋忘祖
德明發有懷是攸是則

董承濂

字莊徵號
隄巢庠生

汲水沙

汲水立溪頭平沙亙古留豈緣春雨漲時有白雲浮曉
甕鳴山麓潛龍避石湫遺蹤何處覓芳草荻花洲

慈溪巷

溪流從此過小巷亦名慈清淺隨湖折灣環入郭遲舊
巢飛乳燕新竹長春籬里處無嫌隘先民自可師

孝子井

一非流餘澤千秋感孝思水澄西陸日風靜北堂時古
篆猶留漢荒螿卻勝碑寄言親在者引汲莫遲遲

滴淚潭

無限思親淚空潭跡未乾有天能感孝無地可承歡孤
月千年照悲風四野寒至今嗚咽水猶作哭聲看

望母洞

不盡慈暉戀瞻依到墓田蒼煙迷古洞白髮渺重泉風
雨悲腸裂音容望眼穿寢門何處是松影落荒阡

純德彙編續刻 題詠

三四明叢書

一約園刊本

祭母文

一片嗟峨石當年血性留淚痕紅漢篆心迹白吳鉤快
雪鄰兒恨終添寸草愁西風殘照下讀罷墓煙秋

董景沛

字汝霖號雨香又號夢
莊嘉慶甲戌歲貢生

孝祖頌

讎不共天誓必報髑髏未斬氣已到赤毗欲裂霜鋒鳴
急起直追孰云躁我祖拔劍轉涕漣欲報不報情悁悁
暫將仇頭寄仇頸寒芒日夜生悲煙梟獍未必承母喜
衰烏畢竟待兒死因母及母錫類周以子絜子計日俟

仇畢母葬斬仇頭馳告我母拜荒邱九原不作血淚并
一朝抱憾終千秋專殺弗罪非本意旌以議郎心彌悻
小人有母養弗終敢借名高竊天位嗚呼我祖德何純
垂訓萬世爲子身浩然氣以道義配仁者勇非激烈振
假令提刀急相向仇母轉添吾母悵吞聲飲恨遲又遲
報仇之局常而勑漢廷束帛非不鮮列朝禋祀非不虔
人愈尊崇心愈苦何如與母長周旋泉飛屋角清可挹
堂無老母爲誰汲可憐徧地白雲生空向浮碧山頭立

董承寬

字漢風號少
悅附貢生

純德彙編續刻題詠

十三四明叢書

約園刊本

頌六世祖純德徵君

大孝原庸德徵君事事奇一泓溪繞舍千載母稱慈誓
日終鄰姥揮戈斷逆兒主恩雖不次風木有餘悲

董秉忠

字朝英號耿軒
詒授朝議大夫

感孝祖復仇事敬賦

劒枕亡親日讎頭得異年蹟奇良吏白心苦大君宣綵
鳳頒廷詔慈烏守墓田至今城下水猶似隱溪泉

董秉熙

原名秉恬字養
和號春塢貢生

謁孝祖遺像

千古奇姿晦必彰唐碑宋壘燦非常

見韋吾公得像記

神驚劒

雪天偷恨德湖溪流地脈香如此偉人遺漢史到今精采煥句草瞻依自是雲孫幸優懷還思衍慶長

董

原名帷字懋修號竺雲岸生此下孝子六十二世孫

讀慈母墓碑陰斬讎祭母文

白日沈冤雪黃埃宿草生逆兒欣授首吾母痛荒塋血縷和煙篆哀詞挾劒鳴至今摩古碣風雨助悲聲

董

字嶽南號牛山岸生

尋先徵君故宅

純德彙編續刻 題詠

十四四明叢書 約園刊本

慈湖北去闕峯西躑躅斜陽問舊蹊芳草莫留高士屐飛泉猶涌漢時溪一庭聚順春常在兩詔旌賢地不迷記取碧山樵汲處夜深還有乳烏啼

董

字可坊號小斐廬貢生侯補訓導

孝祖頌

烈風吼林白日貫虹拔劒四顧天地冥濛孰傷吾母仇乃爲鄰戴天之恥報胡逡巡仇不敢忘曰矜其母兩母相親情同執友俟彼母終往衝其胸大慙可復黃泉路窮東身歸罪詎敢愛死求誅獲旌念不到此帝曰來前

憂心孔煎跡非高蹈守我墓田事處其常飛泉弗愕事
當其變殊榮弗樂慈水湯湯慈邑堂堂純孝大名與溪
其長

董浦南

原名樹字雨棠園學生

感孝祖復讎辭爵心爲至苦敬賦

一心知有母泉涌亦尋常敢爲殲仇首翻欣拜議郎白
雲空谷杳烏淚墓門涼欲養親何在溪流痛孰長

董仁澄

字文江號練如庠生

孝祖復讎

純德堂編續刻題詠

五四明叢書

約園刊本

色養寒庭樂有泉無端肥瘠啓憂煎忍將吾母捐生日
肯許仇人共戴天裂毗不難腥一劍悲腸胡竟鬱三年
由來錫類推高義孰解紆迴策萬全

董繡林

字蔚東

謁黃楊輿孝祖墓

董園不共滄桑變過客爭鐫有道碑千載乳烏嗁不斷
松楸瑟瑟晚風吹

董維枚

字文木

讀孝祖傳有感

貧肥富瘠兩無尤汲水承顏樂最優豈爲地天能感格
反教梟獍結仇讎荒郊滴淚風雲慘隴上辭徵草木愁
千載縣名標至德慈溪一派水長流

董維桂

字祖巖

祖德吟

廣川有明德達人迺挺生虞錄補漢史純孝炳大名仇
爲親稽誅官因墓謝徵孤詣孔無間至性乾坤撐我獨
嗟孝祖浮碧樂躬耕歛承北堂養水汲南澗清天道遠
莫測飛泉竟效靈林鳥物益蠢聞哭且哀嗚如何東鄰

純德集編續刻

題詠

十六四明叢書

約開刊本

予人類乘彝更富瘠不內愧反將慈母傾母死不復活
仇頭安足烹局踏天地閒何處遺親羹猿腸斷枯樹鴉
血嗚荒塋拔劍時一慟山嶽爲震驚紆迴宿冤雪惻悱
刑法平只求慊寸衷邊計騰虛聲朝野聲洋溢墓廬淚
縱橫因母得子爵捫心益怛怛吁嗟我祖德變與常同
貞人推學養粹我痛哀怨并溪流悅親澤邑表思親誠
十載心如見白華無限情

董維梧

字子琴
號健齋

雍正鎮海志載吾孝祖墓在鎮邑靈緒鄉達蓬

山麓并載宋應徽謁孝墓詩足證康熙開徇
鄧志翻墓案之非作此寄慨

國初尋孝墓迷域爲兵荒譜牒原明晰林巒偶渺茫不
圖芟蔓草妄想闢名疆巧奪先陞課橫侵竟毀牆幸遺
珠尚在欲挂劍無妨世遠徵瑤冊言隄眩法堂泣烏鄧
守家化鶴鎮韜光耐母增聞謬吞闕遂葉狂種松餘地
削澆酒暮煙涼往事歸惆悵陳編賴表彰達達非幻境
靈緒究何鄉姓紀慈流古魂埋漢代香紙錢燒慣見石
碣斷難藏直筆昭星日公言揭梓桑豎儒胡作俑愴父

純德彙編續刻 題詠

十七 四明叢書

約園刊本

漫調簧柳下尊賢隴蝦蟆認舊岡蹟寧同隱僻人自好
講張逞臆翻青簡乘鶯擾白揚一抔留角雀十畝逐亡
羊證得翁洲句功持丙舍防山空神赫濯溪老颺縣長
寄語全雙韭齊東莫弄吭

董仁溥字涵源
號東橋

汲水療疾

有母甘鄉水寧嫌遠汲頻由來親病愈端賴子情真影
顧西山晚香生滿甕春至今遺渚在誰復問前津

埴土得泉

鑿埴深無幾甘泉傍舍流澗壑驚眾目水活想源頭涌
地非關拜盈科豈待求涓涓何處認終古白雲浮

斬仇祭墓

不共仇生死揮刀斬逆奴血看流五步氣足辟千夫自
念冤雖雪深憐母已無哀哀趨墓下白日祭頭顱

自囚請罪

擅誅紛駭絕司敗莫相猜已得親仇復應將國法裁東
身曾讀律陳罪不銜哀視死如歸意差堪慰夜臺

辭徵終隱

純德彙編續刻 題詠

文四明叢書

約園刊本

作忠原本孝特詔賁蓬門罪宥三章法榮叨一命恩竊
傷逾分澤難潤早凋萱感泣空陳謝長春墓雨昏

慈溪署縣

句章傳舊縣何事改慈溪源向微君溯名從太尉題臨
湖山擁北入巷水流西德建如城固千年被庶黎

虞叔寧典錄

范史誰能補虞綱有定評軼才搜北海純德冠東京片
語標芳躅千秋頌大名叔寧無特筆幾掩出羣英

木玄虛圖詠

水向句章入流從七十峯丹山留勝詠羽客訪仙蹤幻
跡歸虛誕民彝重肅恭孝純人乃聖不愧地靈鍾

徐會稽書碑

孰擅能書譽由來重會稽廟新唐歲月碑煥漢山溪氣
逸奔池馬精搏抉石猊李顏誇鼎足佳話甬江西

邱節使偕隱

謝徵非遁跡街詔轉辭官豈爲幽棲感翻令宦興闌漆
膠情自洽衡泌道同歡始信高天爵松交樂歲寒

謝皋羽避暑

純德彙編續刻 題詠

十九四明叢書

竹園刊本

當途誰慟哭宋代有遺民偶避炎天暑曾游古寺鄰江
湖留義氣天地寄孤身信口抒歌嘯遲知攷據真

何司理神夢

老姥來何意鵝洲夢宛然似哀天不共還感暑相連慷
慨陳冤苦何公通籍後得復父仇勤勞廓几筵使君誰比烈新廟

誦遺編

汲水沙

汲水當年事猶存此地沙寒因籠夜月彩爲漂晨霞溪
漲新痕滿林環舊渚斜永昌潭上望大隱一山花

慈溪巷

縣自依山立溪還入巷分一痕流孝水幾曲落殘曠路
轉隨波折居稠負郭紛往來名不察試問意何云

孝子井

親慈溪久著子孝井長留巷外埋遺石橋西認舊流字
猶存漢篆地不在龍湫此水人人飲能供色養不

滴淚潭

墓上風號木思親淚未乾滴枯雙眼寂恨抱一身單化
碧泉無色澄紅水亦寒此中多少血莫忍作潭看

純德彙編續刻 題詠

二十四明鼓書

約園刊本

望母洞

大孝終身慕何分歿與存松楸埋隱憾風雨懾慈魂一
洞窺客色千巖洒淚痕願教雷不作安寢荷天恩

祭母文

得雪重泉恨摘詞不計工怨憑三尺了魂借兩行通剖
腹心全白陳顛血尙紅到今生氣在凜凜讀難終

浮碧山故宅

山下行人過誰還識故居斷煙藏谷冷寒水涌庭虛花
草春風裏牛羊夕照初一窺窺子舍憑弔欲歛歔

大隱溪寓亭

乾坤皆是寓不獨一孤亭草屋何年闢
籃輿幾度經近環流水碧遙疊曉山青
得供慈顏樂飛泉汲滿甃

郡城南墓廬

菽水歡難再依依母墓旁挾戈眠皓月
撫柏哭寒霜舊蹟何人訪荒郊暮雨涼
一抔衰草路烏烏認山莊

董家園孝墓

輿以黃楊著園還屬董家達蓬山卸脈
靈緒水圍沙磊磊石垣接蕭蕭籬竹遮
翁洲遺句在保護慎無譁

純德彙編續刻 題詠

三四明據書

約園刊本

闕湖北廟址

欲尋先漢廟湖北聳層基爲燭獰僧虐
長埋孝子祠馨香原有在成毀竟如斯
認取唐賢碣重修鐫偉詞

徵君宋璽像

至德通天地英靈迴不磨鬚眉留楮墨
神彩壯山河宋璽光猶爛唐神搨未訛
莫嗟珠偶失默相總無佗

祥鳥

枕戈曾錫類一念感微禽哺冷空庭色
號荒古木陰淒涼依白首沈痛助哀音
世有梟張鳥能無愧爾心

古松

地久天長後蒼松不改觀飽嘗慈孝澤長耐雪霜寒日
彩龍鱗照濤聲鳳尾蟠當年應變色淚洒血痕殘

褫兵

此地遭倭寇披猖駐舳艫威驚神是虎膽落賊如鷓鴣
獸紛紛散干戈寂寂無精靈隨處著況復在庭隅

熄火

烈火三番逼民居盡作灰上天原重孝斯廟不爲災無
待人相救何須水一杯歸然今昔似誰遣北風回

純德彙編續刻題詠

五十四明叢書

約園刊本

御錢

報賽邨農事如何迓到予稻梁民氣洽簫鼓俗情舒卻
愛人填巷祇愁母倚闔白華歡自足長此閉門居

保嬰

撮土緣何事貽謀爲後昆掬將純孝澤沾向錦綉孫璋
弄纔三月泥香徧一邨先民無忝意長願樂晨昏

董躍津

字望雲
號星橋

書全祖望東京雙詔說後

漢廷遺詔漫胡盧擅殺何人許弗誅宥罪若難憑臆說

旌賢從可信
皇謨名流動
喜翻成案簡
冊誰知浪抱
誣
三豕渡河曾
讀否有疑當
闕莫心粗

純德彙編續刻

題錄

三

四明叢書

約園刊本

純德彙編續刻

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本